

# *U LINGULULA IPFI LAWE*

 Kha ri vhe ro ima huno ri kotamise zwifhačuwo zwashu.  
Murena Yesu, ri a U livhuwa matsheloni ano nga n̄thani ha u tondwa u da ngomu Vhuhoneni Hau n̄duni Yau, he vhathu Vhau vha kuvhangana nga Dzina Lau. Huno vhočhe ndi Vhau, Murena. Huno ri a dikumedzela kha Iwe zwino u itela ndavhelelo ine ra vha nayo mbiluni dzashu u itela tshu—tshumelo ya avho vha si na Mudzimu nahone vha si na Kristo, uri vha tshidzwe, huno vhalwadze vha do fhola, nahone vhakhethwa vha do fhačutshedzwa. Zwi tendele, Murena. Huno zwenezwo magumoni, ri do kotamisa zwifhačuwo zwashu nga u džukufhadza huno ra U nea thendo kha zwočhe zwine Wa ita nga kha riňe kha lino duvha. Ngauri ndi Dzinani la Yesu line ra zwi humbelā. Amene. Ni nga dzula.

<sup>2</sup> Nne nga ngoho ndi a livhuwa pfanelo ya u vha fhano hafhu namusi, na vhoinwi vhathu vhe na enda ni tshi bva kule nga maanda u dela Mulaedza, u itela tshumelo matsheloni ano. Ndi a zwi divha uri a no ngo da u tou vhona kana u pfa nne, ni da u tangana na Murena Ÿesu. Huno ngauralo nne ndi khou fulufhela uri U do ni nea lutamo lwa mbilu yanu.

<sup>3</sup> Zwino nne—ndo vhuya, ndi a vhuya, ndi tshi isa muča ngei Tucson huno nda vhuya. Ndo neta nahone ndo fhela nungo. Huno ndo vha ndi tshi khou tshimbila tshilimo tshočhe, u bva Phando yo fhiraho, huno zwino ndo da uri ndi tsele fhasi ngei Kentucky ino vhege, u ya u zwima na dziňwe khonani, u lingedza u awela zwičuku. Zwi nnyita uri ndi vhe na mazhuluzhulu nga maanđa, ni a divha, ngauralo nne... Nne na Billy ročhe ri tsini na u vha vha si tsheeho, ngauralo ri a rabela—rabela uri Mudzimu u do ri thusa ino vhege u awela.

<sup>4</sup> Murena a tshi funa, ndi ḥoda u vhuya fhano hafhu Swondaha i tevhelaho arali Murena a tshi funa. Huno ndi ḥoda tshumelo ya tshipentshela Swondaha i tevhelaho. Ndi ḥoda u ita tshiňwe tshithu lwo fhambanaho zwičuku na zwa nga misi. Zwino, ndi bvisela izwi nnđa uri vhathu vhane vha do... vha sa do zwi takalela a vha nga do tea u da, fhedzi riňe tshifhinga tshočhe ri rabelela vhalwadze, Murena a tshi funa, musi vhathu vha tshi da. Huno Swondaha i tevhelaho ndi ḥoda u wanulusa zwi re kha mbilu dzanu dzočhe. Ndi—ndi ḥoda vhoinwi ni tshi nwala, namusi, musi ni tshi tuwa, huno na zwi vhea n̄tha ha desike, huno Murathu Neville u do zwi nekedza Billy Paul, huno ene kha nne, zwi re mbiluni dzaču. Itonu ri... arali hu mbudziso ya Bivhili, kanzhi ndi vha nayo nga iyo ndila. Ndi khou yo i vula zwičukunyana zwino, khamusi hu na iňwe thaidzo kha mbilu yanu ine—ine inwi—inwi na sa kone u i fhirisa nga iňwe ndila, vhunga inwi no wana, oo,

khamusi thaidzo ya hayani. Inwi a ni tei u saina dzina ḥanu khayo, fhedzi itonu, “Munna wanga u ita tshikenenene huno tshi a nthithisa.” “Mufumakadzi wanga u ita tshikenenene.” “Huno—huno hu na—hu na tshiñwe tshithu tshi no khou itea vhutshiloni,” kana—kana tshiñwe tshithu, ni a ḫivha, zwine zwa tou vha mbiluni yañu, tshiñwe tshithu tshi no khou ni dina. Ndi elekanya uri izwo zwi do vha zwavhud. Ni a ralo? Zwenezwo itonu wanulusa ḥenefho, nahone khamusi ni vhudzisa mbudziso huno nne nda fhindulela muñwe muthu-vho. Ni a vhona, vha nga ḫi vha na vhuleme vhu fanaho. Huno zwine zwa vha mbiluni yañu fhedzi, zwi pfufhifhadzeni nga hune zwa konadzea, vhunga, “Ndi na ḥwana a no vhonala a tshi khou khakha, naa ndi fanela u itani?” “Ndi na mu—munna aña a sa ḫo da tshivhidzoni na nne. U a nkhalifhela, naa ndi fanela u itani?” Kana, mufumakadzi, nga ndila i fanaho. Kana—kana, ni a ḫivha, “Bivhili i amba *itsi* ḥuñwe fhethu na *itsi* ḥuñwe fhethu, a thi zwi pfectesi. Izwi, ndi ḫo takalela u ḫivha zwine ḫa amba zwone.” “Huno nne ndi a tea, sa Mukriste, musi ndi tshi shuma ofisini huno vhasa a tshi amba zwithu zwino-na-zwił, huno a tshi nkhubela u ya nae tshimimani, huno kha *itsi* tshimima vha a nwa, naa ndi tea u itani?” Ni a vhona, fhedzi, ni a ḫivha, zwithu zwi no nga zwi kha ḥthalukanyo ya muthu. Ri ḫoda inwi ni tshi ralo.

<sup>5</sup> Huno, ngauralo-ha, zwenezwo ndi—ndi tea u humela murahu-ha, nga murahu ha hezwo, ngei Arizona. Huno ndo elekanya uri ndi ḫo—do—do wana tshikhala tsha u nga ndi a ni thusa u pfectesa, nahone zwa khwinesa zwine nda kona. Ndi ḫo takalela u vha na zwinzhi zwine ndi nga kona u zwi vhea kha phuluphithi ḥamusi ni sa athu ḫuwa. Itonu zwi ḥwala huno ni zwi vhee nthā hafha, huno—huno Murathu Neville kana muñwe wavho u do nñea zwone. Huno ino vhege, fhasi thavhani, ndi ḫo vha na tshi—tshikhala tsha u zwi guda huno—huno nda rabela nga hazwo, huno nda ni wanela phindulo ya Mañwalo kha tshiñwe na tshiñwe tshire nda kona, u ni thusa. Ngauri izwo ndi ngazwo ro kuvhangana hafha, u thusana. Ni a vhona? Inwi ni a nthusa musi ni tshi nthabelela, huno ndi a fhlufhela uri ndi nga kona u ni thusa. Zwino, zwenezwo, ni songo hangwa, izwo zwi ḫo vha nga matsheloni a Swondaha i tevhelaho.

<sup>6</sup> Huno zwino, ḥamusi, riñe ri...ri na vhaeni, sa nga misi. Huno ndi vhangana vha bvaho kule hu fhiraho maela dza ḫana, imisani tshanda tshañu? Avho ndi pfectese dza fuñahetahé dza tshivhidzo. Swondaha dzi si gathi dzo fhiraho, ndo ri, “Ndi vhangana vha bvaho kule *zwingafho*,” kana tshiñwe tshithu, huno ndo kundelwa u wana zwanda zwi bvaho Jeffersonville. Huh! ḫuvha li tevhelaho nda zwi wana, naho, vha ri, “Mukomana Branham, vhaeni vhothe vha a dzhena ngomu,” huno ha pfi, “ri tou vha tendela u dzhia fhethu hashu

tshivhidzoni.” Ho ambiwa nga u ralo vha a da, vha madana vho da huno vha kundelwa u dzhena ngomu, ha pfi, “Ngauri ro vhona vhaeni, ni a vhona.” Zwino, izwo ndi zwavhudi nga ha vhathu vha Jeffersonville u mona hafha. Riñe—riñe ri—riñe ri a livhuwa iyo, Jeffersonville na New Albany, na vhathu u mona hothe. Ri a livhuwa hezwo. Naa ndi vhangana vha bvaho kule hu re maela dza tshigidi? Nnenne! Naa ndi vhangana vha bvaho kule hu fhiraho maela dza tshigidi, imisani zwanda zwañu? Oo, nga vhanna! Izwo ndi zwavhudi. Izwo ndi . . .

<sup>7</sup> Swondaha yo fhiraho, ho vha hu vhege yo fhiraho, ndo amba nga ha thoho, *Haya Hu Daho Ha Muselwa Na Muhwe*, huno ndi elekanya uri ro vha ri tshi bva maela dza tshikwea dza mađana a fumiñhanu u mona hothe. Huno, zwo sokou itea, uyo wa vha u muelo wa Muđi kokotolo we nda vha ndi tshi khou amba nga hawo, maela dza tshikwea dza mađana a fumiñhanu. Ndo vha ndi kha munyanya wa Heyo u bva tsheetsho, ndi tshi zwi ñivha uri musi uvhu vhutshilo ho no fhela, nñe ndi khou ya kha uyo Muđi. Nñe ndo livha kha uyo Muđi, huno a hu na tshiñwe-vho tshi no dzindela. Mini-ha arali ñuvha li sa penyi ñamusi, kana la matshelo li sa ñi na khathihi, naa zwi ita phambano-de? Ri na Haya, Fhethu ha u awela. Ro neta kana a ro ngo neta, ri kha ñi vha na afho Fhethu ha u awela. Inwi ni ri, “Uyo ndi muloro wa mukalaha.” Hai, a si wone. A si wone. Ndi Ngoho ya Bivhili.

<sup>8</sup> Nga vhuñwe vhusiku nga murahu ha u amba hafha, ho vha na munna we a gidimiselwa u mona hothe hafha murahu ha pulatifomo, musi ndi tshi bva nga muñango, vha tshi khou lingedza u nnyisa modoroni. Huno uyu muthu muswa a ri, “Ndi toda u tou amba ipfi lìthihi kha inwi.” Billy na vhañwe vharathu vha tshi khou lingedza u nnyisa modoroni. A ri, “Naa ndi nga tou amba ilo ipfi lìthihi?”

Nda ri, “Ambani-ha, muñe wanga.”

<sup>9</sup> Huno a ri, “Inwi no vha ni tshi khou amba madekwana a ñamusi, nga ha u hambekanya avho vhasadzi, ndila ye vha vha vha tshi ambara, vha tshi ambara izwo zwiambaro.” Ha pfi, “Munna wa vhukale hanu u ño elekanya izwo, fhedzi arali no vha ni wa vhukale hanga no vha ni tshi ño elekanya lwo fhambanaho.”

Nda ri, “Naa ni na miñwaha mingana?”

A ri, “Ndi na ya fumbilisumbe.”

<sup>10</sup> Huno nda ri, “Ndo vha ndi muswa kha inwi nga miñwaha ya fumi, ya fumiñhanu, ndo vha ndi tshi khou rera zwenezwo zwithihi. Ni a vhona?” Nda ri, “Ndi zwine zwa vha mbilu yanu, mutukana. Mađo yanu a vhona nga kha mbilu yanu.” Huno a sokou wisa thoho yaye huno a ñigutshela. Ndi a humbulela uri a hu tshe na mbilu kha hezwo. Ni a vhona, zwi ya na nga zwi re hone ngomu *hafha* ndi zwine zwa khou

yo bva nga kha *hafha* na *hafha*. Ni a vhona, Yesu o ri, “Arali ni tshi amba zwo fhambanaho na zwi re hone ngomu *hafha*, zwenezwo ni vha muhoi.”

<sup>11</sup> Ndo takala matsheloni ano, huñwe fhethu tshivhidzoni, u vha na khonani ya vhuthogwa nga—nga maanda yanga, mukomana, Vhafunzi Eddie Byskal na mufumakadzi wavho na vhana. Ndi dzhia uri vho dzhena muñgananoni matsheloni ano. Eddie, naa ni hone fhano? Ndo—ndo elekanya uri inwi... Zwo ralo, khamusi ho ngo swika. Mukomana, oo, ee, ndila... Zwino, iyo a si khuða ya “amene,” Eddie. Ni a ḥanganedzwa ngeno n̄tha kha pulatifomo na riñe, vhashumeli, arali ni tshi toda u ða. Huno zwenezwo ro vha ri kha...

<sup>12</sup> Mukomana Eddie o vha e hone musi Murena a tshi n̄nea bono nga ha tshivhingwi na nyala ya ḥanga nnzhi. Yone... Naa ndi vhangana vha no elelwa izwo musi ndi tshi ni vhudza? Zwo luga, o vha e hone. O vha e ene muthu muswa o ambaraho hemmbe ya zwikwea, Mukomana Eddie Byskal. Huno a ima heneffho he...huno nda vhudzisa...nda—nda vha vhudzisa arali vho vha vhe na hemmbe ya zwikwea, muñwe wavho-vho. “Hai,” a hu na we a vha e nayo. Nda ri, “Zwo ralo, i nga ði vha...I tea u vha hemmbe ya zwikwea. Hu khou yo vha na tshivhingwi tshi—tshihulu tsha thodzi tsetha, na—na luñwe lushaka lwa phukha ine ya vha na intshi dza fuiñambili kha ḥanga dzayo, nga ndila *iyyi*, i tshi nga nyala.” Huno izwo zwo vha hone miñwedzi ya rathi yo fhiraho, ndo amba fhano, ni a ðivha, zwi sa athu bvelela; ndapfu, dzi ḥodaho u vha nngafha, oo, lu vhilulaho u fhira holu kha ñwaha.

<sup>13</sup> Zwenezwo nda rambiwa ngei n̄tha kha uyu munna, u ya u zwima. Na khathihi a tho ngo vhuya kha ïlo shango, ngei murahu he ra ya, huno ndo zwi amba. Fhedzi vhūṭala vhūṭuku, afho ndi kule n̄tha kha gondo la Alaska, hune ha sa vhe na tshithu nga nn̄da ha mañaka na dzithavha na dziphukha. Huno uvho vhusiku kha tshigarikana musi ndo vha ndi tshi khou vhudza Mukomana Byskal ngei murahu na—na Mukomana Southwick, a ri, “Zwo ralo nda—nda... Ri khou ya n̄tha kha shango la nngu,” ha pfi, “hu nga si vhe ngei n̄tha.”

<sup>14</sup> Huno nda ri, “Ee,” huno nda ri, “ho vha hu muñwe wa vhathe vhañuku vhe vha vha vhe na n̄ne we a vha o ambara hemmbe ya zwikwea.” A hu na we a vha e na hemmbe ya zwikwea, Mukomana Byskal o vha a si na iñwe, a hu na na muñwe washu we a vha e nayo.

<sup>15</sup> Vhusiku ha vhuvhili n̄tha, ra vhona, ra londa vhūṭala ha thutha kule nga n̄tha ha ñaini ya thanda. Zwino, afho ndi kule n̄tha hune thanda dza sa vhuye dza aluwa, hune ha sa vhe na tshithu nga nn̄da ha nyala ya ḥanga nnzhi na nngu, huno ro

londa vhuṭala ha dziiwe kule-kule. Huno ndilani ya u tsela phasi nga ayo masiari, Mukomana Byskal a wela ngomu mađini huno a ḥukala.

<sup>16</sup> Nga matsheloni a tevhelaho ra vuwa nga u ṭavhanya huno ra thoma u tevhela thutha dze ra elekanya uri ri khou yo dzi wana. Huno kha yawe... Huno ra vuwa heneffo huno ra vha... ro no la tshiswiṭulo tshashu, huno ra kundelwa u wana dzithutha, huno Mukomana Byskal u kha di bva u thuntsha nyala ya ḥanga ndapfu. Ngauralo zwenezwo nne, ndi tshi khou sedza u mona hoṭhe, huno ra gonya ḥtha, Mukomana Southwick a ri kha nne, a ri, "Ndi tenda uri ri do... arali ni tshi ṭoda u tshimbila zwavhudī, Mukomana Branham, ri do pfuka iyi thavha, phasi kha afho ha u zwima, idzo thutha dzi nga di vha dzo ya hangei," hune ha vha mutshimbilo mulapfu. Fhedzi a hu swifhali khamusi u swika tshifhinga tsho no ṭuwesa, khamusi ndi nga awara ya fumi kana ya fuminthihi ḥtha ha tshithoma nga tshiñwe tshifhinga.

<sup>17</sup> Huno ndi mutshimbilo mulapfu wavhudi u pfukaho idzo thavha dza matombo. Ngauralo ndi takalela u tshimbila, huno ngauralo ro vha ro tou ima heneffo ro kuvhatedzana nga zwanda zwashu, ndebvu dzashu dzothe dzi tshi khou tshena, ro kuvhatedzana nga zwanda zwashu, ri tshi khou lila nahone ri tshi zwi ḫivha, nda ri, "Mukomana Bud, ndi a fhulufhela uri ḥiñwe ḫuvha, kha Nwahagidi, ndi nga tshimbila kha idzo thavha dzothe heneffo."

<sup>18</sup> A ri, "Ndi fhulufhela uri nne ndi na inwi, Mukomana Branham." Huno ro vha ro ima heneffo, ri tshi khou tou takala Murenani. Huno ndi funa dzithavha zwavhudī nga maanda!

<sup>19</sup> Huno zwenezwo ra tsela phasi. Izwo ndi musi Mukomana Byskal heneffo a tshi thuntsha nya—nya—nyala ya ḥanga nnzhi. Uyo, o vha e mufunziruñwa kha Maindia, huno o vha a tshi ṭoda u kanzwa Maindia nga iyi. Ngauralo ra tsela phasi, ra la tshiswiṭulo tshashu, huno ra vhulaha nyala ya ḥanga nnzhi huno ra vhuya.

<sup>20</sup> Nne na Bud ro vha ri tshi khou gonya ḥtha u budekanya thavha, musi two sokou itea ra sedza nga hangei, nahone hu re tshikhala, nga ngilasi dzanga, nda londa vhuṭala ha iyi phukha ye nda i vhona, nga tshifanyiso tsho ḫandavhuwaho fhedzi, vhunga ndo ni vhudza fhano. Mukomana Byskal heneffo, o ima heneffo thungo yashu. Huno ngauralo nda ri, "Ngeyo iyo phukha."

<sup>21</sup> Huno a ambara dzingilasi, huno a ri, "Ndi nyala ya ḥanga nnzhi khulukhulu, ya kale, phulu khulusa."

<sup>22</sup> Huno nda ri, "Na khathihi a thi athu vhona, ndo elekanya uri dzi na ḥanga dzi re nnzhi." Fhedzi iyi yo vha i na ḫodzi dzi thavhaho, yo vha i phukha i vhonalahi i sa pfectesei, u tou fana na ye nda i vhona kha bono. Na khathihi a thi athu thuntsha nyala ya ḥanga nnzhi.

<sup>23</sup> “Ngauralo, zwo luga,” a ri, “arali Murena o ni ɳea yone,” a ri, “heneffo hu tou . . .”

<sup>24</sup> Nda ri, “Ee, izwo zwi tea u vha zwone. Tshithu fhedzi tshire nne nda khou tshi mangala ndi iyo hemmbe ya zwikwea.” Huno nda sedza u mona hothe, huno Mukomana Eddie, mufumakadzi wawe u fanela u vha o i vhea, o vha e heneffo nae, u fanela u vha o i vhea begeni yawe ya seila. Musi o vha o ɳukala duvha la phanda ha ilo, o tshintsha dzihemmbe, huno ho vha hu na hemmbe ya zwikwea. Nda ri, “Iyi ndi yone.”

<sup>25</sup> Huno ndo ya hangei nda wana nyala ya ɳanga nnzhi, ene, Bud, a amba na nne, a ri, “Zwino, Mukomana Branham, inwi ni ri idzi ɳanga ndi intshi dza fuiɳambili?”

Nda ri, “Izwo ndi zwine dza do vha zwone.”

A ri, “Dzo vhonala kha nne dzi tshi todou vha fuṭahembili.”

Nda ri, “Hai. Dzone ndi intshi dza fuiɳambili.”

<sup>26</sup> A ri, “Zwino, u ya nga zwe na mmbudza zwone, ri sa athu humela murahu kha uyo mutukana ngei fhasi o ambaraho hemmbe ya zwikwea, Eddie,” (he vha vha vha tshi khou yo tangana na rine fhasi ha thavha, maela dici si gathi), ha pfi, “ni khou yo vhulaha tshivhingwi tshitsetha.”

Nda ri, “Ilo ndi U RALO MURENA.”

<sup>27</sup> A ri, “Mukomana Branham, naa tshi bvafhi? Ndi kona u vhona lwa maela dza fuṭhanu u mona hothe.”

<sup>28</sup> Nda ri, “U kha di vha Jehovah-jireh. Murena u a kona u Didisedza, ni a vhona. U a kona u ita uri zwisindi zwi tshilaho zwi vhe hone. Arali A tshi kona u ita uri thutha i tshilaho i vhe hone, arali O zwi amba nga ha tshivhingwi, tshivhingwi tshi tshilaho tshi nga vha hone.”

<sup>29</sup> Rine ri tshi khou lingeda u hwala iyi nyala ya ɳanga nnzhi i lemelaho, tshiphuga, thavhani fhasi, huno nda hwala tshipida tsha tshigidi tsha tshifhinga, huno zwenezwo ene a hwala tshigidi, na u fhambanyisa. Huno musi ri tshi todou swika kha mulambo muhulu wa aisi, mulandu, ra dzhena heneffo fhasi. Ho vha hu tshi nga hu a fhisa, ra dzhena kha mulambo wa aisi, huno ra dzula fhasi heneffo lwa tshifhinganyana u itela uri ri rothodzwe. A ri, “Ni a divha, Mukomana Branham, rine a ri hune ha todou ita maela u bva hune Eddie na Blaine, avho vhatukana vhabhili, vha do vha vho ima. Itshe tshivhingwi tsha kale ndi khwine tshi tshi divhonadza.”

Nda ri, “Bud, ndi tenda uri ni khou zwi timatima.”

<sup>30</sup> A ri, “Mukomana Branham, mukomana wanga o vha e na tshifakhole lwa miñwaha minzhi nga maanda. Huno no mmbudza luthihi, lwa u thoma ngeno n̄ha, musi ro tsela fhasi huñwe fhethu, no mmbudza uri uyo mutukana u nga mini.” Huno Eddie o vha o namela heneffo nga thungo yanga, kha

bere, musi Murena a tshi ḥea bono. Huno ndo vha vhudza zwine vha tea u ita kha mutukana, tshifakhole tsha ima. Huno zwino a ri, “A thi koni u zwi timatima.”

<sup>31</sup> Nda ri, “Bud, a thi divhi hune tshivhingwi tsha bva hone.” Fhedzi ndo vha ndi tshi ḥoda u vha na ya fūthanu, nne ndi na ya fūthanuñthanu zwino, ngauralo izwo zwo itea miñwahani i ḥodaho u swika miraru yo fhiraho. Ndo vha ndi tshi ḥodou vha na ya fūthanumbili kana ya fūthanutharu. Nda ri, “Na khathihi a thi athu Li vhona li tshi kundelwa. Mudzimu u do nnea itsho tshivhingwi tshitsetha ndi sa athu swika kha avho vhatukana.” Huno ro vha ro no vha kañukuñuku fhasi kha hune muri wa mañari a no nga dzinete na thanda zwa thoma ngomu.

<sup>32</sup> U tsela fhasi zwiñuku muvhunduni, ro vha kañukuñuku ri ngomu thandani, a dzula fhasi. O vha e ene we a vha o hwala tshiphuga tshifhingani itsho, ndo vha ndi na tshigidi. Huno a ri, “Itsho tshivhingwi tsha kale ndi khwine tshi tshi divhonadza, a tsho ngo ralo?”

Nda ri, “Tshi do vha hone. Ni songo vhilaela.”

A ri, “Ndi kona u vhona muvhundu muñwe na muñwe.”

<sup>33</sup> Nda ri, “Ndi...Fhedzi ndi vhona pfulufhedziso!” Ni a vhona? Ni a vhona, O fulufhedzisa. Nda ri, “Tshinwe na tshinwe tshe A...” Nda ri, “Bud, naa ndi tshini itsho tsho dzulaho hangei?”

<sup>34</sup> A sedza, a ri, “Ndi tshivhingwi tsha ḥodzi tsetha tshihulu.” Ha pfi, “Itsho ndi tshone.” Musi ro wana itsho tshivhingwi huno ri tshi vhuya... Ndi a elelwa kha bono ndo ni vhudza, nda tshuwiswa nga tshigidi. Tsho vha tshi .270 zwiñukunyana, gulu ḥukhu, inwi ni a vhona. Zwi kha theiphi. Huno ndo wana tshivhingwi, hune ha ḥodou vha dzharata dza mañana mañanu, vhunga lo amba. Bud a ri, “Inwi ndi khwine ni tshi thuntsha itsho tshivhingwi kha muñodo.” A ri, “Naa no no vhuya na thuntsha tshivhingwi?”

Nda ri, “Hai.”

<sup>35</sup> A ri, “Oo, a zwi divhi uri lufu ndi mini!” Ndo guda izwo ngavhuyanyana. Ngauralo a ri, “A zwi weli fhasi nga nthani ha dzhenuwo,” ha pfi, “inwi ndi khwine ni tshi tshi thuntsha.”

Nda ri, “U ya nga bono, ndo tshi thuntsha mbiluni.”

<sup>36</sup> A ri, “Zwo luga, arali ilo bono lo amba nga u ralo, nne ndi khou yo ima na inwi.”

<sup>37</sup> Huno nda ri, “Hafha ri a ḥuwa.” Huno ra sendela tsini zwiñuku, huno musi ndi tshi kotamuluwa, tshivhingwi tsha mmbona. Izwo ndi zwe tsha vha tshi tshi ḥoda, u nkhalifhela. Huno nda—nda tshi thuntsha, a zwo ngo vhonala unga tsho vhuya tsha tshi vhaisa. Hafha tshi a ḥa! Huno ndi sa athu panga inwe gulu kha tshigidi, tshivhingwi tsha fa hune ha ḥodou ita dzharata dza fūthanu u bva khae.

<sup>38</sup> Bud o vha o tshena u mona na mulomo, a ri, “Mukomana Branham, ndo vha ndi sa tshi ṭodi kha shumbi ḥanga.”

Nda ri, “Na nne ndo vha ndi sa khou ralo.”

<sup>39</sup> Ha pfi, “Nne ndo takala ngauri lila bono lo amba zwauri no tshi wana.” A ri, “Zwino, arali idzo, arali idzo ḥanga dzi intshi dza fuinambili, nne ndi khou yo vha na . . .” Ndi do zwi amba nga ndila ye a ralo, ho pfi, “Nne ndi khou yo vha na tshifakhole tsha u zhamba.”

<sup>40</sup> Nda ri, “Zwo luga, inwi ni tou vha nayo zwa zwino, ngauri izwo ndi zwine zwa khou yo vha zwone.”

<sup>41</sup> Musi ro tsela phasi ngei ha Mukomana Eddie, ndo amba na Mukomana Eddie . . . Ra hungulula dzibere, dzi tshuwa tshivhingwi. Huno, yawee, nnenne, dzo do tea u pfa munukho watsho. Ra kundelwa u via mukumba watsho, tshifhinga tsho vha tsho no tuwesa; ro do tea u vhuya ḫuvha li tevhelaho. Huno zwenezwo ra thukhula ludzi lu no ṭodou swika kafumi, huno bere dzi tshi khou gidima hoṭhe-hoṭhe. Ngauralo zwenezwo musi ri tshi swika ngei phasi, a ri . . . A ya a wana muelo wa theiphi kha bege ya sale yawe, a ri, “Blaine.”

<sup>42</sup> Nda ri kha Mukomana Eddie, nda ri, “Sedzesani itsho tshanda tshiṭuku zwino, u ya nga . . .” Ndo elekanya uri hu nga di vha ho vha hu Billy Paul, tshanda tshiṭukuṭuku tsho fara muelo wa theiphi wo pombaho luṅanga. Nda ri, “Sedzesani itsho tshanda tshiṭuku,” a rwa nga vili Mukomana Eddie. Ra humela murahu. A i vhea henehfo n̩ha nga ndila iyo, kokotolo kha ningi, intshi dza fuinambili. Ni a vhona, zwo tou kokotolo. Yesu ha kundelwi na khathihi! Illo Ipfi li nga si kundelwe samusi li tshi bva ha Mudzimu.

<sup>43</sup> Ndo tou sokou vhona vhukati hashu, Mukomana na Khaladzi Jackson vha bvaho Afurika-Tshipembe. Ndi a humbulela uri vho no divhadziwa. Huno—huno no ralo, Mukomana Jackson? Matsheloni ano, imani, inwi na Khaladzi Jackson. Ndi do tou takalela uri vhaṇiwe vha vhone. Mukomana wanga, Eddie, ngoyu mufarisani wa kale wa u zwima a bvaho Afurika-Tshipembe, na ene-vho, u tsa phasi. Murena a ni fhaṭutshedze, Mukomana Jackson na Khaladzi Jackson, ro takalela nga maandā u vha na vhoiñwi fhano na riñe. Huno vhashumeli vhoṭhe ngomu tshifhaṭoni imisanī tshanda tshānū, vhoṭhe vhane na vha mushumoni. Žwo luga, izwo ndi zwavhuḍi na mathakheni, zwivhuya. Murena a ni fhaṭutshedze. Ro takalela u vha na vhoiñwi noṭhe fhano. Ndi khou yo vha na muduba wa thabelo nga miniti i si gathi, ngauralo a—a thi . . . Ndi tama ndo vha ndi tshi nga ni imisa noṭhe huno na da n̩ha na ntherela. Ro takala nga maandā u vha na vhoiñwi, muñwe na muñwe wañu.

<sup>44</sup> Musi, ndi tshi elekanya nga ha u fulufhedzea hanu, nahone—nahone ni tshi da u buđekanya na lushaka, na

zwiñwe-vho, u pfa nñe ndi tshi amba nga ha uyo Murena Yesu a funwaho, fulufhelo line na vha naþo la uri U pfa thabelo dzanga. Ndo vha ndi tshi khou amba zwikhathinyana zwi si gathi two fhiraho nga ha muvhudzisano wa phuraivete kha muñwe muraðo wa itshi tshihidzo, zwi sa fhiri miniti ya fuinäthanu yo fhiraho, mme vho kwashukanaho mbilu. Huno zwenezwo ndi kha di bva u amba tshiñwe tshithu kha musadzi, (a thi divhi u do þoda ndi tshi amba uri o vha e nnyi kana hai), heneffo ho mbo da Tshedza tshenetsho tshithihi tshire na tshi vhona kha itsho tshifanyiso. Ho vha ho fhela, vho tuwa vho takala. Ro takala nga maanda, ñamusi, kha tshino tshikhathi tshi sudzuluwaho tshire ra khou tshila khatsho, hune na si kone u vhea fulufhelo kha tshiñwe tshithu, ri na Muvhuso u sa koni u bva vhudzuloni, u sa koni u sudzuluwa. Une U sa sudzuluwe! Hu si tombo la Gibraltar, fhedzi lutendo Iwashu lu nga ditika lwo khetheaho nga Tombo la Zwikhathi, nga Yesu Kristo, lone Tombo la tshidzo li sa sudzuluwi.

<sup>45</sup> Ndi þoda u livhuwa khaladzi we a disa bogisi lituku la zwiraru li na Bivhili ngomu haþo ya mufumakadzi wanga a re fhano. O itela Murena mulanga nga ha ili bogisi lituku. O li nakisa. Li na zwiñwe...vhunga zwifanyiso zwa zwifhingani zwa kale khaþo. Huno o humbela Murena...O nakisa bogisi nga maandesa zwituku, thañwe. Li tou vha bogisi zwalo lituku nga tshivhumbeo tsha phiramidi. Huno o li disa na Bivhili kha mufumakadzi wanga. Ndi a ni livhuwa, khaladzi. Tshifhiwa tshiñwe na tshiñwe tshañu tshiñku na zwithu zwine na nea Billy Paul na vhañwe, zwi swika kha nñe. Ndi livhuwa tshiñwe na tshiñwe. Mudzimu a vhe na inwi.

<sup>46</sup> Ni songo hangwa zwino, nga matsheloni a Swondaha i tevhelaho. Zwenezwo tshumelo yo no fhela ñamusi, ñwalani mbudziso yanu. Arali ni sa koni, i diseni nga matsheloni a Swondaha i tevhelaho. Ndi do da nga u tåvhanya zwituku, zwenezwo i ri ni vha i dise kha lufhera, uri ndi kone u vha na tshifhinga tsha u i nea zwa murahu zwa Mañwalo. Huno ri do fhindula dzimbudziso nga matsheloni a Swondaha i tevhelaho, Murena a tshi funa.

<sup>47</sup> Zwino, hu na sagaduku nnzhi dzi re hafha. Huno ndi zwi sukumedzela murahu, u tou itela u swikisa notsi dzanga—dzanga hafha fhasi, na yanga...na Bivhili yanga, nga u ralo, kana Bivhili yanga na notsi dzanga, kha ndi ralo, uri ndi kone u vha na lufhera luþuku. Fhedzi ndi...Ndi rabelela muñwe na muñwe.

<sup>48</sup> Ndi do ñwala-ñwala notsi dzanga fhasi, ndi tou vha na tshifhinga tshiñku. Ndi nga si ni fareledze vhunga zwe nda ita tshifhinga tsha fhiraho ndi fhano, lwa awara dzi no swika nna. Ndo difulufhedzisa, arali nda theipha muñwe-vho nga u ralo, ndi do i theipha nñe muñe fhano, kana tshinwe tshithu tshiñwe-vho, uri ndi sa tee u ni fareledza.

<sup>49</sup> Naa Dok. Lee Vayle u hone ngomu matsheloni ano? Ndo vha ndi tshi ṭoda u vhudzisa arali Dok. Lee Vayle...Naa ni hone fhano, Mukomana Vayle? Imisani tshanda tshanu arali ni hone. Naa u ngei murahu? Zwo luga, ndi a ni livhuwa, Mukomana Roy. Huno ndi ṭoda inwi ni tshi vha na ngoho ya uri ni ṭola idzo notsi, Mukomana Vayle. Ni huiwe fhethu kha magogo ngei murahu hune nda si kone u vhona, kana holoni. Ri tea u sedzes, ri nga si tendele vhanzhisa u ima, mudzimi wa mulilo a nga si ri tendele u ita hezwo, inwi ni a vhona, huno nga u ralo ro ralo. Ndi ṭoda inwi ni tshi ṭola nzumbululo yanga kha Mbeu ya Nowa, u thavhelwa ngomu ha tsha u thoma, Tshikhathi Tsha Tshivhidzo Tsha Efeso tshine a khou tshi ḥwala, a khou nnzhenisela tshone girama. Tsho itwa zwavhuđi! Huno ndi ṭoda inwi ni tshi tshi ṭola itsho huno na tendela muñwe muthu u amba tshiñwe tshithu tsha hanedzanaho na Mbeu ya Nowa zwino (uri kana yo vha i yone, kana hai)! Ngauralo Murena o tou nnea yone mulovha, ni a vhona. Oo, zwi seli! Nđila ine nda wana mulaedza, ndi ḥo vha ndi tshi khou qitshimbilela huno Tshiñwe tshithu tsha nkwama. Zwenezwo...Huno arali ndi tshi zwi divha uri ndi Mudzimu, ndi ḥo u dzhia huno nda u wana Luñwaloni. Zwenezwo ndi na...A lu athu kundelwa na khathihi, fhedzi, u bva kha Genesi u ya kha Nzumbululo, ndi lwa ngoho, hu sa londwi uri vhathu vha elekanyani nga Halwo. Huno zwo vha zwo engedzeaho nga u ralo u bva kha ayo Mapfundo A Sumbe. Ni a vhona, izwo zwo zwi ita tshifhingani itsho. Ngauralo Murena a ni fhaṭutshedze zwino musi ri tshi guda. Zwino nga u thonifha Ipfi...

<sup>50</sup> Huno ndi a tenda uri muñwe muthu, munzhiniere, onoyo ane a vha mushumoni, hu khou vha na u huma ha mubvumo zwituku hafha kha matheriala a mubvumo. Zwino ni kona u zwi pfa ngei murahu, zwo luga? Imisani zwanda zwañu arali ni tshi kona. Zwavhuđi!

<sup>51</sup> Zwino kha ri fhende Bivhilini, kha mafhethu mavhili Luñwaloni, huno ndi ḥo lingedza u bvisa mulaedza huno ra bva nga tshifhinga, arali Murena a tshi funa. Zwino kha ri fhendę kha Marko, ndima ya vhu5, na kha Khosi Dza U Thoma, ndima ya vhu10; Marko, ndima ya vhu5; Khosi Dza U Thoma, ndima ya vhu10.

<sup>52</sup> Zwino, fhedzi u itela mutsinda ane a nga di vha e khoroni dzashu, iyi, ri vhea Tshikolo Tsha Swondaha tshashu kha kilasi nthihi khulwane. Huno iyo ndi iyi kilasi hafha, ngauri phera dzo dala vhathu huno a ri koni u vha na kilasi dzo fhandekanaho dza misi, huno ri guda zwituku kha Ipfi, ra vha na vhuñama roğhe. A ri iti...A ri iñwe dinomineisheni-vho. A ri na dinomineisheni. Ri tou vha vho vhofholowaho Murenani, huno a ri ambi tshivhalonyana tsha vhusweleli ho kalulaho. Ri tou funza Bivhili, nahone Iyo

fhedzi. Huno Murena ndi wavhudzi kha rine, u swika A tshi zwi tikedza huno a sumbedza uri izwo ndi ngoho. Huno I ri nea khuthadzo khulwane.

<sup>53</sup> Huno zwino ni a—ni a tanganedzwa u vha vhukati hashu nga tshiñwe tshifhinga-vho. Zwino, nñe a thiho fhano tshifhinga tshothe, fhedzi ri na vhañwe vhafunzi vhavhudzi fhano; Murathu Neville, muñwe wa vhafunzi vhashu; Murathu Capps, muñwe wa vhafunzi vhashu; na Mukomana—na Mukomana Collins, Wilbur Collins, muñwe, vhafunzi vhashu. Huno zwenezwo ri na vho fhambanaho vha bvaho kha zwipiða zwo fhambanaho, zwivhidzo zwashu zwituku zwine ra konana nazwo. Arali ni hone ngei—ngei Texas, vhakomana vha Martin fhano, na Mukomana... Naa ndi mukomana ufhio a daho na inwi ngeno ndda? A thi vhone Mukomana Blair matsheloni ano. Oo, Mukomana Blair, a tho ngo ni vhone, Mukomana Blair. Mukomana Ruddle, heneffa murahu hafha, tshiñwe tsha zwivhidzo kha 62, tshiñwe tsha zwivhidzo zwashu fhano. Mukomana Junior Jackson, o dzulaho heneffa tsini na Mukomana Blair, ndi a mu vhone zwino, tshiñwe tsha zwivhidzo zwashu. Huno ri na zwivhidzo u mona hothe kha shango zwi bvaho huñwe na huñwe.

<sup>54</sup> Mukomana Jack Palmer, ndilani yawe ya u ya nthia, ndi elekanya uri vho vha vha tshi khou gidima zwituku, nga modoro muswa wa mutukana wawe, u tou nga, ni a divha, a tshi nga u a bva zwituku kha u fhungudzwa ha luvhilo, huno a vha na khombo. O vhaisa lutaha lwawe, huno a sa kone u da, a humela murahu hayani. Ngauralo u khou ita zwavhudzi. Huno ro vha ri na... Huno Mukomana Ben, hafha, muñwe wa vharathu vhashu nthia Kentucky hafha, o mu vhidza matsheloni ano u vhone arali vho vha vha tshi toda tshelede kana tshiñwe tshithu tshe tshividzo tsha vha tshi tshi nga kona u vha thusa ngatsho, o ri tshiñwe na tshiñwe tsho vha tsho luga. Huno o vha a tshi khou da khonani nga luvhilo luhulusa, huno a kanda giravhulo, huno ya kwashhekanya lutaha lwawe kana tshiñwe tshithu. Huno vha vhidzelela u bva fhasi henengei, musi a tshi khonisela modoro wawe ngomu palani kana tshiñwe tshithu, huno—huno a vhidzelela uri a rabelelwe.

<sup>55</sup> Mukomana Billy Collins na ene, ri a ñivha, o kwashhekanya gunwe lawe lwo vhfahalo vhukuma, a vunda shambo li re ngomu halo, ndi tshi pfa, huno vho do tea u li vhekanya. Ngauralo ri toda u mu elelwa thabeloni.

<sup>56</sup> Huno zwino tshi itisaho uri ri ime. Musi ri tshi fulufhedzisa thikhedzo, fulaga dzi tshi fhira, kana tshiñwe tshithu, riñe tshifhinga tshothe ri ima ro fhañwa, kana ra saluta, kana ra ima, kañuku, u sumbedza dzithompho kha lushaka lwa hashu, zwine ra do zwi ita, na kha fulaga yashu. Huno zwenezwo

mini-ha nga ha Murena washu, musi ri tshi vhala Ipfi Lawe? Kha ri ime zwino musi ri tshi vhala Marko Mukhethwa ya 5, huno ri tshi thoma nga ndimana ya vhu21. Dzhielani nzhele nga vhuronwane zwino musi ri tshi vhala.

*Huno musi Yesu o no pfukela seli kha linwe sia nga gungwa, vhathu vhanzhi vha mu kuvhanganel: huno o vha e tsini...lwanze.*

*Huno, vhonani, heneffo ha da munwe wa vhavhusi vha sinagogo, we dzina a vha a tshi pfi Yairo; huno musi a tshi mu vhona, a wa fhasi milenzheni yawe,*

*Huno a mu humbela zwinzhi, a ri, Nwananyana wanga muṭuku u tsini na lufu: Ndi a u rabela, ida huno u vhee tshanda tshau—zwanḍa khae, huno a nga di fholia; huno...u do tshila.*

*...Yesu a ḥuwa nae; huno vhathu vhanzhi vha mu tevhela, huno vha mu pwanyeledza.*

*Huno munwe musadzi, we a vha e na vhulwadze ha nombe lwa minwaha ya fumimbili,*

*...o shengela zwithu zwinzhi zwa nanga nnzhi, huno o shumisa zweṭhe zwe a vha e nazwo, huno a si vhe na u vha khwine, fhedzi a ḥaṇa u lvala,*

*Musi o no pfa nga ha Yesu, a dzhena e vhukati ha vhathu murahu, huno a kwama tshiambaro tshawe.*

*Ngauri o ri, Arali ndi tshi nga kwama fhedzi zwiambaro zwawe, ndi do vha na mutakalo.*

*Huno nga u ḥavhanya tshisima tsha malofha awe tsha mbo xa; huno a pfa muvhilini wawe uri o fhodzwa lone lithupho.*

*Huno Yesu, nga u ḥavhanya a tshi ḥivha ngomu hawe uri maanda o bva khae, a rembulutshela kha...e kha gogo, huno a ri, Naa ndi nnyi o kwamaho zwiambaro zwanga?*

*Huno vhafunziwa vhawe vha ri kha ene, Iwe u a vhona vhathu vhanzhi vha u pwanyeledzaho, huno u ri...Naa ndi nnyi o nkwamaho?*

*Huno a sedza u mona hoṭhe uri a vhone uyo o itaho itshi tshithu.*

*Fhedzi musadzi a tshi khou ofha na u tetemela, a tshi ḥivha zwe zwa itwa khae, a da huno a gwadama phanda hawe, huno a mu vhudza ngoho yoṭhe.*

*Huno a ri khae, Nwananyana, lutendo lwau lwo u nea mutakalo; ḥuwa zwau nga mulalo, huno u wane mutakalo kha lithupho lau.*

*Huno a tshi kha di amba, ha da munwe a bvaho nduni ya muhulwane wa sinagogo we a ri, Nwananyana wau o fa: ndi ngani u tshi kha di netisa Muñē?*

*Zwenezwo Yesu a tshi pfa maipfi o ambiwaho, a amba na muhulwane wa sinagogo, U songo ofha tenda fhedzi.*

*Huno a si tendele muthu na muthihi a tshi mu tevhela, nga nnda ha Petro,...Yakobo,...Yohane murathu wa Yakobo.*

*Huno a da, a da nduni ya muhulwane wa sinagogo, huno a vhona vilili, huno musi...nahone vha tshi tswimila na u lilesa zwinzhi.*

*Huno musi o no dzhena ngomu, a ri khavho, Ndi ngani ni tshi vhilingana, na lila? musidzana ho ngo fa, fhedzi o edela.*

*Huno vha mu sea lwa u tou hoyo. Fhedzi musi o no vha bvisela nnda vhothe, a dzhia khotsi na mme na musidzana, vha musidzana (kha ndi ralo), huno zwenezwo na avho vhe vha vhe nae, huno vha dzhena ngomu he musidzana a vha o edela.*

*Huno A ri kha musidzana, huno A...(pfarelo)...a fara musidzana nga tshanda, huno a ri khae, Talitha cumi; zwine, zwi tshi ṭalutshedzwa, Musidzana, Ndi ri kha iwe, vuwa.*

*Huno nga u ḥavhanya musidzana a vuwa, huno a tshimbila; ngauri o vha...e na miñwaha ya fumimbili. Huno vha farwa nga ganuko fulu.*

*Huno a vha laya a ri hu songo vha na muthu a no zwi divha; huno A konou ri a ḥewe tshiñwe tshithu tsha u ḥa.*

<sup>57</sup> Kha Bugu ya Khosi Dza U Thoma, ndima ya vhu10, ri vhala idzi ndimana tharu.

*Huno musi khosikadzi ya Sheba i tshi pfa nga ha bvumo ḥa Salomo malugana na dzina ḥa MURENA, a da u mu linga nga mbudziso dzi kondaho.*

*Huno a da Yerusalem e na vhađinda vhanzhi, e na gamela dzo hwalaho zwilungi,...musuku munzhi nga maanda, na matombo a vhuđhogwa: huno musi o da kha Salomo, a...a mu anetshela zwothe zwe zwa vha zwi mbiluni yawe.*

*Huno Salomo a mu—mu bulela mbudziso dzawe dzothé: ho vha hu si na tshithu tshe tsha dzumbamela khosi, tshe ya sa mu bulele tshone.*

<sup>58</sup> Kha ri rabele.

Murena Yesu, musi ri tshi vhala idzi nganea dza Bivhili, mbilu dzashu dzi a fhufha nga dakalo. Ngauri ri a zwi divha zwauri Iwe u Mudzimu, nahone A u shanduki na khathihi. Iwe na khathihi a u shandukisi ngona Dzau, Iwe na khathihi

a u shandukisi ndila Dzau, Iwe u dzula u Mudzimu lini na lini. Huno ri a rabela, Mudzimu, zwauri U do ri disela thalutshedzo matsheloni ano, ya aya Mañwalo ane Wa do ri tendela u a divha, uri mbilu dzashu dzi kone u ḥalukanyiwa, Muya Mukhethwa muhulwane u do da vhukati hashu ḥamusi huno wa ḥalukanya mihumbulo yashu na mbilu dzashu. Huno ngavhe hu sa vhi na tshi salaho, tshine mbilu dzashu dza sa do...dala nga dakalo fulu musi ri tshi tuwa fhano lune ra do amba vhunga vhala vho ḥaho vha tshi bva Emausi vhula vhusiku, "Naa mbilu dzashu a dzo ngo swa ngomu hashu musi A tshi amba na rine ndilani?" Iwe u dzula u Mudzimu misi yothe, huno rine ri vhana Vhau vha re na ndala vho kuvhangana matsheloni ano. Ngauri, two ḥwaliwa, "Muthu u do tshila nga Ipfi liñwe na liñwe li bvaho mulomoni wa Mudzimu." Ri fhatutshedze kha u kuvhangana hashu rothe na avha vhatu vhothe, Murena, vha bvaho kha maela dza mađana nahone, ee, dza zwigidi. Ri a rabela, zwauri musi vha tshi khou ya hayani, mbilu dzavho dzi do fushwa nga zwithu zwivhuya zwa khathutshelo na tshilidzi tsha Mudzimu. Ngauri ri a zwi humbelia Dzinani la Yesu. Amene.

<sup>59</sup> Liñwalwa liñuku li sa pfeseseiho nga maanđa, maipfi mararu ane nda ḥoda u amba nga hao a bvaho kha u vhaliwa uhu hothe. Inwi ni nga di ri, "Itsho ndi tshithu tshiñku nga maanđa, maipfi mararu kha zwe the zwe na vhala, tshipida tsha ndima mbili dza Biyhili." Fhedzi ndo—ndo ita izwo u itela zwa murahu zwa u dzhia aya maipfi mararu: *U Lingulula Ipfi Lawe.*

<sup>60</sup> Inwi ni a divha, hu na Luñwalo Bivhilini, kha Vhathesonika Ya U Thoma 5:21, he zwa ḥwaliwa, "Lingululani zwe the; faresani itsho tshi re tshivhuya." Musi tshiriwe tshithu tshi tshi lingululwa, tshi do lingululwa uri tsho "luga" kana tsho "khakhea." Huno musi hu na tshiñwe tshithu tshi no vhudzisewa, tshi tea u lingululwa u swika ni tshi wanulusa tsho lugaho. Huno zwenezwo musi ni tshi wana tsho lugaho, Lo ri, "Faresani." Nga mañwe maipfi, "Tshi ombeni, ni songo tshi ponyokisa. Tshi fareseni!" Nga mañwe maipfi, "Tshi fareni ni tshi khwathise, uri tshi sa do suvha." Faresani itsho tshi re tshivhuya, nga murahu ha musi tsho no lingululwa uri tsho "luga." Huno tshiñwe na tshiñwe tsho lingululwaho uri "a tsho ngo luga," zwenezwo tshi ponyokiseni nga u ḥavhanya u ya nga hune na kona, sendelani kule hatsho. Na khathihi ni songo farelela kha tshithu tsho khakheaho.

<sup>61</sup> Zwino, zwi a konadzea uri Vhakriste vho khwathaho, vhatu vhavhudzi, vha a fara nga tshiñwe tshifhinga, vha a farelela kha tshithu tsho khakheaho, vha tshi elekanya uri tsho luga. Fhedzi zwenezwo izwi zwithu zwi tea u lingululwa, uri kana two "luga" kana two "khakhea." Huno ndi mushumo washu rothe, vhunga ri tshi khou lavhelela u ya Ṭadulu musi

Yesu a tshi ḍa. Huno ndi mushumo wa mushumeli, musi iñwe mbudziso-who i tshi diswa, uri iyi a i tandulule, huno zwenezwo a i lingulula phanda ha vhathu, uri vha kone u pñesesa, ngauri a hu na a no ḍoda u waniwa o “khakha,” o farelela kha tshithu tsho khakheaho.

<sup>62</sup> Ngauralo ri na Luñwalo (huno Yesu o ri, “Mañwalo oñhe a fanela u khunyelela”) lwa uri ri tea u lingulula zwithu zweñthe. Huno zwenezwo, “faresani,” kana, “farani ni khwathise, tshi ombeni lwa u isa lufuni. Huno ni songo tshi ponyokisa, faresani itsho tshi re tshivhuya.”

<sup>63</sup> Ndi a elelwa tshikoloni, ndo guda tshiñwe tshithu, huno vhunzhi hanu no guda ngudo i fanaho. Musi no tandulula thaidzo, no i shuma, ni nga kona u dzhia phindulo huno na i lingulula nga thaidzo. Naa ndi vhangana vho vhuyaho vha ita izwo? Vhoinwi noñhe, a hu na zwiñwe. Zwenezwo—zwenezwo a ni tei u vhilaela uri kana phindulo yanu ndi yone kana hai, phindulo ya thaidzo yo lingululwa nga thaidzo. Ngauralo-ha, inwi ni a zwi divha uri ni na phindulo i re yone. Arali iñwe na iñwe yanu kha ḍaba kana siañari yo no lingululwa, thaidzo yo lingululwa nga...phindulo yo lingululwa nga thaidzo, zwenezwo no i wana. A hu na ane a nga ri yo khakhea, ni tea u wana...Huno arali ni tshi ita mushumo wañu nga vhudele na u lulama, na ndila ine zwa tea u itwa, huno phindulo yanu yo lingululwa, inwi ni nga di digedä huno na awela ni na vhuñanzi ho khwathaho ha uri ni khou yo wana A kha heyo, kha ilo siañari la bammbiri line na li džhenisa, ngauri lo lingululwa, lo lingululwa nga thaidzo.

<sup>64</sup> Zwino, nahone hu na murero wa kale une wa ri, “Zwi lingululeni, huno ndi ño zwi tenda.” Zwino, vha na muñwe wa shango lašhu, muñwe wa mashango ashu kha lushaka, vha na tshilogeni, “Nñe ndi bva Missouri, ntsumbedzeni.” Ni a vhona, nga marñwe maipfi, “Nndingululeleni zwone, nñe ndi bva Missouri.” Fhedzi yuu a u shumi tshifhingga tshoñhe, ngauri Mudzimu, kha tshikhathi tshiñwe na tshiñwe, o khunyeledza na u lingulula mushumo we A u vhekanyela itsho tshikhathi, huno a u amba kha Ipfi Lawe. Huno tshifhingga tshoñhe tshe Ipfi la Mudzimu la lingululwa kha tshikhathi, vhanzhi vho Li thudzela kule. Ngauralo, “Zwi lingululeni, huno ndi ño zwi tenda,” a wo ngo ralo. Inwi ni nga kona fhedzi u vha na lutendo musi Mudzimu a tshi ni nea lutendo. Lutendo ndi tshifhiwa tsha Mudzimu. Naho ni tshi nga vha wa vhurereli hani, naho zwo ralo zwi fanela u dzhia lwone...inwi ni fanela u vha na lutendo. Nahone lutendo lwañu lu nga kona u ñitika, arali ni Mukriste, nga Ipfi la Mudzimu lo lingululwaho.

<sup>65</sup> Zwino, elelwani, Mudzimu o kovhela tshikhathi tshiñwe na tshiñwe Ipfi Lawe, huno a dzula o amba zwine zwa ño bvelela kha itshi tshiñwe tshikhathi tshe A vha a tshi khou

amba nga hatsho. Zwino, arali Mushe o vha a tshi do vha o da na mulaedza wa Noaxe, wo vha u tshi do vha u songo shuma. Arali Yesu o vha a tshi do vha o da na mulaedza wa Mushe, wo vha u tshi do vha u songo shuma. Kana muñwe muporofita o da na mulaedza wa muñwe muporofita, wo vha u tshi do vha u songo shuma. Fhedzi nga kha vhaporofita Vhawe, O dzumbulula vhuhithe ha Ene muñe hothe na pulane Yawe. Ngauralo-ha Bivhili i nga si kone u engedzwa nga ipfi Khayo kana Ipfi lithihi la tuswa Khayo.

<sup>66</sup> Ngauralo arali ni tshi lingulula thaidzo yañu nga yañu... phindulo yañu nga thaidzo yañu, zwenezwo ndi ngani ni sa lingululi phi—phindulo ine riñe zwino ra khou i wana nga Ipfi la tshino tshikhathi? Arali Bivhili i tshi amba zwauri tshiñwe tshithu tshi do tea u bvelela kha itshi tshikhathi, tshi Bivhilini huno tshi do bvelela. Zwenezwo arali phindulo yañu ine na khou lingedza u vhudza vhathu, arali i tshi lingululwa nga Bugu, zwenezwo ndi ngoho, ndi ngoho. Arali zwi songo ralo, a si yone.

<sup>67</sup> Zwino ri vhona muñwe, zwenezwo inwi, a hu na u timatima, no no vha pfa vha tshi ri, "U vhona ndi u tenda." Uyo ndi muñwe murero une ra vha nawo hafha, fhedzi uyo na wone a u shumi. A u shumi, ngauri muthu a nga dzula huno a sedza henefho thwii kha tshiñwe tshithu huno vha sa tshi vhone. Ipfi "vhona," ipfi la Tshiisimane "see" li na thalutshedzo nnzhi nga maanda dzo fhambanaho khalo. *Sea* li nga di amba "muvhili wa madi." Huno *vhona* li nga di amba "u pfesesa." *Vhona* li nga di amba "tshi sedzeni." Nahone, oo, hu tou vha na tshaka dzothe dza maipfi dzine ni nga shumisa. Fhedzi musi ni tshi ri, "u vhona ndi u tenda," ni khou khakha.

<sup>68</sup> Musi ni tshi tshi *pфesesa*, ni a tshi tenda. Yesu o ri, "Nndani ha musi muthu a tshi bebwahafhu, a nga si kone u *vhona* Muvhuso," nga mañwe maipfi, "*u pfesesa Muvhuso*," ngauri Muvhuso ndi Muya Mukhethwa kha inwi. Ngauralo ni tea u pfesesa zwine uyu wa vha zwone kha inwi. Huno ndila fhedzi ine na do u pfesesa, ndi u vhambedza zwine wa ni ita uri ni zwi ite na zwe Bivhili ya amba uri u do ni ita uri ni zwi ite. Zwenezwo thaidzo yañu yo tandulea, ni a vhona. Huno, zwenezwo, Ene ndi uyo Muya Mukhethwa.

<sup>69</sup> Ngauralo, u vhona a si u tenda. Ndi nga kona u lingulula izwo nga zwipfi zwa muvhili, ni a vhona, uri u vhona a si u tenda. A thi koni u vhona ili bodelo la mapfura. Ndo kundelwa u li vhona ngauri lo vha li murahu hanga, naho zwo ralo ndi na tshipfi tsha—tsha u pfa tshi no mmbudza uri ndi nalo tshandani tshanga. Ni a vhona? Zwino, ndo kundelwa u tshi vhona, zwo vha zwi sa konadzei. Huno a thi koni u li swikelela, a zwi konadzei, huno naho zwo ralo ndi a zwi tenda. *Itshi*, u vhona ndi u tenda; *itshi*, u pfa ndi u tenda. Zwino ndi bonya mañ anga, nñe nahone a tho ngo kona u zwi vhona kana u zwi

pfa, fhedzi arali nda a bonya huno nda kona u pfa munukho wazwo, ndi kha di tenda uri hu hone. Ngauralo, "Lutendo ndi u vha na ngoho ya zwithu zwe ra zwi fhulufhela, vhuțanzi," zwi songo vhonwaho, zwa thetshelwa, zwa pfiwa, zwa nukhedzwa, kana zwa thetsheleswa. Inwi ni a zwi tenda! Huno lutendo lu fanela u vha na fhethu ha u ditika. Huno tshińwe na tshińwe tsho fhambanaho na Ipfia la Mudzimu, lutendo kha Mudzimu lu nga si kone u vha na fhethu ha u ditika nndani ha musi hu pfulufhedziso ya Mudzimu. Hune henefho lu dzhia vhuimo halwo ha U Ya Nga Hu Sa Fheli.

<sup>70</sup> Fhedzi ho livhanwa na izwi zweóthe zwa u sa te...zwickathi zwa u timatima na zwithu zwe ra fhira nga khazwo huno ra tshila khazwo ñamusi, zweó vhifhesaho zwa zweóthe, ho livhanwa na u timatima uhu hothe, Mudzimu u bvela phanda na u lingulula Maipfi Awe uri o luga, vhunga O ralo kha tshikhathi tshińwe na tshińwe. O...U sa tenda a hu imisi Mudzimu, a hu Mu thithisi. A thi londi uri shango a li tendi zwingafhani, Li kha di yo bvelela. U sa tenda a hu iti tshithu nga nnda ha u haṭula a sa tendi. U sa tenda hu do rumela a sa tendi Vhudzulavhafu. Hu do mu fhura phaṭhutshedzo iñwe na iñwe ye Mudzimu a mu fulufhedzisa yone, fhedzi a hu thithisi Mudzimu kha u ya phanda na mutendi. Ni a vhona, u sa tenda a hu imisi Mudzimu, hu imisa a sa tendi fhedzi.

<sup>71</sup> Inwi ni ri, "Ndi...Duvha a li khou yo penya matshelo, nne ndi khou yo li imisa." Inwi zwi lingedzeni. Ni a vhona? Zweó luga, ni nga si kone u zwi ita. Mudzimu o no li vhekanya nga ngona huno a ri li do penya, huno li khou yo penya, ndi zwenezwo fhedzi, O ri li do ralo. Hu nga di vha na mańwe makole nga fhasi halo, fhedzi li kha di penya u tou fana. Huno inwi ni nga si imise Mudzimu nga uho. Ene, zwe...

<sup>72</sup> Naa Ene u divhadza hani Ipfia Lawe kha vhatu? Tsha u thoma, Mudzimu o zwi divha urí hu do vha na vha sa tendi...Zwino sedzesani vhatu ha Mudzimu; a tshi zwi divha uri hu do vha na vha sa tendi, na ndila ine vhanzhi vha do vha vha sa tendi. Ene, nga u divheña phanda, o ta mbeu ya tshikhathi tshińwe na tshińwe, ine ya do Li tenda. Zwino arali ni tshi do dzhiela nzhele ngomu henefho, ngauri, tshikhathi tshińwe na tshińwe tshi ya phanda na Ipfia Lawe, tshińwe na tshińwe nga tshifhinga, a hu na tshithu tshi thithisaho Mudzimu. U bvela phanda, nahone u kilika huńwe na huńwe hu khou tshimbila nga ndila yone kokotolo. Ri a elekanya, tshińwe tshifhinga, uri a zwi khou yo shuma nga ndila yone. Fhedzi ni songo vhilaela, watshi Yawe yo vhewa tshifhingani kokotolo fhedzi kha u divhitha nga u t̄avhanya, huno tshińwe na tshińwe tshi khou shuma kokotolo nga ndila yone fhedzi.

<sup>73</sup> Musi ndi tshi sedza u mona hothe nga tshińwe tshifhinga huno ndi tshi vhona idzi Ricky na Rickettas dzine ra vha

nadzo namusi, nahone kha zwiatarata, na ndila ine tshiñwe na tshiñwe tsha khou bvela phanda, ndi a elekanya, “Oo Mudzimu!”

<sup>74</sup> “Imani lwa muniti,” U a amba, ni a vhona, “Tshisumbatshifhinga tshanga tshi khou mona kokotolo nga ndila yone fhedzi. Ndi tea u ni vhea kha theo yeneyo nthihi ye Nda ita kha munna wa u thoma, maduvhani ayo. Huno Ndi ni vhea kha theo yeneyo nthihi ya Luther, na kha theo yeneyo nthihi ya Wesley.” Ngauri, inwi ni a vhona, tshivhi a tsho ngo divhiwa tshifhingani itsho vhunga zwine tsha vha zwone zwino. Huno musi ro no wana ndivho yo engedzeaho zwino u fhira ye ra vha nayo tshifhingani itsho, huno musi swina li tshi da vhunga mudalo, Muya wa Mudzimu u sima tshiphuga tsha u hanedzana nało. Ni a vhona? Huno zwino namusi, ro no wana ndivho yo engedzeaho, pfesesyo engedzeaho, ngauralo milambo ya u sa tenda i khou elelela ngomu nga ndila i kondaho, fhedzi Mudzimu u sima tshiphuga tshi hanedzanaho nayo. Fhedzi, elelwani, Ene tshifhinga tshothe... Tsho itisaho uri A—A te izwi zwithu uri zwi bvelele. O dzula o zwi amba nga vhaporofita Vhawe uri zwi do bvelela. Huno musi vho lugaho vha tshi vhona izwi zwithu zwi tshi khwathiswa, zwenezwo vha a zwi divha uri Lo luga. Hu sa londwi zwine muñwe muthu-vho a amba, vha a zwi divha uri Lo luga.

<sup>75</sup> Ri a wanulusa hangei kha—kha—kha, ndi a tenda, ndi kha Vhathesalonika Ya U Thoma, O ri, “O ri tela hana ha vhana nga Yesu Kristo.” Mudzimu, a sa khou ri, “Ndi do ni nanga, nahone a thi ni nangi,” fhedzi nga u divhela phanda Hawe o zwi divha zwe na vha ni tshi do ita. Ngauralo nga u divhela phanda U kona u zwi vhekanya nga ngona, huno O ita tshiñwe na tshiñwe uri tshi shume u isa havhuđi Hawe, na u isa havhuđi hańu.

<sup>76</sup> Kha Genesi, Mudzimu o vhudza Adamu na Efa zwine zwa do bvelela musi vha songo tenda Ipfi Lawe. Zwino, O vhea tsho lugaho na tshi songo lugaho phanda havho, huno A ri, “Duvha line na u la, iļo duvha ni do fa.” Huno Mudzimu o amba kokotolo fhedzi zwe A amba. U a ita tshifhinga tshothe, U amba tshine A amba.

<sup>77</sup> Sañhane o mu khadela kha u sa Li tenda, ngauri Sañhane ene muñe na khathihi ho ngo Li tenda. Ha Li tendi, ngauralo o mu khadela kha u zwi tenda. Huno u kha di ita zwenezwo zwithihi, huno u funza vhañwe zwi fanaho, huno a vha Li tendi vhunga ene o ralo. Mudzimu o khwathisa vhathe Vhawe murahu ha Ipfi Lawe, uvho ndi hone vhupileli hańu fhedzi. Hu si dinomineisheni yańu, hu si khotsi anu kana mme anu, ndi zwo lugaho, fhedzi murahu ha Ipfi la Mudzimu. Affo ndi fhethu hune mutendi a tsireledzwa, murahu ha Ipfi. Musi iyo avenyuu thukhu i tshi vundea heneffo, i na “u mangala zwiłuku arali Lo luga kana hai? Lo kundelwa,” u

naña ho dzhena huno ha dzhia fhethu ha lutendo, vha vunda zwithivheli. Huno Mudzimu o vhulunga Ipfi Ławé, O Łi vuuledza. Saṭhane o lingedza u ita uri wa musadzi a tende... a sa Łi tende.

<sup>78</sup> Kana, u naña, ni songo naña Nalo! Inwi—inwi ni ri, “Zwo luga, ndi a tenda...” Inwi a ni ná pfanelo. Musi Mudzimu a tshi amba tshiiwe tshithu, nga ndila fhedzi—fhedzi ye A amba, itsho ndi tshone tshithu tshi no tea u itwa. Inwi ni ri, “Zwo luga, ndi elekanya...” Fhedzi inwi a ni na muhumbulo u no khou da. I ri ni thalukanyo ye ya vha i kha Kristo i vhe kha inwi. Huno Kristo ndi Ipfi! I ri ni Ipfi ji vhe kha inwi. Mañwe maipfi othe nga a vhe o khakheaho, Maipfi a Kristo o luga! Vhañwe vha a mu tenda na mañaña awe othe, vhunga wa musadzi o ita, u naña, “Zwo ralo, ndi ngani Mudzimu a tshi do ita izwi? Zwino, naa *itshi* a tshi tou vha tshivhuya sa Itsho?” Arali tsho fhambana na Ipfi, a tsho ngo ralo! Ngauralo, tshiñwe na tshiñwe, mudededzi muñwe na muñwe, muñandavhudzi wa Bivhili muñwe na muñwe, tshiñwe tshithu—vho tshi do ni funza kana tsha lingedza u ni wana uri ni tende tshiñwe tshithu tsho fhambanaho nga ledere thukhunthihi na zwine iyi Bivhili ya amba uri ndi, ndi pfunzo ya khole-khole. Ndi Saṭhane, hafhu, u tou fana kokotolo zwe zwa vha zwi zwone kha Efa. Mudzimu u bvela phanda, a hu londwi zwine a ita, zwine Saṭhane a ita, Mudzimu u bvela phanda na u Łi lingulula uri lo ralo.

<sup>79</sup> Zwino sedzani zwe a amba kha Efa, “Nga ngoho a ni nga fi. Ni do ḥalifha.” Itsho ndi tshire shango la khou ḥoda namusi, tsumbedzo ya saints, iñwe ndivho ya muthu. Huno o ri, “Nga ngoho a ni nga fi.”

<sup>80</sup> Fhedzi Mudzimu o no amba, “ni do fa,” huno Mudzimu a zwi lingulula uri zwo ralo. Huno ri kona u zwi vhona, O amba zwe A amba. Gonyani hafha zwaloni, ni do zwi ḫivha uri kana O vha a tshi khou zwi amba kana hai. “Duvha line na u la, ilo duvha ni a fa.” Huno musi ni tshi gonya hafha huno na tola muthu muñwe na muñwe ane na ḥoda, wa vhukale vhuñwe na vhuñwe, na khathihi a ho ngo vha na muthu we a tshila miñwaha ya tshigidi. Mudzimu o lingulula Ipfi Ławé uri lo ralo, U do zwi ita tshifhinga tshiñwe na tshiñwe.

<sup>81</sup> Fhedzi, elelwani, U vhulunga pfulufhedziso Dzawe dzothe dza phathutshedzo sa zwine A ita masamba Awe. Ngauri vha u la, ilo duvha vho fa; huno U a ni lingululela zwone, uri vha a fa ilo duvha vha tshi u la. Nahone Ene u vhulunga Ipfi liñwe na liñwe le A li amba nga ha phathutshedzo Dzawe. Pfulufhedziso iñwe na iñwe, Mudzimu u a vhulunga! Oo, ndi a zwi funa hezwo. Inwi ni tea u nanga uri ni ḥoda ifhio: phathutshedzo Dzawe, nga u tenda; kana masamba Awe, nga u Łi shanda. Arali ni tshi Łi shanda huno na tenda sia la u shandea

Halo, zwenezwo no seńwa. Arali ni tshi Li tenda nga ndila fhedzi ye A Li ḥwala, huno na farelela Khało, zwenezwo no fhaṭutshedzwā. Huno Łone tshifhinga tshoṭhe li fhambana na saints, tshifhinga tshoṭhe li fhambana na—na ndila ya saints ya vhatthu ya u sumbedzā zwithu. Ngauri U vhulunga Ipfi lińwe na lińwe, oṭhe a phaṭutshedzo Dzawe na masamba Awe.

<sup>82</sup> Musi munna na vhasadzi vho ita tshivhi nga maanda kha shango la phanda ha mudalo, ene... hanedzana na Ipfi Ławe la ngoho, Adamu na Efa vho itela Ipfi la ngoho tshivhi. Fhedzi, huno mirafho yoṭhe ye ya vha tevhela ya thoma u ita zwenezwo zwithihi, A buła lufu khavho, huno mafhedzisloni zwi da kha ndozwo ya tshoṭhe-tshoṭhe, ya tshoṭhe ya tshińwe na tshinwe kha liphasi, la tibedzwa nga madi, ya li ḥanzwa tshoṭhe nga madi.

<sup>83</sup> Zwino, Mudzimu onoyo muthihi we a qisa ndozwo ya tshoṭhe-tshoṭhe kha tshińwe na tshińwe kha liphasi, muroho muńwe na muńwe, tshivhumbwa tshińwe na tshińwe nga nn̄da ha tshe A tshi vhaledza nahone a tshi dzhia nga nthā ha liphasi, tshińwe na tshińwe tshe A fulufhedzisa uri U do ita, itsho O ita. Huno Mudzimu onoyo muthihi we a fulufhedzisa madi, huno a vhulunga Ipfi Ławe, Mudzimu onoyo muthihi u fulufhedzisa mulilo, huno U do vhulunga Ipfi Ławe. U do vhulunga Ipfi Ławe.

<sup>84</sup> Zwino, zwino naa O itani? Naa vho divha hani Ipfi Ławe? Ngauri ndila ińwe na ińwe Yawe ya u ita, ya u lingulula Ene muńe A sa athu tshinyadza, kana u ita khathulo, tshifhinga tshoṭhe U rumela vhatthu Ipfi, huno tshifhinga tshoṭhe u tsivhudza vhatthu. Oo, ndi a zwi funa hezwo! Zwenezwo ri kona u vhona kokotolo hune ra vha hone.

<sup>85</sup> Ho vha hu na tshaka dzoṭhe dza vhashumeli na dzinyandano mađuvhani a Noaxe, náhone ho vha hu na tshaka dzoṭhe dza vhurereli ḅuvhani la Noaxe, ngauri Yesu o ri, "Sa zwe zwa vha zwi zwone maduvhani a Noaxe, zwi do ralo kha u da ha Murwa-muthu." Fhedzi vhuponi ho da, muporofita, huno a thoma u ita tshińwe tshithu, a thoma u fhaṭa gungwa. Huno Mudzimu a ruma muporofita Wawe, Noaxe, u sumbedza uri O no rumela Ipfi Ławe, huno a vha vhudza uri hu khou da tshinyadzo, uri O kundelwa u kondelela ndila ye—ye vhatthu vha vha vha tshi khou ita, uri O do ūea u tshinyadza muthu we A vhuya a mu sika.

<sup>86</sup> Zwino, Ipfi lo da kha muporofita, tshifhinga tshoṭhe, Ha shanduki na khathihi. Maleaxi 3, yo ri, "Ndi nñe Mudzimu, huno A thi shanduki."

<sup>87</sup> Noaxe o rumiwa kha tshikhathi tsha saints, e na Mulaedza u si wa saints. Noaxe o rumiwa kha tshikhathi tsha u ḥalifha, e na Mulaedza u si wa u ḥalifha. O rumelwa kha tshikhathi tsha saints, musi o vha e na Mulaedza wa lutendo na

pfulufhedziso kha tshikhathi tsha saints. Ngauralo no kona u tenda uri tshikhathi tsha saints tsho vha tshi tshi do tenda Mulaedza u si wa saints? Tshikhathi tsha u talifha huhulwane, huno zwenezwo ni do tenda zwauri vha do vha na lutendo kha tshiñwe tshithu tsho vthonalaho tshi tsha vhutsilu zwa vhukumakuma kha thalukanyo ya muthu? Fhedzi Mudzimu tshifhinga tshothe u zwi ita nga iyo ndila. Noaxe o vha e muporofita o khwathiswaho wa Murena, nahone ndi Mulaedza wa Mudzimu wa awara. O do tea u tenda uyo, vhathu who do tea u tenda Mulaedza wawe nga murahu ha musi o no khwathiswa nga Murena, uri ho vha hu Ipfi la Mudzimu, huno Mudzimu o vha a tshi khou yo vhulunga Ipfi Lawe.

<sup>88</sup> Zwino ndi zwenezwo zwithihi ñamusi. Ri kha tshifhinga tsha vhufhelo. Zwino, avho vhathu vha tea u vha who zivha, ni a vhona. Zwino, inwi no dzhieila nzhele, Noaxe o vha e tshifanyiso tsha Vhayuda vha no do pfukiselwa nga hangei ha Vhuitungu. Enokho o vha e tshifanyiso tsha—tsha Mulaedza wa vhukuma, wa u shandukiswa ha Tshivhidzo, ngauri Enokho o takulelwa ntha huno zwenezwo mudalo wa da. Huno vhone vhothe... Muporofita wa u thoma, Enokho, a bviswa ndilani uri Noaxe a kone u bvela phanda na wawe—na wawe... Mudzimu a kone u bvela phanda na Noaxe. Huno zwino Tshivhidzo tshi do tuwiswa uri Mudzimu a kone u shuma hafhu na Vhayuda, masalela a Vhayuda, vha zwigidi zwa ñana na fuiñaina, vhunga ro no fhira khazwo Mañwaloni hafha.

<sup>89</sup> Fhedzi ho livhanwa na tshikhathi tshothe tsha saints, tsha u sa tenda, Mudzimu o lingulula uri Ipfi Lawe ndi la ngocho, nga u vha rumela mudalo. Zwino, elelwani, mađuvhani a Noaxe, a yo ngo na na khathihhi kha lifhasi. Mudzimu o vha na khuli i bvaho kha lifhasi na u sheledza, fhedzi a yo ngo na na khathihhi. Fhedzi Noaxe o ri, "I khou yo na." Zwino izwo zwe vha...

<sup>90</sup> Who vha vha tshi kona u dzhia tshishumisa huno vha thuntsha ngomu lutomboni, huno vha ri, "A hu na mutsiqi ngei ntha. A hu na mvula hangei. Ri nga lingulula uri a hu na mvula hangei."

<sup>91</sup> Hu sa londwi zwe saints ya amba, Mudzimu o ri, "I khou yo na," ngauralo izwo zwi a zwi ita. Zwino, naa Mudzimu o itani? U ya nga muhumbulo wanga, musi vhañwe vhavho who dzinginyisa shango zwiñuku huno vha li posela nnnda ha ngona yalo, zwenezwo lo posela murahu nga iyi ndila, mufhiso wa lifhasi ngomu ha murotho, la disa fhedzi mu—mutsidi. Huno shango la tibedzwa, u thoma, na mufhe ngei ntha, mununuyani, zwe tou da fhethu huthihi nga tshivhumbeo tsha gole huno zwa li tsitsela phasi, izwo zwe vha zwi zwenezwo fhedzi.

<sup>92</sup> Zwino ri a zwi divha ñamusi, zwauri hu na mulilo ngei ntha, ngauri gese dzi kha lifhasi. Huno Bivhili yo amba, "Mañadulu na lifhasi zwi do fhira nga phosho khulu, huno

lifhasi li do noka nga mufhiso muhulu.” Ngauralo ri a zwi divha uri u hone hangei nthā, two ralo u tou fana na zwe zwa vha zwi zwone mađuvhani a Noaxe.

<sup>93</sup> Huno zwino elelwani, Mulaedza wa tshifhingani tsha Noaxe wo vha u nga lutendo fhedzi, huno u songo lingululwa nga saints. Fhedzi, namusi, Mulaedza u malugana na Ipfi la Mudzimu, nahone wo lingululwa nga lwa saints. Eliya u a da u thoma, a tshi khou ita madembe, a sa khou ita huñwe u rera-vho; a tshi khou tou bva fhethu a tshi ya fhethu, a tshi khou ita madembe. Tshifhinga tshi tevhelaho, u da nga tshivhumbeo tsha Yohane Mulovhedzi, u da a sa khou ita madembe, a tshi khou tou rera. Huno lwa vhuraru a tshi da, hu na zwe the madembe na u rera. Ni a vhona? Ni a vhona uri zwi hani? Sedzani uri Mañwalo a bvela phanda hu si na tshanduko hani. Ro vha ri tshi nga fhedza tshifhinga tshinzhi kha hezwo, fhedzi ri nga si do ralo, ri do zwi pfuka, ngauri ndi a tenda uri ni wana muhumbulo.

<sup>94</sup> O ita kha itscho tshikhathi u tou fana na musi O ita kha zwikhathi zwe the, nahone u fana na musi A tshi do ita, vhunga O fulufhedzisa u ita. Mudzimu a tshi fulufhedzisa tshiñwe tshithu, zwenezwo U a tsela fhasi huno a lingulula Ipfi Lawe uri lo luga. Vhothe vha no tenda, vhothe vha no tenda Mulaedza wa itscho tshifhinga, vho dzhena huno vha tshidzwa. Zwi do ralo kha tshikhathi tshiñwe na tshiñwe-vho. Vhothe vhe vha sa tende Mulaedza na mudinda, vho lovha.

<sup>95</sup> Huno vhothe vha no tenda nga ngoho Ipfi la Mudzimu namusi, vha do bviswa. Vhothe vhane vha sa tende Ipfi la Mudzimu, vha do lovha na shango, ngauri vhone ndi vha shango, huno tshiñwe na tshiñwe tshi re kha shango tshi fanela u lovha na shango. Huno tshiñwe na tshiñwe tsho tshidzwaho kha Mudzimu, tshi fanela u vha kha Mudzimu, huno tshi nga si kone u lovha, “Ndi do vha nea Vhutshilo Vhu Sa Pheli, huno nda vha vusa nga duvha la u fhedzisela.” Zwino, ndi khuthadzo-de kha mutendi muñwe na muñwe, u divha, musi ni kha Kristo, zwauri vhunga hu na ngoho ya uri Mudzimu u vhulunga Ipfi Lawe nahone a lozwa shango, U vhulunga Ipfi Lawe huno a vusa vhatu Vhawe nahone a vha tshidza. U a zwi lingulula.

<sup>96</sup> U lingulula Ipfi Lawe la pfulufhedziso nga ngoho kha Abrahamu kha tshikhathi tshawe. Dzhielani nzhele, two vha zwi si zwa saints, kha tshikhathi tsha Abrahamu, kha munna wa miñwaha ya ñana, na musadzi wa ya futahe, uri vhone vha vhe na lushie, vho no fhira kule vhukale. Fhedzi Abrahamu o kundelwa u zwi talutshedza. O vha a tshi do ya ha dokotela, huno a ri, “Dokotela, naa zwi a konadzea?”

<sup>97</sup> “A zwi konadzei!” U ya sibadela huno a lugisela mme u vha na lushie, kana tshiñwe na tshiñwe tshi no do vha tshone arali ni tshi ñoda u zwi vhambedza na itschi tshikhathi, vha do mu vhidza o ñanganaho ñohoho, “Thalukanyo yawe a iho ngonani.”

<sup>98</sup> Fhedzi Mudzimu o amba! Huno o... Bivhili yo amba kha Vharoma, ndima ya vhu<sup>4</sup>, uri “Abrahamu ho ngo timatima pfulufhedziso ya Mudzimu, nga u sa tenda, fhedzi o khwātha, a tshi khou nea Mudzimu thendo. Ngauri o kondēlela sa a vhonaho Uyo A sa vhonwi, huno a fushea, a farelela.” Ô fara a khwathisa, ngauri o fulufhela tshothe uri zwe Mudzimu a fulufhedzisa, Mudzimu o vha a tshi kona u ita! Huno riñe ri tea u vha vhana vhawe. Amene! Zwino ndi pfa ndi wa vhurereli, ndo nyanyulea, itonu elekanya hezwo. Oo, O zwi lingulula, nga murahu ha iyo miñwaha yothe, O shandukisela Abrahamu, na Sarah murahu kha musadzi muswa, huno vha vha na lushie. Huno Abrahamu na Sarah vho tshila... Miñwaha ya fuiñathanu ngavhuya, Sarah a fa, huno Abrahamu a dovha a mala nga murahu ha musi o no vha na miñwaha ya dana na fuiñathanu, huno a vha na vhañwe vharwa vha sumbe nga nnđa ha vhananyana vhawe. Musi, o vha o no fhira kha zwa u beba, o vha a sa bebi, o—o vha a si na mbeu, hu si na vhutshilo ho salaho khae, katukuñuku miñwe miñwaha ya dana phanda ha heyo. Amene! Ndi ngani? Ho ngo londa muvhili wawe, ho ngo londa u fa ha mbumbelo ya Sarah. O londa fhedzi zwe Mudzimu a amba, huno a zwi ñivha uri Mudzimu u ño lingulula zwe A amba. Amene! Mudzimu u lingulula zwine A amba uri U ño zwi ita. Vhukati ha zwi si zwa saintsí na zwi re zwa saintsí, na—na vhukati ha tshiñwe na tshiñwe, tshiñwe na tshiñwe tshi re tshone, Mudzimu u lingulula zwauri O luga, tshifhinga tshothe u lingulula Ipfi Lawe. Ene o luga, vhañwe vhothe vho khakha.

<sup>99</sup> Nahone O Li lingululela Loto, musi A tshi ri, “Arali u sa bvi kha uyu muđi, Nne ndi khou yo u fhisa.” Huno O vhudza Abrahamu, arali A tshi nga “wana vhathu vha fumi,” U ño vhavhalela muđi. Huno O kundelwa u wana vhathu vha fumi, ngauralo O lingulula uri Ipfi Lawe lo luga.

<sup>100</sup> “Naa mulilo u bvafhi? A hu na muñwe ngeno nnđa kha iyi midavhi, ngeno nnđa kha iyi milindi ya mambwetete.” Fhedzi Mudzimu o amba nga u ralo, huno Abrahamu o zwi ñivha uri zwi khou yo bvelela. Loto o zwi ñivha uri Lo vha lo ralo, huno a shavhela thavhani.

<sup>101</sup> O fulufhedzisa mbeu yawe u vha mutsinda kha shango lisili, huno a hañulwa nga ndila i si yone nga vhathu, huno vha ño dziilela, mbeu ya Abrahamu, lwa miñwaha ya mađana maña vhukati ha vhatsinda, vhathu vhasili. Huno O khunyeledza Ipfi Lawe kokotolo zwe A amba uri U ño zwi ita. Mbeu ya Abrahamu yo dziilela ngei Egipita lwa miñwaha ya mađana maña. O fulufhedzisa, hafhu, u vha phulusa nga tshanda tsha maanda. Tshanda tsho khwāthaho, U ño phulusa vhathu kha vhupuli ha Egipita. Huno O vhulunga Ipfi Lawe. Sedzani zwe A ño tea u ita u swikisa avho vhana fhasi ngei Egipita. Ho vhonala hu tshi nga tshiwo tsho wa, tsho vha tshi tshi khou wa, na tshiñwe na tshiñwe.

<sup>102</sup> Ho vhonala hu tshi nga zwe...zwo vha zwi tshi ofhisuri Yosefa a dzhiwe o fa, na Isaka a ḥungufhadzaho... kana Yakobo, khotsi awe. Kana Isaka, khotsi awe...kha ndi ralo, kha Yakobo, we a vha, Isaka o vha e makhulu wawe vha mukalah. Yakobo, khotsi awe, u tenda uri murwa wavho o vhulawa nga dziphukha. Zwo vha zwi tshi kondā hani kha Yosefa mutuku u divha uri uyo muthu mutuku a ḥungufhadzaho, a re kule na vhathu vha hawe, o fhetwaho nga vhakomana vhawe, a poselwa ngomu museleni, a dzhiwa o fa, malofha a nngu o dodzwa kha badzhi yawe, he, vha vhulaha ngwana uri vha i įe, vha dodza malofha khayo huno vha i isa kha khotsi awe, huno vha tshi divha izwi zwothe. Fhedzi Yosefa o kona u elelwa tshithu tshithihi, tsha uri tshanda tsha Murena tsho vha tshi khae. O zwi divha uri o vha e mütendi. A hu londwi uri vhakomana vhawe vho mu thudzela kule zwingafhani, uri ho vha hu si na tshumisano zwingafhani kana tshiñwe tshithu-vho, Yosefa o zwi divha uri Mudzimu u do vhulunga Ipfi Ław. Musi a tshi vhona ilo bono lavho vhothe vha tshi gwadama phanda hawe, o zwi divha uri izwo zwe do tea u khunyelela ngauri zwe vha zwi U RALO MURENA. Amene. A hu londwi uri zwe vhonala zwi sa pfali hani, Yosefa o zwi divha uri zwe vha zwi ngoho. A hu londwi uri mushumo wo vha u tshi kondā hani, na zwe a vha a tshi tea u fhira nga khazwo, o zwi divha uri liñwe ḫuvha muñwe na muñwe wavho u do gwadama phanda ha milenzhe yawe. Naa u khou yo zwi ita hani ngeno vho mu vhenga? Fhedzi o zwi divha uri Mudzimu u do lingulula Ipfi Ław uri lo ralo, tshifhinga tshiñwe na tshiñwe.

<sup>103</sup> Ngauralo U do zwi ita ḥamusi! Mudzimu u do lingulula Ipfi Ław uri lo ralo, hu sa londwi zwine saintsya amba, "Zwi nga si kone u itwa." Uri ri funzea hani, ri swika hune ra talifha hani, uri zwivhidzo zwe dzhena kha tshi—tshivhalonyana tsha maitele na zwiñwe-vho hani, Mudzimu u kha di do lingulula uri Ipfi Ław lo "luga." Dítikeni heneffo ngomu ha ilo Ipfi.

<sup>104</sup> Ee, Yosefa o vha e na zwinzhi zwe a vha a tshi tea u fhira nga khazwo, fhedzi, u tsela fhasi ngomu Egipita, fhedzi Mudzimu o mu bvisa kokotolo vhunga O amba; tshifanyiso tsho nakaho tsha ḥamusi, arali ro vha ri na tshifhinga tsha u dzhena khazwo. Ndi a tenda uri ro ralo, ri sa athu, fhano kha thaberanakele, ro fhira khazwo. Fhedzi Mudzimu o vhulunga Ipfi Ław, ngauri, vho do tea u dzula henengei fhasi. Zwe vha zwi tshi kondela avho vhana vha Vhahevheru henengei fhasi kha vhupuli ha Egipita, vhe vha vha vho fhaṭutshedzwa huno vha ḥewa mutshelo wa shango, fhethu ha khwinesa, Gosheni, u wanulusa uri vho do tea u vha dziphuli; huno avho vhomme vha tea u ḥekedzela ngomu zwandani zwa swole la Egipita, mutshelo wa mbumbelo yavho, lushie luṭuku lu funwaho lwavho, huno vha li vhonatli tshi ima heneffo, li tshi dzhia lufhangaluhulu huno la sokou lu tshea lwa

vulea huno la lu posela nga hangei mavuni, la fusha dzingwena ngalwo. Zwino, tsho vha tshi tshithu tshi kondaho khavho, u tea u fhira nga kha hezwo.

<sup>105</sup> Fhedzi liñwe duvha mbeu yo tiwaho ya bebwa, riwana we a vha e riwana o teaho. Ho vha hu na tshiñwe tshithu nga hae tsho vthonalaho tshi tthisili. Nnda ngei murahu ha phanga, liñwe duvha, Muya Mukhethwa wa tsela fhasi nga tshivhumbeo tsha Khavhu ya Mulilo huno wa dzula kha tshiñtaka, huno wa ri, “Ndo pfa u gomela ha vhathu Vhang, huno Ndi elelwa pfulufhedziso Yanga. Huno tshifhinga tsha phuluso yanga tshi tsini, huno Ndi khou u ruma ngei fhasi u zwi ita.” E na lubada tshandani tshawe, mufumakadzi wawé e n̄tha ha meila, lushie lu shumbini lawe, o zwi ita nga maanda a Mudzimu Ramaandothe. Tshithu tshi seisesaho, naa lubada lwo kombamaho lu do—naa lu do vha mini kha mafumo a zwigidi zwa fumi? Fhedzi, inwi ni a vhona, Mudzimu u khazwo. Zwi ya na nga hune Ipfi Lawe la vha hone. Mushe o vha e na Ipfi Lawe, Farao o vha e na mafumo. Mushe o vha e na Ipfi.

<sup>106</sup> Ndi zwenezwo fhedzi zwe a ḥoda, ho vha hu Ipfi. Ndi zwenezwo fhedzi zwine na ḥoda qnamusi. A si ndalukanyo i bvaho kha tshiñwe tshivhidzo. Inwi a ni ḥodi dinomineisheni ya u ni tikedza. Inwi ni ḥoda Ipfi, u dzhia U Takulelwa Tadulu Nalo. Inwi a ni ḥodi inwe ndalukanyo. Inwi a ni ḥodi inwe ḥivhazwakale ndapfu ya tshiñwe tshikolo, uri ni fhodzwe matsheloni ano. Inwi ni tea u ḥanganedza Ipfi, izwo zwi a zwi ita!

<sup>107</sup> Inwi a ni ḥodi ipfi la dokotela. Arali dokotela a tshi ri o ita zweþhe zwine a nga kona, ndi zwenezwo fhedzi zwine a kona u ita. Arali a tshi ri ni na pfuko, tshizwimbo, ni khou pofula, ni dzinganþevhe, ni tshimuma, tshiñwe na tshiñwe tshine tsha vha tshone, izwo a zwi na thaidzo. Arali ni tshi nga dzhia ilo Ipfi kha iyo pfulufhedziso i dugaho ya tshiñtakan hangei, amene, tshiñwe tshithu tshi khou yo bvelela! Mudzimu u do lingulula Ipfi Lawe uri lo ralo, tshifhinga tshiñwe na tshiñwe tshine La ḥanganedza kha mavu a lushaka lwo teaho. Itsho ndi tshone tshine na ḥoda, Ipfi Lawe. U a Li lingulula, U a Li vhulunga. Inwi ni nga vha na vhuþanzi ho khwaþhaho ha uri Lo luga.

<sup>108</sup> U lingulula Ipfi Lawe kha tshikhathi tshiñwe na tshiñwe, nga ndila i si ya nga misi nga maandesa, fhedzi Ene tshifhinga tshoþhe u zwi ita nga ndila i fanaho. Ni a vhona? Naa O itani maduvhani a Noaxe, musi O vha a tshi ḥodou phulusa masalela? O vha rumela Noaxe, muporofita. O ruma Noaxe, tshiga.

<sup>109</sup> Huno zwino dzhielani nzhele, musi A tshi da u phulusa vhana vha Israele, naa U itani? Ndila Yawe i fanaho, U ruma muporofita Wawe. Muporofita Wawe u na Ipfi. Zwiga na zwimangadzo zwa Ipfi zwo fulufhedziswaho zwi a zwi tikedza, iyo ndi Ngoho kokotolo. Israele yo ita uri a matshele kha shango lo fulufhedziswaho, ngauri vho zwi tenda.

<sup>110</sup> Huno kha lwendo lwa sogani, zwo da zwa khunyelela zwa uri vho do sa tenda uyu muporofita, nga murahu ha u vhona Ipfi lo khwathiswa nga u ralo, Muselwa a bva kha liga (inwi ni a zwi ḋivha zwine nne nda khou amba nga hazwo, kha bono, ni a vhona, “o bva kha liga”). Ho vha hu na muñwe o imaho, we dzina a vha a tshi pfi Joshua, na Kalebe, huno a tenda uri Ipfi la pfulufhedziso ndi ja ngoho, hu sa londwi zwe nyimele dza vha dzi zwone.

<sup>111</sup> Sedzani musi vha tshi swika ngei Kadeshe-barnea. Ngei Kadeshe-barnea, Mushe a rumela nn̄da muthihi kha lushaka luñwe na luñwe, u ya u ḋola shango, u vhona ndila ye vha vha vha tshi tea u dzhena ngayo. Huno a ruma mudzhenerala wawe, Joshua, we a vha e muporofita, ngauralo a ruma muporofita muñku fhasi ha Mushe. Huno Joshua o thetshesela Mushe. Huno vha mu ruma nn̄da, ngauralo a ri, “Iyani hangei huno ni ḋole ilo shango.”

<sup>112</sup> Huno mudzhenerala a bva huno a ḋinangela munna a bvaho kha lushaka luñwe na luñwe, huno vha ḫuwa. A dzhia Kalebe, khonani yawe ya nga thungo, ngauri o ḋivha uri Kalebe o tenda. Vha ya hangei ngomu shangoni lo fulufhedziswaho, huno vha vhuya na tshitokola tsha dzindirivhe tshe tsha hwalwa nga vhanna vhavhili. Ha pfi, a amba zwino, “Uri Israele i vhe na vhuñanzi vha sa athu u vhuya vha dzhena kha pfulufhedziso. Ni a vhona, vha do vha na vhuñanzi ha uri Mudzimu o amba zwauri ndi shango lavhudzi, nañone lo dala mukhaha na ḡotshi. Ndi shango lavhudzivhudu. Ndi shango lavhudzi. Zwino yañoo, galiki iyi yothe ya kale, liki, na tshiñwe na tshiñwe tshire na vha natsho fhano kha ja Egipita. Zwino ri khou ni isa kha shango li re na mukhaha na ḡotshi. Inwi hu na khonadzeo ya uri na khathihi a ni athu thetshela tshiñwe tshazwo, mukhaha kana ḡotshi, fhasi ngei Egipita miñwaha iyi yothe. Vha tou ni nea zwiliwa zwo kalelwaho dziphuli. Fhedzi zwino ni khou ya kha ili shango.” Ngauralo zwenezwo nga tshifhinga tsha musi vho dzhena nga lwendo lu no ḋoda u vha lwa ḋuvha lithihi, he Kadeshe-barnea, he tshidzulo tshihulwane tsha khañulo tsha shango tsha vha tshi hone, vha ima fhasi ha iyi—iyi mitshevho miñulwane ngei nn̄da, zwisima, huno vha gammiba. A ri, “Zwino, u ita uri vhatu vha ḋivhe...” Sedzani uri ndi vhuñanzi ho fhelelaho-de, uri ndi ha vhukuma-de, ho fhelelaho vhune ha vha hone, ndila ine Mudzimu a ita izwo u fana na musi A tshi ita ñamusi. O ri, “Zwino, Mudzimu o amba, ‘Shango ndi lihulwane.’ Zwino, ni sa athu ya hangei, Ndi ḋoda ni tshi vhona uri shango ndi lihulwane. Ngauralo iyani ni nn̄disele vhuñwe vhuñanzi ha shango huno ni vhu sumbedze vhatu.”

<sup>113</sup> Ngauralo vha swika henengei. Huno, zwino, tshifhinga tshothe musi ni tshi da u vhuisa vhuñanzi, heneffo swina li lalela ndilani. Musi vhañwe vha avho vhatu vha tshi sedza

nga hangei huno vha vhona iyo miswonda mihulwane ya Kanana, yawee, nñenñe, vha ri, "Ri nga si kone u zwi ita." Fhedzi vha vhuisa vuñanzi ha uri shango lo vha li hone. Vho vha vha songo rangwa phanda lwa khole-khole. Mudzimu o vha a tshi khou vha lingululela Ipfi Ławe, na musi vha sa athu dzhena kha shango.

<sup>114</sup> Naa a ni koni u vhona, namusi, zwauri arali ni tshi do reila maela dza tshigidi u yo pfa Ipfi, huno na Łi sedza li tshi lingululwa na u khwañhiswa, ndi vuñanzi ha uri ndi Shango lihulwane? Inwi ni kona u vhona murunzi wa munna o edelaho, a tshi khou fa nga pfuko, "Ivhani na mutakalo." Huno ri vhona Maipfi a Mudzimu e A amba uri a do bvelela nga ilo ḋuvha, a tshi khou khwañhiswa, ndi vuñanzi ha uri U vhulunga Ipfi Ławe. Hu na Shango lihulwane. Arali vhutshilo hanga vhu tshi nga a vhu tsheeho, huno Mudzimu a tsela fhasi huno a vhu vhavhalela hafhu, izwo zwi a sumbedza uri hu na vuñanzi ha Vhutshilo Vhu Sa Fheli. He, na vha ni tshi do vha ni songo swifhadza muñango wa iyo kereke, zwino no ima mudubani uri ni dzhene ngomu hayo. Ndi vuñanzi. Mudzimu u vhulunga Ipfi Ławe nahone u a ni lingululela Łone, uri Ndi ngoho.

<sup>115</sup> Ndi reila maela dza zwigidi; nda da ngeno nn̄da nga matsheloni huno nda sedza ngei nn̄da huno nda vhona vhathu vha tshi khou kanzwa vhuskie havho nga bođelo la Coca-cola, siriñi ḋukhu, i tshi ḫoda u rwa awara ya vuñanu nga matsheloni, vho dzula pulotoni iyo. Nda elekanya, "Mudzimu, ndi do vha muhoi wa fhasisa shangoni, u litsha avho vhathu vha tshi da vha tshi bva kha tshikhala itsho tshothe, huno nda vha vhudza tshiñwe tshithu tshe tsha vha tsho khakhea. Ngauri ndi a vha pfela vuñungu, mbilu yanga i a vha pfela. Vha khou pfa ndala na ḋora la Mudzimu. Nthuse, Murena, u vha vhudza Ngoho, kana u n̄uwise kha lino shango. I ri ndi vha vhudze Ngoho, ngauralo nthuse, Mudzimu." Nda ri, "Iwe fara tshanda tshanga, huno u ntendele u ḋivha zwine zwa vha Ngoho, huno zwenezwo izwo ndi zwi tikedze nga khwañhisoy ya zwe nda amba uri ndi Ngoho, uri vha zwi ḋivhe uri Łone ndi Ngoho. U songo litsha avho vhathu vha tungufhadzaho vha tshi fhurwa. Hai." Nga ndila ine mbilu yanga ya pfela tshiñwe tshithu tsha u ralo, u vhona vhathu vha fulufhedzeaho!

<sup>116</sup> Ndi elekanya uri Yoshua o elekanya zwenezwo zwithihi, nga ilo ḋuvha musi o vha kuvhanganya u mona hothe, a vha vhona vha tshi ḫanzwa zwiambaro zwavho nn̄da huno vha ḋilugisela ḋuvha la vhuraru. Ee, O zwi lingulula. Zwino Yoshua o ri mini? Musi vha tshi ri, "Oo, ri nga si kone u zwi ita. Inwi ni nga si tou kona u zwi ita. Riñe ri do tea u bva kha dzangano lashu. Riñe ro—riñe ro—riñe ro fhela. Ni a vhona, ro kundelwa u zwi ita zwino. Ri tou vha ri si nga koni u ita izwi, ngauri a zwi pfali." Nahone musi Yoshua o vha ranga phanda u ya henengei, ho vha hu nga nwedzi wa Lambamai, musi mađi o

vha e n̄tha, huno Yorodane wo vha u tsini nga maanda na u at̄ama vhunga Mulambo wa Ohio. Ho vhonala hu tshi nga Mudzimu o ita khakho i shushaho.

<sup>117</sup> Ni a ñivha, tshiñwe tshifhinga ni a lwala, huno na ri, "Zwo luga, nne ndi Mukriste. Mudzimu, O—O ita khakho, U nnditsha nda lwala, huno nne ndi Mukriste." Naa a ni limuhi zwauri Bivhili yo ambauri tshiñwe na tshiñwe tshi do shuma tsha isa havhuði kha avho vha funaho Mudzimu?

<sup>118</sup> He Yoshua a vha ranga phanda a vha isa hone, zwino, Yorodane u swika fhasi vhukuma. Inwi ni nga ambuwa u budekanya nawo huñwe na huñwe hunzhisa u mona hohe, nn̄dani ha musi ni tshi rwa dindi la madi hune ha vha uru ho tsa nga maanda; ni nga kona, huno nga mafhethu othe matuku a songo tsaho na zwithu heneffo kha—kha dziphiliphili he Yeriko wa vha u hone. Mulandu, wone, ndi ngazwo ni tshi nga kona u ambuwa u budekanya wone, a u tou vha nga maanda nga n̄tha ha tshinungo tsha lwayo u tsa fhasi, itonu reila na u budekanya nga jipi, na reila, na namela na u budekanya, na tshimbila na u budekanya, kana tshiñwe tshithu. Fhedzi o vha ranga phanda u ya henengei nga tshifhinga tsha Lambamai, musi shango le la vha li na mudalo li na mudalo hune ha toda u ita maela. Hu na khonadzeo ya uri madi o vha e fithi dza furaru kana fuina u tsa fhasi ngomu heneffo. Huno a ri, "Nga ñuvha la vhuraru, ri ya nga hangei. Mudzimu o amba nga u ralo! Vhidzani vhathu vha vhe fhethu huthihi huno ni vha khethefhadze, ngauri, nga ñuvha la vhuraru, ni khou pfuka Yorodane." Ni a vhona ndila ine Mudzimu a tendela itsho tshithu u bvelela? U tshi ita fhedzi, tshi ita vhathu... u kokodzela nn̄da fhedzi gogo Lawe. Naa who itani? Vho dikhetha huno vha dilugisa, hu sa londwi uri madi o vha o tsa fhasi hani, na uri ho vha hu na thophe hani, na uri lutsinga lwo vha lu tshi khou t̄vhanya hani. Ni a vhona, vho zwi ñivha uri Mudzimu u do lingulula Ipfi Lawe.

<sup>119</sup> A hu londwi uri mini, uri ni tsini hani na Yorodane, a hu londwi uri nyimele dzañu ndi dzifhio, arali ni tshi nga fara fhedzi iyo pfulufhedziso ya Mudzimu mbiluni yañu, Mudzimu u do zwi lingulula, uri Lo ralo. Vhukati ha u sa tenda hohe, U do di li lingulula uri Lo ralo. Ee, U a zwi ita. Huno nyimele a dži Mu imisi, U do di ita zwi fanaho vhunga zwe A ita tshifhingani itsho.

<sup>120</sup> Dzhielani nzhele, ho vha hu nga vhatendi Vhawé vhane A lingulula Ipfi Lawe ngavho. A nga kona u lingulula Ipfi Lawe fhedzi... hu si nga vha sa tendi, ndi nga vhatendi fhedzi vhane A nga kona u lingulula Ipfi Lawe. A hu londwi uri vhañwe vhothe vho diamba uri vha mini, "Oo, ndi a tenda, mukomana!" Ni a vhona, arali ni tshi ralo, Mudzimu u do zwi lingulula nga u ralo, ngauri ri a sedza huno ra vhona vhañwe. Naa ri nga amba hani, zwenezwo? Ni a vhona, ndi nga

vhatendi vha ngoho lune A lingulula Ipfi Lawe; hu si nga avho vha no *ri* vha a tenda, fhedzi avho vha no tenda zwa vhukuma. Ndi nga vhana vha tendaho Vhawe lune A lingulula Ipfi Lawe.

<sup>121</sup> Zwino, o vha e na vhatendi. Tshiliñwa tsha kale tsho no fa, vha sa tendi vhe vha ri, “A ro ngo kona u zwi dzhia,” O litsha muñwe na muñwe wavho a tshi lovha (mulandu?), muñwe na muñwe wavho nga nn̄da ha vhatendi. Naa ndi nnyi o salaho? Mushe o dzhiwa a iswa Vhugalani. Huno vha sa tendi vho lovha sogani, huno avha vho vha vhe vhana vhavho. Ho vha na vhavhili vhe vha buda, huno avho vho vha vhe vhatendi, Yoshua na Kalebe. Vho vha vhe vhatendi, ndi vhone vhe vha buda. Ndi yone ndila fhedzi ine Mudzimu a nga zwi ita, ndi nga vhana vha tendaho Vhawe. Ni a zwi tenda izwo? Zwo luga. Vhatendi vhawé vho vha vhone vhe vha zwi ita. O vha shumisa u buða ngavho. Ni a vhone?

<sup>122</sup> Zwino ndi ḥoda inwi ni tshi dzhiela nzhele, U zwi ita nga iyo ndila kha tshikhathi tshiñwe na tshiñwe. U a zwi ita tshifhinga tshiñwe na tshiñwe nga ngona i fanaho, U tea u dzhia vhatendi. Huno zwenezwo, u itela uri a vhe na vhatendi vha no ṭangana na ilo Ipfi, U tea u tshi tela kha itsho tshikhathi. Inwi ni a zwi vhone? U tea u tela itshi tshithu u vha hone uri tshi ṭangane na khaedu ya tshikhathi. Naa tsho ni wana? Naa no tshi pfa? Naa no tshi vhone? Naa ni a tshi pfesesa? Itsho ndi tshone tshi no khou bvelela namusi, O tshi tela kha itshi, nga u ḫivhela phanda Hawe. Musi O ta, kha Maleaxi 4, zwi tea u bvelela. Musi A tshi ḫa hangeno huno a ta tshiñwe tshithu uri tshi bvelele kha Ipfi Lawe, O do tea u lingulula Ipfi Lawe uri lo ralo. Musi A tshi ta tshiñwe tshithu uri tshi bvelele huno a ri tshi do bvelela, U a zwi ḫivha uri mbeu i do vha hone zwenezwo nga itsho tshifhinga. O ta Muselwa, U khou yo vha hone! Hu khou yo vha na U Takulelwa Ṭadulu, U khou yo vha hone! O zwi ta nga u ḫivhela phanda Hawe. Ni a vhone, a hu na tshithu tshi no khou yo zwi imisa.

<sup>123</sup> Musi Mudzimu a tshi vha vhudza, “Zwino, Ndi ni nea pfulufhedziso ya shango lo fulufhedziswaho. Ndo vhudza khotsi aṇu, Abrahamu, zwauri vhana vhawé vha do dziilela ngeno fhasi lwa miñwaha ya mađana maṇa.”

<sup>124</sup> Zwino, Mushe o ri, “Ndi nne muporofita wa Murena. Zwino sedzani nahone ni vhone zwine nda porofita. Arali zwa khunyelela, zwenezwo ni do zwi ḫivha uri nne ndo ruñwa nga Murena, ngauri ni a zwi ḫivha zwauri Mudzimu o no di ni vhudza hezwo. Zwino, zwino arali ndi tshi porofita *itshi* huno tsha bvelela, na *itsho* huno tsha bvelela, na *itshi* huno tsha bvelela, tshifhinga tshiñwe na tshiñwe u tou fana, zwino ni a zwi ḫivha uri nne ndo ruñwa nga Murena u ni vhudza. Zwino, hu na shango lo fulufhedziswaho, le Mudzimu a li fulufhedzisa. Ni a vhone? Huno Mudzimu o fulufhedzisa ili shango. Zwino, ndi shango ḫavhudzi, li khou elela mukhaha na ḫotshi. Ntevheleni.”

<sup>125</sup> Huno vha tshi bva vha dzhena ngomu sogani he a vha a tshi khou tea u fara lwendo, u vha dzhia a vha dzenisa sogani, he, Mudzimu a mu vhudza uri a vha vhuisse murahu kha Thavha ya Sinai, zwenezwo Mudzimu a tsela fhasi phanda ha Israele yothe, nga Khavhu ya Mulilo, huno a khwathisa zwauri zwo Mushe a amba, zwo vha zwi hone, a tshi khou lingulula zwauri zwo vha zwi zwone, a tshi khou khwathisa Mushe heneffho, “Mushe o amba uri Ndo vha ndi kha iyi thavha, Ndo bvelela khae nga tshivhumbeo tsha tshitaka tshi dugaho. Huno zwino Ndi na thavha i no khou duga yothe.”

<sup>126</sup> Vhone vha ri, “Izwo! U songo tendela Mudzimu u amba, tendela Mushe u amba. Ri do lovha.”

<sup>127</sup> A ri, “A—A—A thi tsha do ita izwi. Ndi do vha vusela muporofita, u do u do amba navho nga Dzina Langa.” Ngauralo izwo ndi zwine A ita, kokotolo ndila ine A shuma Ipfi Lawe.

<sup>128</sup> Dzhielani nzhele, zwenezwo, avho vha songo tendaho, nga murahu ha musi vho no swika tsini nga maanda na shango le vha sa li tende. Zwino, inwi a no khou dzhia dzinotsi, nwalani fhasi Vhaheberu 6, heneffha he ya ri, “Avho vhe vha vhuya vha vphonetshelwa, vha itwa vha re na mukovhe kha Muya Mukhethwa; ngauri, vha tshi do wa, u divusuludza kha tshanduko hafhu; hu tshi vhonalauri vha divhambela Murwa wa Mudzimu nga huswa, huno vha Mu vhea kha thoni; zwi a konda uri avho vha tshidzwe.” Ni a vhona, zwi tou vha zwi sa konadzei kha avho u pfukela nga hangei kha ilo shango lo fulufhedziswaho.

<sup>129</sup> Vhatu vha a da heneffho kha Ndovhedzo ya Muya Mukhethwa, vha do da heneffho kha Ipfi, vha do da nga kha dinomineisheni dzothe, na zwivhidzo zwothe, na katekisima dzothe, na tshiñwe na tshiñwe, fhedzi musi zwi tshi da kha ilo Ipfi, uyo mukano u pfukwaho, vha ri, “Oo, a thi divhi nga ha Ilo, tshivhidzo tshanga a tshi Li funzi nga iyo ndila.” A thi londi zwine tshivhidzo tshañu tsha funza, Bivhili i ri Li nga iyo ndila. Zwenezwo inwi ni ri, “Naa ndi zwi divha ngani uri Lo luga?” U a zwi khwathisa, nahone u a zwi lingulula!

<sup>130</sup> Zwino, Bivhili nga ilo duvha, yo ri, “Hu na shango lavhudzha nga hangei, huno lo tou dala mukhaha na notshi, na ndirivhe dzavhudzha na dzipomegranata, huno, oo, ndi fhethu ho nakaho.”

<sup>131</sup> Zwo luga, vho ri, “Zwino, vhañwe vho redzemutshela nga hangei huno vha li sedza, huno vha vhuya, ngauralo ri nga kona u khuthadza avha vhatu. Ri khou yo pfukela nga hangei nga u tavhanya zwino, arali nothe ni tshi nga tou zwi tenda fhedzi.” Zwo ralo, vha tutshela kule.

<sup>132</sup> Huno hafha vha a vhuya, oo, vhavhili vhavho, vha tshi khou tou tavha mukosi, “Zwo luga, rendani Mudzimu! Ro zwi vhona! Ro zwi vhona! Oo, zwi a mangadza, a hu na tshitihu tshi no nga zwone!” Vhañwe vhothe, vha vha fumi vho ima u

mona hothe, vha tshi khou ri, “Oo, hai, hai, hai, hai, ri nga si kone u zwi ita.” Naa ndi vhangana vho yaho nga hangei? Avho vhavhili! Izwo ndi zwone. Avho vhavhili, ngauri vho zwi divha uri Mudzimu u do lingulula Ipfi Lawe uri lo luga. Dzhielani nzhele, a hu na Yorodane i kukumuwaho, hai munē wanga, a hu na philiphili dza mudalo dza Yorodane, kana a hu na miswonda ya Kanana ye ya vha i tshi nga vha imisa. Mudzimu o lingulula Ipfi Lawe uri lo ralo, O vha dzchia a vha dzhenisa heneffo ngomu shangoni.

<sup>133</sup> U do ita zwenezwo zwithihi hafhu, ee, munē wanga, kha pfulufhedziso dza namusi. U lingulula Ipfi Lawe. A hu londwi, U lingulula Ipfi Lawe.

<sup>134</sup> O imisa mulomo wa ndau dzi laho vhathu dzo farwaho nga ndala linwe duvha, u lingulula Ipfi Lawe uri ndi ngoho, zwauri Ene u do kona u phulusa, kha Daniele muporofita. Huno vho dzulela u kanzwa idzo ndau nga nama ya muthu. Nahone vho dzulela u litsha idzo ndau dzi na ndala, uri musi munna o wela ngomu heneffo, kana nwana, tshinwe na tshinwe tshe vha tshi posela ngomu heneffo, ho vha hu tshigwevho tsha lufu, iyo ndau i do vha kherukanya vha bva zwipiqa, itshi tshivhalonyana tsha ndau dzo farwaho nga ndala. Huno vha wana uyu muporofita, e na Ipfi la Murena kha vhana vha Israele, we a vha o no porofita uri vha do dzchia afho fhetu. Huno heneffo o vha e navho. Fhedzi Mudzimu o vha a songo fhedza nga hazwo, O vha a tshi toda u lingulula Ipfi Lawe, O vha a tshi kona u phulusa. Huno vho ita uri idzo ndau dzi sike, huno vha posela uyo muporofita ngomu heneffo, huno dza gidimela khae nga u ralo. Iyo Khavhu ya Mulilo yo ima heneffo, (huno phukha inwe na inwe i tshuwa mulilo), iyo Khavhu ya Mulilo yo ima heneffo, ndau dzo edela fhasi. O vhulunga Ipfi Lawe. Ha shanduki mulovha, namusi, na lini na lini. Mudzimu u vhulunga Ipfi Lawe, U a li lingulula, U Li lingulula uri lo ralo.

<sup>135</sup> Zwino, O bvisa mufhiso heneffo kha khavhu ya nando ya mulilo, u lingulula uri Ipfi Lawe lo vha lo ralo, uri O vha a tshi kona u phulusa kha mulilo. Heneffo vhukati ha idzo khavhu, he avho vhana vha vha vho poselwa ngomu heneffo, huno vha dzula ngomu heneffo tshifhinga tshilapfu, ngeno na munna we a vha posela ngomu hayo, mufhiso muhulu wa—wa nando wa vhulaha maswole mahulwane e a vha o vha ranga phanda u ya heneffo. Huno Mudzimu o litsha mulilo u tshi bvela phanda na u duga, fhedzi O bvisa mufhiso khawo. U a lingulula! Arali ni tshi ima Nae, U do ima na inwi. U do ima na inwi? Zwo ralo, ngoho! Nga murahu ha awara, vha vula vothi, huno vha ri, “Ambani, naa no dzhenisa vhangana ngomu heneffo, naho zwo ralo?” Ha pfi, “Ri vhona vhararu vhe ra vha dzhenisa ngomu heneffo.” A ri, “Hu na vha ngomu heneffo, huno muhwe wavho u whonala a tshi nga Murwa wa Mudzimu.” Ni a vhona, U a sumbedza! Ngauri ndi ngani? Ndi ene Ipfi.

<sup>136</sup> Huno vha ri, “Mudzimu u a kona u ri phulusa kha iyo nāndo ya mulilo, fhedzi, naho zwo ralo, a ri khou gwadamel tshiñwe tshifanyiso-vho, ngauri ri khou ima na Ipfi.” Tshiñwe tshifanyiso-vho, tshivhumbeo tsha vhurereli, sendelani kule hatsho. Mudzimu u do ima na inwi. U do bvisa mulilo kha mutovholo. U do bvisa vhu—vhutshilo kha pfuko. U do dzhia... U do ita tshithu tshiñwe na tshiñwe; Ndi ene Mudzimu. Inwi imani Nae; U do ima na inwi. U lingulula Ipfi Lawe uri ndi ngoho, tshifhinga tshiñwe na tshiñwe. O bvisa mufhiso kha khavhu, a vala milomo ya dzindau, na zwiñwe-vho.

<sup>137</sup> Ngetshi tshiñwe tshithu tshe Mudzimu a ita, u sumbedza uri Ndi Mudzimu. Vhanna vho vha nga u ralo, nga murahu ha u vha ngei sogani, uri vho vha vha tshi khou diwanela dzindivhongudwa, vha tshi khou diita vhathu vhahulwane. Vho vha vhe na mañwe madzangano a vhidzwaho Vhafarisei, Vhasadukei, Vhahero, na vhanwe-vho. Huno vho vha vhe vhanna vhahulwane. Vho itana vhotshifhe nga tshawho. Nahone vho ita zwithu zwiulwane zwa u ralo, vha ita vhotshifhe vhahulu na vhanna vhahulu, na vhahulisei na vhanwe-vho.

<sup>138</sup> Fhedzi Mudzimu, vhukati hazwo zweþe, O vusa muporofita, murwa wa tshifhe. Na khathihi... a ya sogani e na miñwaha ya tahe. O kundelwa u vhala dzina lawe, arali kha ledere lo vha li vhuhulu ha goloi ya bogisi. Mulandu, ndi ngani o zwi ita? O vha e muporofita. Arali o vha o pfumbudzwa kha pfunzo ya khotsi awe, hu na khonadzeo ya uri o vha a tshi do vha o vha Mufarisei kana Musadukei, kana muñwe wa zwigwada zwawho. Fhedzi o vha e na mushumo wa ndeme, uyo wo vha wa u divhadza Mesia. Ngauri ndi ngani? Mudzimu o vhulunga Ipfi Lawe, huno a li lingulula. “Ipfi la muñwe a huwelelaho a tshi bva seminari, ‘Vhonani ndi na digirii ya vhudokotela yanga’”? Izwo—izwo zwi nga di vha kha Old Ladies Birthday Almanac, fhedzi hu si kha Ipfi la Mudzimu. O ri, “Ipfi la uyo a huwelelaho sogani, ‘Lugisani ndila ya Murena, huno ni onyolose ndila Dzawe!’” Naa O vha a tshi khou lugisa ndila ya Ipfi tshifhingani itsho, uri Ipfi li kone u vhonadzwa? Haleluya!

<sup>139</sup> Naa a ni vhone, kha mirunzi? Imani hafha lwa muniti. Maduvhani a u fhedzisela, u tea u vha na fhethu ho lugiselwaho uri Ipfi li vhonadzwe, huno riñe zwino ri khou tshila nga vhuñanzi ha Shango liswa, amene, Murwa-muthu.

<sup>140</sup> Ndaela ya Yohane, hu si na pfunzo, hu si na tshiñwe tshithu, yo dzula sogani. Thero dzawe dzo vha dzi nga zwifanyiso. “Mbado yo vhewa tsindeni la muri,” izwo ndi zwone zwe a vhona. U rema nga mbado, a ita mushasha wawe, a vhasa mulilo u dugisa khuni dzawe. “Oo, inwi murafho wa dzinowa,” izwo ndi zwe a zwi vhone. Tshithu tshi dzindelesaho ñakani, khae, tshiñtakani, tsho vha tshi ñowa. Ho pfi, “Inwi murafho wa dzinowa, naa ndi nnyi o ni tsivhudzaho urí ni do ponyoka vhuhalo vhu ñaho? Ni songo thoma u ri, ‘Ri na itshi, huno ri vha itshi,

nahone ri vha *itsho*,’ Mudzimu u a kona nga haya matombo u vusela Abrahamu Vhana. Mbado yo vhewa tsindeni la muri, huno muri muñwe na muñwe une u sa anwe mutshelo wavhudi . . .” Naa u itani sogani musi u sa . . . disi dzinzie na zwithu khae, u a u rema nahone a u fhisa. Ni a vhona? “U do kuvhanganyela goroi ngomu duluni, fhedzi mungu u do u fhisa nga mulilo u sa dzimi.” Munna wa u ralo, a si na na badzhi ya vhufunzi ye a ambara, a si na na muñadzi wawe wa tshifhe. Ni a vhona? U da e na tshipida tsha mukumba wa nngu o putelwa ngawo, e na tshipida tsha mukumba wo tshewaho muñanani wa gamela, wo kherukana u mona nae, huno a bva heneffo e na ndebvu dzawe na mavhudzi o thamalalaho nga u ralo, a ri, “Mbado yo vhewa tsindeni la muri.” Amene. U a da, a sa ofhi. Ndi ngani? Ho vha hu Ipfi la Mudzimu li tshi khou lingululwa, “Mudzimu u a kona nga haya matombo!” Mudzimu o zwi fulufhedzisa, “Vhonani, Ndi rumu mudinda wanga phanda ha tshifhañuwo Tshanga.” A si tsumbedzo ya vhurereli nga maanda, a si ya saints kana ya vhurereli, fhedzi tsumbedzo ya Ipfi la Mudzimu. Mudzimu o vha a tshi khou vhulunga Ipfi Lawe, ni a vhona. A si tshikola na luthihi, fhedzi muporofita, o ruñwaho nga Dzina la Murena. O ita izwo, mulandu? U khwañthisa Ipfi Lawe.

<sup>141</sup> Zwino, avho vhotshifhe vho ri, “Zwino, ri a zwi divha zwauri hu na muñwe a daho mađuvhani a u fhedzisela, ngauralo ri do džhenisa tshikolo mutukana muñwe na muñwe ane ra vha nae, huno ra dilugisela zwone. Muñwe na muñwe wa vhoiñwi vhatukana u fanela u vha na pfunzo ya kholidzhini. Ni fanela u da ngomu hafha. A hu na u timatima nga nnnda ha uri zwi do vha kha lutsinga, u do da nga ndila ya Vhalivi, ngauri heneffo ndi hune vhutshifhe ha bva hone.” Fhedzi o vha e si tshifhe, o vha e muporofita! Huno uyo ndi wa u nangiwa nga Mudzimu. Ha tei u bva kha iññe dinomineisheni kana luñwe lutsinga. Ndi u nanga ha Mudzimu, nga u ta, u divhela phanda. U da nga ndila ya u nanga ya Mudzimu. Ngauralo vho vha vha si nga mu tendi, ngauri ho ngo da nga ndila ye vha vha vho i ita, vha elekanya uri o vha a tshi khou da ngayo. Izwo zwo vha zwi tshi nga dovhola hafhu, ni a divha, kanzhi zwi a ita. Fhedzi ri wana uri u da nga ndila ye Mudzimu a ita, u lingulula Ipfi Lawe.

<sup>142</sup> Dzhielani nzhele, O vhangela musidzana u dihwala, u lingulula Ipfi Lawe. Yesaya 9:6, huno ri wanulusa uri, “Ro bebelwa murwa, ro newa ñwana.” Zwino, ri wanulusa uri O vha o no amba uri musidzana u fanela u dihwala. Huno Mudzimu o vhangela musidzana u dihwala. Mini? U lingulula Ipfi Lawe. Zwino thetshelesani lwa miniti i si gathi fhedzi, ri do vha ri tshi khou vala. O vhangela musidzana u dihwala, u lingulula Ipfi Lawe. Izwo zwa vhukumakuma zwo vha zwi . . . Zwo akhamadza vhorasaintsi vhoþe. [Tshikhala kha theiphi—Mudz.] . . . u ya.

<sup>143</sup> Inwi no zwi pfesesa izwo, no ralo? Ni a vhona, lifhasi lo seňwa. Lifhasi lothe lo seňwa, nga ñwambo wa tshivhi tsha Adamu. Fhedzi musi iyi mbeu thukhu... Zwino, musadzi ha na mbeu. U na tsimu ine mbeu ya vha hone, hu si mbeu, ngauri a hu na na kutshili, kutshili ku tea u... mbeu i tea u vha na vhutshilo khayo. Arali i songo ralo, i tou vha matheriala fhedzi, vhutshilo a vhuho. Ngauralo mbeu i kha munna. Itsho ndi tsho itisaho uri mbeu ya nowa i tee u vha kha musadzi, ni a vhona, ngauri yo vha i si mbeu ya Mudzimu. Ri a zwi ñivha hezwo. Iyani phanda, lindelani u swika ni tshi wana iyi bugu huno na i vhala, huno zwenezwo inwi ni ño—inwi ni do vhona, kana u ni sumbedza fhedzi nga Luñwalo, u vula fhedzi tshithu tshothe u fana fhedzi na ndovhedzo ya madini nga Dzina Lawe, na vhona uri i hani. Mudzimu ha khakhi na khathihi, tshifhinga tshothe Ene o luga. Naho ni si nga koni u Li pfesesa, Li tendeni naho zwe ralo. Ni a vhona? Li tou vha Ngoho kokotolo.

<sup>144</sup> Huno zwino ri a wanulusa uri Ene—Ene o amba izwi, O vhanga u bvelela ha izwi. Zwino, musi iyi mbeu thukhu, hu si na munna, i tshi dzhena ngomu gumbani lituku tsimuni ye A i sika, zwenezwo iyo mbeu thukhu, kutshili kuñuku ku kokovhela ngomu ha gumba, huno mutshila muñuku u a sudzuluwa hafha huno wa thoma u bveledza sele na sele, u tshi khou tshila nga vhutshilo ha mme, muvhili wavho, huno ngomu heneffo vha u kanzwa nga kha lutsinga lwavho lwa malofha. Huno ri a wanulusa, zwino, vha a u kanzwa; hu si malofha awo; ndi malofha avho. Hai, a u na tshipida na tshithihi tsha malofha a mme. Fhedzi u kanzwiwa nga zwi bvaho kha zwithu zwa vitamine zwi bvaho kha mme, fhedzi hu si malofha avho. Zwoþte zwo vhofhekanywa kha dzanda la malofha avho, u u tsireledza kha dzhenuwo na zwithu zwa u ralo, na madi, fhedzi a si tshipida na tshithihi tsha malofha a mme. Mme vha nga di vha vha tshi khou fa nga TB, fhedzi vho beba lushie; lu nga si kavhiwe ngayo, ngauri TB ndi kutshili, ku ña nga kha lutsinga lwa malofha. Fhedzi wa musadzi a nga kona...wa munna a nga kona... Lufhia a lu tou kavha; u shaya nungo ho ralo, fhedzi hu si TB, ngauri i tea u fara mufemo wa mme huno ya wana kutshili, inwi ni a vhona, i sa athu ralo. Lushie lwo vhofholowa lwo fhelelaho musi lu tshi bebiwa, ngauri a si malofha a mme lini.

<sup>145</sup> Zwino, ri wana uri Mudzimu o dzhena ngomu ha iyi sele thukhu, ni a vhona, huno U thoma u bveledza dzisele, dza kokodza zwi bvaho kha vitamine na zwithu zwa mme Awe, vhunga vhone. Zwenezwo musi A tshi vha wa kale lwo edanaho u la nga Ene muñe, U thoma u la. Huno ndi mini izwo? Ndi—ndi buse la lifhasi, line na ña na vhutshilo ha tshimela na vhutshilo ha phukha na zwinwe-vho, huno musi A tshi thoma u la khovhe na tshinkwa na zwinwe-vho, i thoma u bveledza dzisele. Huno zwenezwo musi yo no aluwa tshothe i na miňwaha ya furaru,

Ene a lovhedzwa ngauri a vha a thetshelesaho kha Yohane ngeno phasi, kana kha Mudzimu, mađini, huno a bva. Huno ha bvelelani? Liivha, le la vha li Mudzimu, li tshi tsa li tshi bva Tađulu, na ipfi li tshi ri, "Uyu ndi Murwa mufunwa Wanga, ane Khae Nne nda takalela u dzula." Naa O da u itani? U rengulula itsho tshipida tsha lifhasi. O vha e u ranga ha tsiko ya Mudzimu. Ngauri, Mudzimu a si tsiko, ndi kha Kristo fhedzi hune A vha tsiko, ngauri Mudzimu ndi wa U Ya Nga Hu Sa Pheli na Muya, huno Muya a u sikiwi. O vha e u ranga ha tsiko ya Mudzimu, huno Mudzimu o rengulula *uyo* muvhili. Ni a vhona, musi A tshi tsela phasi, "Uyu ndi Murwa mufunwa Wanga, Nne ndi takalela nga maanda Khae."

<sup>146</sup> Ngauralo Ene, Mudzimu, o tsela phasi nga murahu ha u fhira nga kha izwi, huno zwino murwa munwe na muňwe, ane inwi na la huno na bebwa nga mbebo ya mvelo ya vhudzekani, ndila ine na da; zwenezwo musi zwi tshi da kha fhethu hune na fhira nga kha ndovhedzo ya mađi, zwenezwo ndovhedzo ya Muya Mukhethwa, zwenezwo Muya Mukhethwa u tsela phasi kha ndovhedzo ya Mulilo huno wa vhila iyi tsiko, u fana na zwe ya Mu ita. Muya Mukhethwa na Mudzimu ndi Muya wonoyo muthihi. Ni a vhona? U tsela phasi huno wa vhila uyu muvhili u itela muwoo. Huno Ene o vuselwa u itela u itwa vho lugaho hashu, "Vhothe vhe Khotsi a Nnea vha do da, a hu na na muthihi a no do xela. Ndi do mu vusa nga duvha la u fhedzisela. Na livhudzi na lithihi la thoho a li nga vhuyi la lovha." *Uho* ndi u ranga ha tsiko ya Mudzimu. *Uhu* ndi u isa phanda ha tsiko ya Mudzimu. *Zwenezwo* lifhasi lothe li tea u vha na ndovhedzo. Huno zwenezwo Muya Mukhethwa u tsela phasi u kha mudi u dzula kha lifhasi, huno thaberanakele ya Mudzimu i na vhatu, nahone i dzula navho, Mudzimu e kha thaberanakele u hafha kha lifhasi. Iyi pulane yothe ya thengululo, u itwa vho lugaho, khethefhadzo, ndovhedzo ya Muya Mukhethwa, u fana na zwe zwa vha zwi zwone tshifhingani itsho.

<sup>147</sup> Zwino dzhielani nzhele, O vhangela uyu musidzana u dihwala, huno ndi kha izwi zwe a bveledza Murwa hu si na u divha munna. Izwi two akhamadza saintsı nga kha zwikhathi. Zwi kha di ralo. Vhone khamusi vho sea Yesaya musi a tshi amba huno a ri uyu musidzana u do dihwala, "Zwino, naa izwo zwo vha zwi tshi nga vha hani nga u ralo?"

<sup>148</sup> Ndi a humbulela, Yesaya, kholedzo, musi a tshi pfa Mudzimu a tshi ri, "Ndi do vha nea tshiga tsha nthesa, Ndi do vha nea tshiga tsha lini na lini, musidzana u do dihwala." Zwino, ene, o divhea vhukati ha vhatu, vhatu vhawe, muporofita, o khwathisedzwaho nga Mudzimu. Zwino musi a tshi bvela phanda ha madokotela na vhanwe-vho, e na tshitatamennde itshi, "Musidzana u do dihwala." Ni a vhona, na khathihi a two ngo ralo, u bva u rangani ha tshifhinga, zwi humela kule murahu kha he Mudzimu a sika munna Wawe

wa u thoma. Fhedzi hafha, zwino, uyo, musadzi a re fhano kha lifhasi u khou yo dihwala. Zwi elekanyeni nga fhethu hu talukanyaho, mini-ha arali uyo muporofita o holedzwa? Fhedzi o zwi divha uri Mudzimu u do vhulunga Ipfi Lawe, U do zwi lingulula. Ndi a humbulela, muja muñwe na muñwe wa Vhahevheru wo lugisela ñwananyana wawo uri a vhe na ulu lushie, ni a vhona, wa lu rengela zwienda na zwibutswu, kana tshiñwe na tshiñwe tshine ha ambara, na leri lituku, huno a lugela uri—uri lushie lu de. Mirafho ya fhira, fhedzi Mudzimu o lingulula Ipfi Lawe! Musidzana o dihwala, huno a bveledza lushie, a lingulula uri Ipfi la muporofita Wawe lo vha li Ngoho. Ene tshifhinga tshothe u ima navho.

<sup>149</sup> Uyu Murwa wa musidzana o vha e Ipfi li vhonadzwaho. Zwino Yohane Mukhethwa 1, arali iyo ni tshi ḥoda u i vhala. Yohane Mukhethwa 1, uyu muporofita, uyu muporofita, na ene-vho. Fhedzi uyu Murwa wa musidzana o vha e Ipfi li vhonadzwaho, u ranga ha tsiko ya Mudzimu. Zwino, lifhasi lothe ndi tsiko ya Mudzimu, fhedzi lo xela. Ni a vhona? Zwenezwa Ene u rengulula ili lifhasi. Huno inwi ni tshipida tsha lifhasi, huno U a ni rengulula nga ndila i fanaho na ine A rengulula lifhasi lothe. Ni a vhona? Zwino, uyu Murwa wa musidzana o vha e Ipfi li vhonadzwaho, "U rangani Ipfi o vha e hone, Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama huno a dzula vhukati hashu."

<sup>150</sup> Sathane o lingedza tshikimu tshiñwe na tshiñwe u Mu ita uri izwi a si zwi dzhiele nthia. Sathane o lingedza tshiñwe na tshiñwe tshe a kona u—u Mu ita uri a si zwi dzhiele nthia, a lingedza u Mu ita uri a dzhie muvhoso hu si na u tambula, u lingedza u Mu ita uri a u dzhie hu si na thengululo (musi ho vha hu pułane ya Mudzimu ngadeni ya Edeni musi A tshi vhulaha ngwana, uri ndi nga malofha fhedzi hune A do u dzhia), a vhuya a Mu fulufhedzisa mivhuso yothe ya shango arali A tshi do u dzhia. Itonu elekanya uri ndi pfulufhedziso-de nandi!

<sup>151</sup> A ni talukanyi, khonani dzanga dzi funwaho dza vhuthogwa, nga uyu muniti, uri Sathane u a ni itela pfulufhedziso ya...u do ni ita muñwe wa vhashumeli vhavho vha khwinesa kha nyandano. U do ni nea tshidzulo tsha nga phanda tshivhidzoni tshiñwe na tshiñwe huno a ni ita mudikoni. U do ita tshiñwe na tshiñwe, arali ni tshi nga tou sendela kule ha ili Ipfi.

<sup>152</sup> Zwino dzhielani nzhele, itani tshiñwe na tshiñwe...u Mu nea shango na mivhuso yothe, uri A kone u i dzhia. O vha a tshi khou lingedza u Mu ita ura vunde ilo Ipfi, ngauri o zwi divha uri o Mu fasha benefho arali o vha a tshi nga kona. O ita uri Mushe a Li vunde, o ita Efa uri a Li vunde, fhedzi o rwa munna a si ene nga tshino tshifhinga. Ndi ngani? O vha e Ipfi, huno ho ngo zwi divha. O vha e ilo Ipfi, Ene muñe.

<sup>153</sup> Ndi kona u mu vhona. Ri ṭoda u mu fanyisa vhunga tshifanyiso tsha niwana. Ndi konā u vhona idzo phapha khulu dza kale dzi tshi kuvhanganelu u hanedzana na Efa, huno ha pfi, “Zwino, ndi ḍo u vhudza uri mini, u a takadza. U tea u u lingedza.”

“Fhedzi Mudzimu o amba, arali ro ralo, ri ḍo fa.”

<sup>154</sup> “Oo, zwo luga, ngoho ni nga si fe. Ni a vhona? Oo, uvho ndi vhuṭafuṭafu. Uyo ndi muňwe muhumbulo wa kale u songo dzivhuluwaho. Ni songo tenda na muthihi.” Fhedzi Mudzimu o vha o no amba nga u ralo! Mudzimu o lingulula uri zwo luga. Huno U khou zwi lingulula zwa zwino, vhatthu vha khou fa nga uno muniti. U kha di zwi lingulula uri zwo luga.

<sup>155</sup> Dzhielani nzhele, huno musi a tshi ḍa kha Mushe, o ri, “Mushe, u a zwi ḋivha uri u na maṭa, u na mbiti. Sedza zwe itsho tshivhalonyana tsha mashandukwa tsha ita, u a vhona. Ndi ngani u sa tou tsela henengei fhasi huno wa vha vhudza zwa vhukuma nga hazwo?” Huno a ralo.

<sup>156</sup> Fhedzi musi a tshi rwa uyu mutalo wa volitsi dza zwigidi zwa fumi, wo ḫuvha mithenga yawe musi a tshi gidimela u hanedzana Nae. O ri, “Oo, thetshelesa,” a ri, “ndi ḍo U ḥea mivhuso yothe.”

“Ho niwaliwa!” Ni a vhona? “Ho niwaliwa!”

<sup>157</sup> A amba zwino, “Arali Iwe u Murwa wa Mudzimu.” Ni a vhona, ene tshifhinga tshothe o Li timatima. U kha di funza vhaňwe u Li timatima. O funza Efa u Li timatima, o funza Mushe, o funza vhone vhothe u Li timatima.

<sup>158</sup> U khou ni funza u lingedza u Li timatima. Huno inwi no dzulaho henehfa zwino, arali ni tshi ṭoda nne ndi tshi vhidzelela, ho no vha, Saṭhane o lingedza tshifhinga tshilapfu u ni ita uri ni ntimatime. Ni songo ita hezwo. Khaladzi, arali ni tshi ita hezwo, zwo ralo, inwi...kana, hu si nne, hu tou vha fhedzi u timatima. Itonu tenda heli Ipfi. Inwi a ni tei u tenda nne, fhedzi inwi tendani Heli. Ni a vhona? Arali ndi tshi amba ili Ipfi, a si langa, ndi ḥaw. Ipfi langa ndi lo fhambanaho, fhedzi Ili ndi ḥaw. Ni a vhona? Dzhielani nzhele zwino, dzhielani nzhele. A thi ṭodi u dzhena kha izwo zwa zwino.

<sup>159</sup> Dzhielani nzhele, pfulufhedziso, Maipfi Awe othe, zwa vhukumakuma ndi ngoho. O A lingulula. O lingulula, ngauri O lingulula uri Ene o vha e Ipfi la ngoho. “Muthu a nga si tshile nga tshinnkwa fhedzi, fhedzi nga Ipfi liňwe na liňwe li bvaho mulomoni wa Mudzimu.”

<sup>160</sup> Mini, naa u tshila hani? Nga, “Zwo ralo, arali na dzhia fhedzi zwiňwe zwa Ipfi la Mudzimu, u ḍo tshila”? Zwino, na khathihi a si zwe A amba. Naa no dzhiela nzhele, l-i-n-... “Ipfi liňwe na liňwe”? Naa u tshila hani? “Oo, u la ngomu

heneffo”? Hai, u khou fa nga u ḥavhanya. Iyo ndi nama. “Zwo luga, ene, oo, ndi wa tshivhidzo. U tenda tshiñwe na tshiñwe nga nn̄da ha *Itsho*”? U kha di vha o fa. Naa ni a zwi p̄fesesa?

“Ene a nga tshila fhedzi nga Ipfi linwe na linwe li bvaho mulomoni wa . . .” Tshifhe muhulu, mubishopo, mukhadinala, mufunzi? “Mudzimu! Ipfi linwe na linwe li bvaho mulomoni wa Mudzimu.” Naa ri zwi d̄ivha hani uri ndi Ipfi la Mudzimu? U amba nga u ralo, zwenezwo U a Li lingulula. U lingulula Ipfi Lawe. Dzhielani nzhele zwenezwo, arali izwo zwi tshi ralo, u bula hanu hu nga si ni ite uri ni tshire. Vhurado ha tshivhidzo hanu vhu nga si ni ite uri ni tshire.

Dzhielani nzhele, nga Ipfi Lawe fhedzi, hu si Ipfi lithihi fhedzi lo bviswaho vhudzuloni. A hu na na muthihi a no do . . . Ipfi lithihi lo vhulaha lushaka lwa vhathe. Bivhilini, kha Nzumbululo 22, ipfi lithihi li do di vhulaha tshithu tshothe, dzina lawe li do tuswa Buguni ya Vhutshilo. “Ane a do engedza nga ipfi lithihi, kana a tusa Ipfi lithihi.” Hu si ipfi lithihi! Hu si . . . Hai, ndi khou amba, hu si—hu si maipfi mavhili, ipfi lithihi fhedzi! Hu si fhungo lithihi; ipfi lithihi! Ipfi lithihi! Oo, vhathe, naa ni a p̄fesesa?

<sup>161</sup> Zwino, nne a thi khou tou amba kokotolo na avha vhathetshelesi. Uyu u khou theiphiwa, inwi ni a vhona, nahone U ya shangoni lothe. Naa ni a p̄fesesa, vhathe vha shango, ilo Ipfi lithihi, Ipfi lithihi, hu si fhungo lithihi, hu si phara nthihi, Ipfi lithihi, ndi zwenezwo fhedzi zwe Efa a sa tende. Ho diswa . . . Mudzimu o zwi lingulula. “Fhedzi zwenezwo arali ni tshi vhulunga Ipfi linwe na linwe, ni do tshila.” Vho timatima Ipfi lithihi, vha disa lufu kha lushaka lwa vhathe. Fhedzi muthu a nga si tshire nga tshinnkwa fhedzi, u itela nungo dza muvhili wawe, fhedzi nga Ipfi linwe na linwe, Ipfi linwe na linwe nga ndila ye La tou nwaliwa. Bivhili i ri, “A si la thalutshedzo yo dzumbetshedzwaho.” A hu na muthu huñwe fheñtu, muñwe-vho na luthihi, u lingedza nga tshiñwe tshithu u ḥalutshedza Ipfi la Mudzimu. Mudzimu ndi muñalutshedzi Wa Ene muné.

<sup>162</sup> Musi A tshi fulufhedzisa, O ri, “Kha hu vhe na tshedza,” huno ha vha na tshedza. O ri, “Musidzana u do dihwala,” huno a ralo. Ni a vhona, tshiñwe na tshiñwe tshine Mudzimu a amba, Mudzimu u a tshi lingulula.

<sup>163</sup> A hu londwi uri ni lingedza u elekanya zwingafhani uri muwo ya muvhili yo vha i si nga vhi hone, huno vhalā vhathe ngei murahu, huno buse fhedzi la lifhasi, nahone vho fhiraho kha buse zwino, vha tou vha kha dziesidi na dzigese dze muvhili wavho wa vha wo itwa ngadzo. Muya wavho u kha di tshila. Mudzimu o ri, “Ndi do u vusa.” Yobo o ri, “Naho mbungu dza lukanda dza tshinyadza uyu muvhili, naho zwo ralo ñamani yanga ndi do vhona Mudzimu.” Ni a vhona, a hu londwi, Ipfi linwe na linwe li tea u vhulungiwa, huno muthu u do tshila nga

ilo Ipfi. O vusa munna vhafuni, nga murahu ha musi o vha o fa lwa mađuvha mana, u lingulula uri O vha e muwo na Vhutshilo. Musi munna o vha o fa lwa mađuvha mađa nahone a tshi nukha, ningyo yawe yo no di wela ngomu nga mađuvha mađa. Izwo ndi zwone. Tshithu tsha u thoma tshi no wela ngomu, kha muthu, ndi ningyo, i wela ngomu kha mutumbu, i a suvha huno ya wela ngomu. Zwenezwo lukanda, zwilumi, inwi... Vha ni dženisa bogisini lo shatelwaho, tshiñwe na tshiñwe tshire tshi nga vha tshore, fhedzi naho zwo ralo zwivhungu zwa lukanda a zwi tei u da zwi tshi bva mavuni, zwi kha inwi. Naa no dzhiela nzhele uri Yobo o ri, "Naho mbungu dza lukanda lwanga—lwanga dza ntshinyadza." Hu si mbungu dza lifhasi, a dici nga vhi hone. Mbungu dici kha inwi, dzo lugela u ni tshinyadza, lufu lu khou shuma muvhilini wañu u faho. Fhedzi musi ni na Kristo, Vhutshilo vhu khou shuma muvhilini wañu u faho, u ni vusa hafhu. Ni a vhona? O vusa munna vhafuni, nga murahu ha musi o fa lwa mađuvha mađa, "u a nukha," u lingulula musi A tshi ri, "Ndi nñe muwo na Vhutshilo." Zwino, ndi nnyi we a vha a tshi nga amba izwo nga nnđa ha Mudzimu, ni a vhona, "Ndi nñe muwo na Vhutshilo. Ane a tenda kha Nñe, naho o fa, naho zwo ralo u do tshila." Ni a zwi tenda izwo? Huno A vusa uyo munna, u lingulula uri Ipfi Ławé lo vha lo luga. Ndi zwone!

<sup>164</sup> Dzhielani nzhele, O vha e Ipfi. Vhaheberu 4:12, arali ni tshi ṫoda u ñwala iyi phasi. Vhaheberu 4:12, yo ri, "Ipfi la Mudzimu li na vhuhalu u fhira banga la mutsheahoþe, ndi muþalukanyi wa mihibulo na zwine mbili ya fhima zwone." Naa izwo ndi zwone? "Muþalukanyi." U lingulula uri O vha e Ipfi, naa O itani? Petro o da Khae, dzina lawe lo vha li Simoni. Huno o da kha Yesu, huno Ene a ri... a dzula phasi ngei nnđa, huno Yesu, zwenezwo a tshi dzhena ngomu, A ri, "Dzina lau ndi Simoni, huno u murwa wa Yona." A songo funzea, a si na digirii murahu hawe, o vha a si na tshithu nga nnđa ha u vha murei wa khovhe zwawe, a si na pfunzo, Bivhili yo ri o vha "a sa ðivhi nahone a songo gudiswa," fhedzi o vha mubishopo wa tshivhidzo tsha—tsha Yerusalem. Ndi ngani? Ndi ngani? Yesu o mu vhudza uri o vha e nnyi, zwe dzina lawe la vha li zwone, na zwe dzina la khotsi awe la vha li zwone. Huno o zwi ðivha uri ilo lo vha li Ipfi, ngauri Bivhili yo ri, "Murena Mudzimu wañu u do vusa muporofita a no nga Nñe," huno uyo o ðo tea u vha muporofita, huno ho vha hu si na vhaporofita vho fulufhedziswaho nga murahu ha Maleaxi u swika kha Mesia, miñwaha ya mađana mađa hu si na muporofita. Huno hafha ho vha hu na munna o imaho heneffo, a tshi khou khwaþhisra, kana a tshi khou lingulula Ipfi Ławé, kha uyu munna o telwaho Vhutshiloni, a ri, "Dzina lau ndi Simoni, u bva zwino... U murwa wa Yonasi, u bva zwino u ya phanda u do vhidzwa 'Petro.'" Zwi elekanyeni! Naa Ene o zwi lingululela nnyi? Ndi ngani A songo lingulula ilo Ipfi kha... Ndi ngani A songo lingulula ilo Ipfi kha Kayafa? O vha e Mudzimu, O zwi

divha uri Kayafa o vha a sa do zwi tenda. Fhedzi uyu munna o vha o odeinelwa Vhutshiloni, o Zwi divha nga tshenetsho tshifhinga.

<sup>165</sup> Nga tshiñwe tshifhinga o ima vhukati, he muñwe munna nga murahu ha mađuvha a si gathi o ya huno a wana khonani u mona na thavha, hune ha ḥoda u ita maela dza fumiñhanu u bva he vha vha tshi khou rera hone, a mu vhuisa murahu duvha li tevhelaho. O vha o ima heneffho vhukati, huno a da he Yesu a vha e hone. Yesu a sedza u mona hoṭhe, O vha e Mudzimu, ni a vhona, O vha e na vhuṭalukanyi. Izwo zwo sumbedza izwo, ni a vhona, a tshi ita uri Ipfi li vhe lo lugaho, O lingulula Ipfi.

Zwino, vhañwe vhavho vha ri, “Ni a divha, uyo munna ndi Ipfi.”

<sup>166</sup> “Vhuṭafuṭafu,” avho vhotshifhe vha ri, “uyo munna ha lone. Hai. Uyo ha Ipfi.”

<sup>167</sup> Ha pfi, “Ni a zwi divha zwine Luñwalo lwa amba, ‘Murena Mudzimu washu u do vusa muporofita a no nga Mushe.’ Huno uyo ndi Ene. Inwi Mu thetseleseni.”

<sup>168</sup> Zwo ralo, A ri, “Iwe, vhona, u Muisraele, ane khae ha sa vhe na vhufhura.”

Uyu muthu a ri, “Rabi, naa Wo nn̄divha lini?”

<sup>169</sup> A ri, “Filipo a sa athu vhidza, musi wo vha u nga fhasi ha muri, Ndo u vhona.” O divha uyo a no do Li tenda.

<sup>170</sup> A ri, “Rabi, Iwe u Murwa wa Mudzimu. U Ipfi.” Yesu o lingulula uri O vha e Ipfi, nga Ipfi.

<sup>171</sup> Dzhielani nzhele musadzi mułuku tthisimani. O vha a tshi khou ḥoda Mesia. O vha a si na mushumo na magogo avho mahulu na dzidinomineisheni, na zwiñwe-vho, zwe vha vha vhe nazwo mađuvhani ayo. O vha a tshi ḥoda Ipfi. Ngauralo Munna, nga tshiñwe tshifhinga, o dzula heneffho, Munna zwawe, o dzula nga thungo ya ndila, a ri—a ri, “Musadzi, Nndisele tshinwiwa.”

<sup>172</sup> A ri, “Zwino, imani lwa muniti, hu na khonadzeo ya uri U khou lingedza u vha muswa kha nne,” a nga di vha o elekanya mbiluni yawe, ngauri o vha o swaiwa uri ndi musadzi wa phungo mmbi. Ha pfi, “Mulandu, Iwe wo... Ndi ngani U tshi mmbudzisa mbudziso ya u ralo? Ri na khethululo fhano. Iwe u—Iwe u—Iwe u tou vha... Iwe u tou vha Muyuda, riñe ri Vhasamaria, hu si... a si ndowelo, a zwo ngo luga Iwe u tshi nkhumbelo nga u ralo.” Ni a vhona?

<sup>173</sup> A ri, “Musadzi, arali wo vha wo divha uyo we wa vha u tshi khou amba nae, wo vha u tshi do Nkhumbela tshinwiwa.”

<sup>174</sup> A ri, “Iwe, u itela tshinwiwa? A thi khou vhuya nda vhona bakete kana thambo. Naa Iwe u do vhuya wa nñea mađi-vho hani a bvaho kha itshi tshisima?”

A ri, “Itsho a si tshisima tshe Nda vha ndi tshi khou amba nga hatsho.” Ni a vhona?

<sup>175</sup> Nga murahu ha tshifhinganyana, a ri, “Uyu ndi Muthu usili.” Ngauralo a thoma u gwedzhela khali ya mađi n̄tha, a tshi khou kokodza.

<sup>176</sup> Ha pfi, “Zwo luga, mađi ane Nda ḥea a do vha zwisima zwa mađi, zwipise, a gubunyeaho ngomu ha Vhutshilo Vhu Sa Fheli, na tuyani wañu.”

<sup>177</sup> “Zwo ralo,” a ri, “zwino, imani lwa muniti, ndi—ndi a pfectesa, Iwe u Muyuda.” Ha pfi, “Zwino, vhoiñwi Vhayuda,” ha pfi, “U ḥoda u mmbudza uri Iwe u muhulwane u fhira khotsi ashu, Yakobo, o gwaho itshi tshisima?” O vha e Mudzimu wa Yakobo. Ni a vhona? Ha pfi, “Naa U amba zwauri Iwe u muhulwane u fhira—u fhira Yakobo, uyo o gwaho itshi tshisima?” Munna zwawe, ni a vhona, a tshi nga o ralo. Ndi zwenezwo fhedzi zwe na vhona, munna zwawe. Ha pfi, “Iwe u ri U muhulwane u fhira khotsi ashu, Yakobo, we a gwa tshisima, huno o nwa khatsho ene muñe, na kholomo dzawe? Zwo luga, ri tou fhañutshedzwa nga u nwa tshisimani itshi tshe uyo muporofita a gwa.”

A ri, “Uh-huh,” A amba.

“Huno riñe ri luvha kha iyi thavha. Iwe u ri ‘ngei Yerusalem.’”

<sup>178</sup> A ri, “Tshidzo ndi ya Muyuda, musadzi, riñe ri a ñivha zwine ra khou amba nga hazwo.” A ri, “Vhoiñwi a ni ñivhi zwine na luvha.” Huno Vhayuda vha tea u ñivha Ipfi, ni a vhona, ndila ye La vha li tshi tea u vha ngayo. Fhedzi, ni a vhona, O vha a tshi khou sedza zwino. Ndi ngani? U khou ya u... Naa U khou yo itani? U lingulula Ipfi Ławé. Ni a vhona? Mulandu, a ri... Ene a ri, “Zwiła, iya u dzhie munna wau huno u de ngeno.”

Huno a ri, “A thi na munna.”

<sup>179</sup> “Mulandu,” A ri, “wo amba ngoho, u a vhona, ngauri wo no vha na vhañanu, huno uyo ane wa vha nae zwino a si munna wau.” Ni a vhona? Sedzesani! Tshiñwe tshithu tsho bvelela, ni a vhona, tshiñwe tshithu tsha dzhia Vhutshilo. Zwino, arali tsho vha tshi siho ngomu heneffo tsha u tou thoma, arali o vha a songo vha na u imelwa hu bvaho kha u ta, tsho vha tshi tshi do vha tshi songo fara na khathihi.

<sup>180</sup> Heneffo ho ima vhotshifhe heneffo, ha pfi, “Uyu munna ndi Belesebulu.” Ni a vhona, a hu na u imelwa.

<sup>181</sup> *Vhutshilo Vhu Sa Fheli*, “inwi tshifhinga tshothe no vha ni hone.” Ni a vhona, ni na Vhutshilo Vhu Sa Fheli, hu na tshivhumbeo tshaho tshithihi fhedzi, itsho ndi Mudzimu. Inwi no vha ni tshiñaluli Tshawe, O ni humbula nahone a ni ñivha shango li sa athu tehwa, ḥhalukanyoni Yawe. Ni a vhona?

<sup>182</sup> O sedza u mona hothe. Sedzani uri o vha e kha tshivhumbeo tshivhi tshinzani—tshinzani. Fhedzi, ni a vhona, Ene o kundelwa—O kundelwa u wana uyo tshifhe, ngauri tshifhe o vha e tshikola tsho funzeaho, ratheolodzhi kha Ipfi, fhedzi a si na u imelwa ngei Tađulu, ni a vhona, o vha a siho kha kuelekanyele kwa Mudzimu na luthihi. Fhedzi uyu musadzi o vha e hone. O ri, “Mune wanga, ndi a vhona uri Iwe u muporofita.” Izwo ndi zwe the zwo the zwo the A toda ene a tshi zwi vhona. Ni a vhona? Ha pfi, “Rine ri a tenda uri Iwe u ene, ndi a tenda uri U muporofita. Zwino, ri a zwi divha. A ri pfesesi nga ha vhaporofita zwino, ngauri tshifhinga tsho no tuwesa vhukuma, ri a zwi divha uri hu na Mesia a no khou da. Huno musi uyo Mesia a tshi da, U khou yo vha Ipfi. Ni a vhona, U khou yo divha zwiphiri zwa mbilu, U khou yo ita zwenezwo zwithihi zwo—the zwo the Wa ita hangei.” Ha pfi, “U fanela u vha u muñwe wa vhaporofita Vhawe, vha u Mu ranga phanda kana tshiñwe tshithu.”

A ri, “Ndi nne Ene.”

<sup>183</sup> Naa U do itani? O vha a tshi khou lingulula Ipfi Lawe, a tshi khou lingulula vhuimo Hawe, a tshi khou lingulula zwo A vha e zwone. Mudzimu o vha e kha Kristo, a tshi khou pfumedzanya shango na Ene muñe. Huno Mudzimu ndi Ipfi. Zwo luga. O dzikisa mimuya na magabelo, u lingulula vhuporofita ha Yesaya, “U do vhidzwa ‘Mudzimu wa maanda, Khotsi wa lini na lini.’” Ni a vhona? Nahone O andisa tshinnkwa na dzikhovhe, uyu Murwa o bebwaho nga musidzana. Naa ho vha hu mini? U lingulula Ipfi. Lufiwalo lwo the lu tea u khunyelela. O lingulula Ipfi, nga u amba uri O vha e Jehovah o vhonadzwaho. O vha e u ranga ha tsiko ya Mudzimu. Mudzimu kha tsiko, Mudzimu e na tshipida tshiñku tsha tsiko hafha tsha uri Mudzimu o vha a tshi khou tshila kha Ene muñe, O vha e u ranga ha iyo tsiko ya Mudzimu, “Kha Ene hu bebwa vharwa vhanzhi.” Limuhani, nahone O andisa dzikhovhe. Ndi ene Ipfi na tsumbedzo ya Ipfi.

<sup>184</sup> Zwino thetshelesani zwavhuđi, musi ri tshi tsela fhasi u yela magumoni. Lila duvha, le nda vhala nga halo miniti i si gathi yo fhiraho, zwino, musi A tshi da nduni ya Yairo. O dzhena ngomu, musi a tshi swika henefho. Zwino, elelwani, Yairo o vha e tshi—tshifhe, mutendi a re mukanoni. O vha a tshi khou toda u tenda Yesu, fhedzi o vha a tshi vhenga u litsha tshivhidzo tshawe, nge vha vha vho ri, “Nnyi na nnyi a no tenda Khae u khou yo khauliba tshivhidzoni.” Zwino thetshelesani zwavhuđi zwino, u valani, ni nthetshelese zwavhuđi. Sedzesani itshi. Ndi tenda zwauri Yesu o zwi divha hezwo musi A tshi pfuka lwanzhe, nge A vha a tshi divha zwithu zwe the. Huno musi A tshi pfuka lwanzhe, a ima henengei fhasi, huno haffa hu da uyu tshifhe muđuku fhasi.

Musidzana wawe o thoma u lwala vhukuma, madokotela o vha o no mu litshedza, ha pfi “O edela u tsini na lufu.” Zwino, tshifhinga tshi a da tsha nyito.

<sup>185</sup> Khamusi itsho tshi kha inwi matsheloni ano, tshifhinga tsho da tsha uri inwi ni ite. Ni a vhona? Khamusi ni a lwala zwa vhukuma. Khamusi no tenda tshothe uri no khakha. Zwi nga di vha nga u ralo. Mudzimu u kombetshedza mafhungo, tshifhinga tshi a da tsha nyito.

<sup>186</sup> Zwino nga vhuronwane. Huno u a da, ho ngo londa zwe vhañwe vhothe vha amba, heneffo nn̄da vhathuni, huno a da huno a wela fhasi milenzheni ya Yesu. Ndi lig-a-de la-la tshikola tsho funzeaho, u da kha Uyo ane ra sa vhe na rekhodo ya u vhuya a ya tshikoloni. Ngila ine munna a da, a tshi tea u vha kha theolodzhi yothe, u da kha Munna we a vha a tshi tea u vha “a sa fulufhedzei, munna a halifhaho, munna a pengaho, o bvaho thalukanyoni Yawe, we a vha a si na na thalukanyo yawe i re ngonani.” Pfarelo kha liambele, fhedzi “U tou vha munna o tsilufhalaho zwawe wa duvha,” muñwe na muñwe o Mu humbulela zwenezwo. Vhunga ro vha ri tshi do amba ñamusi, nga liambele la tshiñarañani, “Nati!” Vhunga ndo rera lila duvha nga ha natí na baudu, ni a ñivha. Ni a vhona, itsho ndi tshe A vha e tshone vhathuni, a tshi tou vha zwawe wa duvha liñwe na liñwe... Ni ri, “Mulandu, Wo bva thalukanyoni yau! U a penga! U munna a pengaho!” Zwino, haffha ho vha hu na munna we a vha e na ñdivhongudwa dzothe, a tshi khou da kha Uyo ane a tea u vha e nn̄da ha thalukanyo Yawe. O kombetshedzwa khazwo.

<sup>187</sup> Mu sedzeseni zwino. Zwi khou yo luma zwiñukunyana fhedzi, fhedzi zwi do vha zwavhuđi kha inwi. Ni a vhona, tshiñwe tshifhinga dzhenuwo li a ni karusa.

<sup>188</sup> Dzhielani nzhele, U a da huno a dzhena ngomu kha sia la yu musidzana muñku, o faho, nga khonadzeo o faho awara dzo fhiraho, huno vho no di fhedza u mu ededza nn̄da, huno vha mu dödza tshiludi tsha mushonga, huno vha tshi dödza u mona na sofa. Iyo ndi ngila ye vha ita mađuvhani ayo, vho tou vha hwala huno vha vhaa dindini, kha bodo. O edela nn̄da kha sofa, maluvha o mu tingaledza.

<sup>189</sup> Huno, oo, uyo mufunzi muñku wavhuđi, Yairo muñku, ndi humbulela uri o vha e mufunzi muñku wavhuđi, muñwe na muñwe o mu funa. Ngauri, inwi ni a vhona, ndi nga zwi lingulula izwo, ngauri o ralo, mbiluni yawe, a tenda Yesu. Fhedzi o tou kundelwa u dzhia tsheo, ngauri o vha a si nga vhi na tsheke i no da ngomu Mugivhela muñwe na muñwe kana nga matsheloni a Musumbuluwo muñwe na muñwe. Ni a vhona? O tou sa kona u dzhia phe-phetho. Huno tshiñwe tshithu, vhathu, khuliso khulwane yavhuđi ye a vha e nayo vhukati ha vhathu, vho vha vha tshi do ri, “Ni a ñivha uri mini, Yairo o no vha wa vhusweleli

ho kalulaho. Ni a vhona, o ya hangei na uyo muporofita wa khole-khole. Izwo zwi tou vha kokotolo zwe a ita, hune avho vhothe vha tea u vha zwiga na zwithu, uyo Muporofita wa Galilea, ni a ḋivha, Yesu wa Nazaretha.”

<sup>190</sup> A ri zwi tendi zwino, zwi pfala zwi tshi tambuludza, fhedzi izwo ndi ndila ye zwa vha zwi ngayo tshifhingani itsho. Ni a vhona? “Huno, līnwe ḋuvha, vhunga zwine zwa vha zwone zwino, zwi khou yo ralo tshifhingani itsho.” Ni a vhona, zwenezwo zwithihi!

<sup>191</sup> Zwino dzhielani nzhele, o ya hangei. Huno o kundelwa u ita hezwo, fhedzi tshifhinga tsho da he a vha a tshi kombetshedzea u zwi ita. O do tea u zwi ita. Huno o ṭuwa hafha huno a wana Yesu, henefho nn̄da phanda havho vhothe, huno vha wela fhasi milenzheni Yawe, huno vha ri, “Muñe! Muñe!” Ni a ḋivha zwine izwo zwa vha zwone? U vhusa, vhuñe. Izwo ndi zwone.

<sup>192</sup> Ni a vhona, vhunzhi ha vhathu vha ḥoda Yesu a tshi vha Mutshidzi wavho, fhedzi hu si Murena wavho. Ni a vhona, *Murena* ndi “muvhusi.” Iina. Inwi ni ri, “Yesu, Iwe ntshidze huno u ntendele ndi ime henefha, huno izwo zwo luga, huno ndi do ita mushumo wanga. Zwino, Iwe u songo dzhena mushumoni wanga. Fhedzi U nga di vha Mutshidzi wanga, fhedzi hu si Murena wanga.” Ene u ḥoda u vha Murena, inwi ni a vhona, zwenezwo Ene ndi Mutshidzi wañu.

<sup>193</sup> Fhedzi zwino, o ri, “Muñe, Mutshidzi!” Ni a vhona? “Ndi...musidzana wanga muñuku, ḥwananga fhedzi, u na miñwaha ya fumimbili, madokotela o mu litshedza.” A hu na u timatima uri tshifhe a nga di vha o amba izwi, “Ni a ḋivha, vhothe vho amba nga ha Iwe uri u wa vhusweleli ho kalulaho, fhedzi, u a ḋivha, Muñe, ndi—ndi—ndi a U tenda. Ndi a tenda. Ndi a ḋivha uri U na vhutalukanyi. Huno tshithu fhedzi tshire nda ḥoda U tshi tshi amba, ndi, itou da u vhee zwanda Zwau khae. Huno zwenezwo mmbudze zwine nda tea u ita, ndi do ita.” Oo, zwino ni khou ya huñwe!

Ha pfi, “Ndi do ya. Ndi do ya.” Huno A thoma u ṭuwa.

<sup>194</sup> Nga murahu ha musi o no di ṭuwa lwa awara dzo vhalaho, hafha hu da munna a tshi khou gidima sa zwe n̄lowelo ya vha i zwone tshifhingani itsho, milora i n̄ha ha ḥohoh yawe, ha pfi, “U songo dina uyo Munna, ḥwananyana wau o fa. O no di fa, vho no di mu lugisa nahone vha mu ededza nn̄da.”

<sup>195</sup> Oo, mbilu thukhu yawe! Yesu a rembuluwa huno a mu sedza, a ri, “Oo! Oo! Oo!”

<sup>196</sup> A ri, “Naa A tho ngo u vhudza?” Zwino, naa O itani hangei, O vha o no fulufhedzisa Yairo. Zwino U tea u lingulula hezwo. Amene. “Ndo u vhudza. Itou tenda fhedzi huno u do vhona vhugala ha Mudzimu.” Zwino, O ḋivha zwe A vha a tshi khou ita. O amba zwauri Ho ngo ita tshithu u swika

Khotsi o Mu sumbedza u thoma. Yohane Mukhethwa—Yohane Mukhethwa 5:19, “Ndi ita fhedzi zwine Khotsi a Ntsumbedza,” ngauralo O Mu sumbedza zwe zwa vha zwi tshi khou yo bvelela.

<sup>197</sup> Ngauralo musi O no dzhena ngomu nđuni, huno a ima heneffo nga thungo ya itsho tshivhumbeo tshițuku, tshi rotholaho tsho omaho tsho edelaho heneffo, tshe tsha vha tshi tshi khou lwala lwa dzivhege. Huno muvhili muțuku wawe, wo bauluwaho, a hu na zwiliwa zwe zwa dzhena ngomu ha muvhili wawe, na mifhiso na zwithu, nahone o no—o no fa. Vho no di mu fafadzela nga itshi tshilungi tsha mushonga na zwithu. Huno o edela heneffo, ni a divha, kha sofa na zwithu, vha tshi khou lugisela u mu putela huno vha mu vhea tshaloni, huno vha vhea...vho no vha na vhuțambo havho vhuțuku ha u vha na maluvha u mona nae. Yesu u a ã. Huno muňwe na muňwe, “Oo, Yairo, musidzana muțuku wau o fa! Oo, khotsi Yairo, oo! Ri ni pfela vhuțungu nga maanda, na tshiňwe na tshiňwe.”

<sup>198</sup> A ri, “Oo, fhumulani, ni khou itesa phosho.” A ri, “Ndi ngani ni tshi ita vilili ili lothe hafha?” Inwi ni a vhona? “Ili vilili, inwi ni tou...inwi ni—inwi ni khou huwelela na u zhamba. Musidzana ho ngo fa. O edela. Shhh.”

<sup>199</sup> Zwenezwo naa who itani? Musi vha tshi Mu pfa a tshi amba uri ho ngo fa, vha...Ha pfi, “Vha Mu sea lwa u tou hoyo.” Nga maiwe maipfi, vho Mu nyala. “Boo! Mulandu, Iwe! Mulandu, Iwe muporofita wa khole-khole! Mulandu, Iwe mufhuri wa vhathu! Musidzana o fa. Dokotela o amba uri o ralo. Ro mu dodza mushonga, ro mu ededza nnđa. O edela heneffo, o fa.” Vha ri, “Ha, ha, ha! Zwino, Yairo, wo vha u tshi khou amba nga Hae, zwino mini-ha nga hazwo?”

<sup>200</sup> Inwi ni a divha zwe A ita? O ri, “Vhoinwi nothe ibvani hafha.” U vha heneffo kha u sa tenda ho raloho nga u ralo, zwi nga si shume. Zwino, ndi ngani O zwi amba? O ri, “Yairo, arali u tshi do tenda fhedzi, u do vhona vhugala ha Mudzimu.” Zwino, iļo ndi Ipfi Ławé. U tea u lingulula hezwo. Zwo luga.

<sup>201</sup> Zwenezwo musi O no dzhena nđuni he vhothe vha vha vha tshi khou lila, A ri, “O edela.” Izwo zwo vha zwo fhambana na saints. Izwo zwo vha zwo fhambana na thalukanyo zwayo. O vha o fa, o dōdzwa mushonga.

<sup>202</sup> Zwenezwo vho no fa, vho vha dōdza mushonga nga tshenetsho tshifhinga, zwenezwo vhutshilo ho no bva khavho, vho shululela izwo zwilungi na zwithu khavho huno vha vha putela huno vha vha dzhia vha vha țuwisa. Ni a vhona, vha vha swi , vha sokou vha swi , zwo ralo, tshiňwe tshifhinga a vho ngo vhuya vha divhadza vhathu. Ni a divha, Ananiasi na Safira; vho vha vho no swi  Ananiasi, musi Safira... Ananiasi, musi Safira o no dzhena ngomu, inwi ni a vhona; vho

vha vho no mu bvisela nn̄da na u mu swīta, ni a vhona. Vha sokou, zwenezwo vha tshi ḋo fa, vha ḋo shululela itsho tshithu khavho huno vha vha bvisela ngei nn̄da huno vha vha vhea kule. Ni a vhona?

<sup>203</sup> Ngauralo o vha o no ḋi lugela u dzhena tshaloni, fhedzi vho ḋoda u lindela khotsi uri vha mu vhone vha sa athu mu vhea kule. Huno musi A tshi dzhena ngomu, huno ene e kha iyo nyimele, huno A ri, “U khou tou edela zwītuku.”

Zwo ralo, vha ri, “Zwino, arali uyo Muthu a sa pengi nga ngoho!”

<sup>204</sup> Ngauralo zwino A itani? O vha o no ḋi amba uri o edela, O ḋo tea u lingulula Ipfi Ḽawe. O kundelwa u zwi ita phanda ha itsho tshivhalonyana, ngauralo O ri, “Vha bvise vhōthe.” Huno ndi kona u Mu vhona a tshi sedza u mona hōthe kha Yairo huno a ri, “U kha ḋi tenda?”

“Ee, Murena.”

<sup>205</sup> “Iwe na mufumakadzi idani ngeno. Petro, Yakobo na Yohane, vhoinwi idani na N̄ne.” Vha tshimbila vha ya henefho huno vha vhidza iji ipfi, *talitha cumi*, line la amba, “Musidzana mūtuku, vuwa.” Huno A lingulula Ipfi Ḽawe, o vha o edela fhedzi. Naa izwo ndi zwone? O lingulula hafha, Ipfi Ḽawe lo vha lo luga. Hu sa londwi u sa tenda havho, O ḋi lingulula Ipfi Ḽawe uri lo luga, nga u mu karusa, ngauri O ri o edela. O vha o edela.

<sup>206</sup> U ḋo ita zwi fanaho iñwe duvha, kha mutendi muñwe na muñwe wa ngoho, ngauri Ipfi Ḽawe lo fulufhedzisa u ralo. “Vha re kha Kristo, Mudzimu u ḋo vha ñisa Nae.” Ni a vhona, “Vha re kha Kristo.”

<sup>207</sup> Naa uyu musidzana mūtuku wa Muyuda o itani? Ndi kha ḋi bva u thoma u fhira ulu Luñwalo hafha, fhedzi ndi—n̄ne ndi khou ya u—khou ya u lu vhulunga. Ndi a zwi ñivha uri tshifhinga tshi nga kha ḋi vha tsho tuwa zwītuku, huno ri ḋo ya kha muduba nga miniti i si gathi. A thi nga ni vhonni kha iñwe vhege khamusi, fhedzi kha ri lindele lwa muniti. “Muthu a nga si tshile nga tshinnkwa fhedzi.” Ni a vhona? Dzhielani nzhele, i ri ni ndi tou sukumedzela itshi ngomu zwino, u ni sumbedza. Ndi ngani Yesu o karusa iyi khomba thukhu ya Muhevheru? Ngauri o zwi ñivha uri yo vha i songo fa? U ta. U tou fana na zwe A ita Lazar. Ni a vhona? Thainwe ho vha hu na khomba nn̄zhi thukhu dzo faho nga leneño duvha, na khathihi Ho ngo amba ipfi khavho. O zwi ñivha uri iyi i na Vhutshilo Vhu Sa Pheli. Ni a vhona, Ho ngo karusa vhañwe vhōthe.

<sup>208</sup> Sedzani, musi A tshi bva Yeriko, vha ri, “Hafha, uyu munna hafha!” A hu na u timatima vho ri, “Iwe u vusa vhafu? Iwe u mmbudza uri U kona u vusa vhafu, ri na zwaloni zwo dalaho ngavho ngeno n̄ha, ida, karusa avha.” Ni a vhona, na khathihi Ho ngo vha thetshelesa na zwītukuñku. Ni a vhona, na khathihi ho ngo zwi ita, ngauri O zwi ñivha uri O vha e Ipfi.

<sup>209</sup> Dzhielani nzhele, o vha o edela fhedzi. O zwi divha uri khotsi vha do da. Zwino, uyu müsidzana mułuku, ni a vhona, O zwi divha uri iyo khomba thukhu ya Muyuda yo vha yo edela fhedzi. Ni a vhona, vho—vho lugaho a vha fi. Yesu o da u rengulula vho lugaho. Huno, u *rengulula*, zwi amba “u vhuiswa murahu he na vha ni hone.” Ni a vhona? O kundelwa u rengulula vha sa tendi, a hu londwi uri vho funzea hani na uri vho vha vhe na madokotela a digirii mangana. O kundelwa u vha rengulula, ngauri vho vha vha sa rengululei; vho do tea u ya kha vhuyo havho. Fhedzi, nga u divhela phanda Hawe, o zwi divha uri Lazaro o vha a tshi khou bva tshaloni. Nahone O zwi divha uri uyu müsidzana mułuku u na Vhutshilo Vhu Sa Pheli. Ngauralo o vha a songo fa, o vha o edela fhedzi. Huno musi mushumo washu wo no fhela kha lifhasi, arali ri sa tshili u swika kha U Da Hawe, ri nga si kone u fa, ro edela fhedzi. O zwi lingulula hafha. U do zwi lingulula hafhu. “Naho mbungu dza lukanda dza tshinyadza uyu muvhili, naho zwe ralo ndi do karuwa nga tshifanyiso Tshawe.”

<sup>210</sup> U lingulula Maipfi Awe othe, Maipfi Awe othe. Itonu zwi elekanya, Maipfi Awe othe! Huno inwi no vha ni Ipfi Lawe. Ene o vha e Ipfi, huno inwi no vha ni tshipida tsha Ipfi Lawe. Huno, itsho ndi tshone tsho itisaho uri ni rumelwe fhano, u khwathisa fhethu hanu vhutshiloni. A—a—a thi elekanyi uri ni naho. Ni a vhona, Ndi ene Ipfi. Zwino ni a zwi pfesesa?

<sup>211</sup> O vha e milenzheni, kha Luther; kha marumbi, kha Wesley; kha mahada, kha Pentekoste. Ni a vhona zwine nda khou amba? Ndi ene Thoho. Inwi ni na tshipida tshi no tuma izwo fhethu huthihi, iyi awara ine ra khou tshila khayo zwino; hu si tshipida tsha milenzhe, hu si tshipida tsha shumbi, hu si tshipida tsha shađa, fhedzi tshipida tsha mutsinga. Naa izwo ndi zwone? Tshi tuma kha thoho. Itsho ndi tshipida tsha muvhili. Avho vho edelaho kha Yesu Mudzimu u do vha qisa Nae. Lufhalafhala lwa Mudzimu lu do lila, huno vhafu vha re kha Kristo vha do vuwa u thoma. Naa izwo ndi zwone? Ni a vhona, inwi ni vha tshipida tsha ilo Ipfi, ni vha tshipida Tshawe. Nahone ni dzhia Dzina Lawe u itela u zwi limuwa, ni a vhona, inwi ni vhea ngomu heneffo, na lovhedzwa ngomu ha Dzina Lawe, ngomu ha Muvhili Wawe, “Nga Muya muthihi rothe ro lovhedzwa kha Muvhili muthihi,” ngomu hafha, u tou fana kokotolo na vhuimo vhu fanaho. Na khathihi Ha shandukisi ndila Yawe. Arali... Naa ndi vhangana vha no tenda uri tshivhidzo tsha u ranga tshi Khae? Kha ri vhone, naa ndi vhangana vha no zwi tenda? Naa vho lovhedzwa hani? Zwo luga. Ni a vhona, Ndi ene Mudzimu a sa shanduki. Ro zwi lingulula hezwo. Ro vha ri tshi nga dzula hafha u swika vhukati ha vhusiku madekwana a namusi, ri tshi lingulula hezwo, huno ra di bvela phanda na phanda na phanda. Ni

a vhona, ha shanduki! Ni a vhona? Inwi ni Khae nahone ni tshipida Tshawe, ngauri no vha ni tshipida tsha kuelekanyele Kwawe. Shango li sa athu tehwa, O ni vhidza!

<sup>212</sup> Bivhili yo amba zwauri livhanda li re kha lifhasi... Uyo ndi mulwanakristo wa dinomineisheni a no khou da kha lifhasi, a tshi khou vhumba livhanda ngei Roma, ye ya vha i dinomineisheni ya u thoma. Huno iyi Khoro ya Lifhasi ya Dzigereke i vhumba tshifanyiso tsha livhanda, u fana kokotolo na zwe ra vha ri kha di bva u zwi dzhenisa buguni hangei lila duvha. Dzhielani nzhele, u vhumba hetsho, ni a vhona, mulwanakristo. Huno Bivhili yo ri, "Vhothe vhe madzina avho a sa nwälwe kha Bugu ya Vhutshilo ya Ngwana," (lini, kha mvuseledzo?) "yo vhulawaho shango li sa athu tehwa" (dzina lanu lo nwälwa hangei), "uyu mulwanakristo u do ni fhura." Mateo 24:24, i amba uri-uri "Mulwanakristo u do vha tsini nga maanda vhunga tshithu tsha vhukuma maduvhani a u fhedzisela, u do fhura vhenevho vho khethiwaho, kana vho tiwaho..." Ndi zwenezwo zwithihi, khetho na u ta ndi zwenezwo zwithihi, Mudzimu o ni khetha kana o ni ta shango li sa athu tehwa. "U do fhura vhothe vhe madzina avho a sa tiwe kha Bugu ya Vhutshilo."

<sup>213</sup> Daniele o amba nga hazwo, ndila ine vha vhutali vha do vha ngayo nga ilo duvha, ndila ine vha songo ḥalifaho, na zwiñwe-vho. Zwo luga, ndi zwinzhi nga maanda, fhedzi ndi dzulela fhedzi u swika kule lwo kalulaho—lwo kalulaho, watshi i khou tshimbila nga luvhilo lwo kalulaho kha nne. Dzhielani nzhele, zwino sedzani, O dzhieila nzhele nga murahu... Zwino sedzani zwe zwa itea hafha. "Vhothe vhe A vha divhela phanda, O vha vhidza. Vhothe vhe A vha vhidza, O vha ita vho lugaho. Vhothe vhe A vha ita vho lugaho, O vha nea vhugala." Lwendo lwañu lwo vuledzwa, ni khou tshila tshipida tshañu. Tshilidzi ndi zwe Mudzimu a ni itela zwone. Mishumo ndi zwine na ita nga u takalela.

<sup>214</sup> O lingulula nga zwenezwo zwithihi Zwawe, zwauri O divha zwithu zwe the, uyu Murwa o bebwaho nga musidzana. O divha he ha vha hu na inwe khovhe mađini, ye Petro na vha inwe vha vha vho no i tingeledza nga mambule huno vha sa fashe tshithu. Izwo zwo lingulula Ipfi Lawe. Naa izwo ndi zwone? O divha zwithu zwe the.

<sup>215</sup> Huno musi A tshi dilugisela u badela mithelo Yawe, zwo sumbedza uri Ene zwithu zwe the ndi zwave. O divha he khovhe ya vha i hone ye ya vha i na lingwende lo edanaho mulomoni wayo u badela... Muñwe muthu o i wisa heneffo nnđa, huno iyo khovhe ya tou i doba. Huno A ri, "Petro, tsela fhasi huno u posele lutsinga ngomu, ni a vhona, huno u dzhie iyo khovhe huno u bvise ilo lingwende mulomoni wayo. Huno bvela phanda huno u vha fushe, u badele mithelo." Oo, ee!

<sup>216</sup> Phunguhwe dici na mapako huno zwiñoni zwa muyani zwi na zwiñaha, fhedzi O vha e na Ipfi, O vha e Ipfi, huno a zwi lingulula uri zwo ralo. Ene tshifhinga tshothe u lingulula Ipfi Lawe. Nga ndila i fanaho Ene u do zwi ita zwino, kha murafho muñwe na muñwe U lingulula nga ndila i fanaho.

<sup>217</sup> Nga murahu ha ñuvha ja vhuraru, nga murahu ha lufu Lwawe, u swiñwa, nga ñuvha ja vhuraru, A vuva hafhu, u lingulula Ipfi Lawe, ngauri muporofita o ri, “A thi nga litshi Uyo Mukhethwa Wanga a tshi vhona u sina, nahone Ndi nga si litshe maya Wawe vhudzulavhafu,” nga ñuvha ja vhuraru, u sina hu sa athu dzhena nga awara dza fusumbembili. Ni a vhona, a zwo ngo fhedza maduvha mararu othe, ngauri u sina hu dzhena nga awara dza fusumbembili. Ni a vhona, ngauralo Ho ngo fhedza tshifhinga nga vhudzal, ngauri muporofita o amba, ni a vhona, muporofita o amba, “A thi nga litshi Uyo Mukhethwa Wanga a tshi vhona u sina.” O lingulula Ipfi Lawe.

<sup>218</sup> O fhodza vhalwadze, vha ñudzaho, u lingulula Ipfi Lawe le Yesaya na vhañwe vhaporofita vha amba.

<sup>219</sup> O ruma Muya Mukhethwa nga Ñuvha ja Pentekoste, u lingulula Ipfi Lawe. Inwi ni toða u wana mañwe a haya Mañwalo zwino, Juele 2:28, Ô ri, “Zwi do khunyelela maduvhani a u fhedzisela, u a amba Mudzimu, Ndi do shululela Muya Wanga kha nama yothe, na kha vhalanda vha vhasadzi Vhangana na mulanda wa musadzi Ndi do shululela Muya Wanga. Vhatthannga vhanu vha do vhona mabono, vhanna vha kale vhanu vha do lora miloro, na zwiñwe-vho.” O zwi lingulula nga u shululela! Nahone, O vha o no di amba itshi tshifhinga tshi sa athu swika, kha Luka 24:49, arali ni tshi toða u i ñwala phasi, A ri, “Vhonani, Ndi rumela pfulufhedziso ya Khotsi Anga kha inwi. Fhedzi tshesani, mudini wa Yerusalem u swika ni tshi ambadzwa maanda a bvaho Ntha.” Ngezwo, O zwi ita, O ruma Muya uri u ise phanda na u lingulula Ipfi Lawe. Fhedzi sedzani zwe A amba. Naa Ô zwi ita? Zwo luga.

<sup>220</sup> Marko 16, O ri, “Iyani shangoni lothe, ni rere Mafhungo-madjifha kha tshivhumbwa tshiñwe na tshiñwe.” Naa u swika ngafhi? Shangoni lothe. Vhonnyi? Tshivhumbwa tshiñwe na tshiñwe. “Ane a tenda huno a lovhedzwa u do tshidzwa. Ane a sa tende u do latwa, huno izwi zwiga zwi do vha tevhela avho vhane vha tenda.” O amba kha Marko 4, O amba kha Yohane 14:12, nahone O ri, “Ane a tenda kha Nñe,” hu si u hoyo, fhedzi, “Ane a tenda kha Nñe, mishumo ine Nda ita na ene u do ita.” Zwo dzhia Muya wonoyo muthihi we wa vha u Khae u ita uyo mushumo muthihi. Ngauri mini? Muya wo vha u tshi khou da u vhonadza Ipfi lo fulufhedziswaho tshifhingani tshi ñaho. Ni a vhona, O ita ndisedzo, ngauri O zwi ñivha uri izwi zwithu zwi do bvelela.

<sup>221</sup> Zwino, nga murahu ha miñwaha ya gidiñatahe, na zwikhathi zwa tshivhidzo zwe no fhira, na zwithu zweñohe zwe A porofita zwa Luther, Wesley, ri kha ñi bva u fhira khazwo huno ra zwi vhona zwe oliwa, huno ñwedzi wa tsela fhasi huno wa zwi ola, huno Murena a ri olela zwone kha bodo fhano, huno a zwi sumbedza, huno a tsela fhasi Ene muñe huno a zwi khwathisa uri zwe luga. Nga murahu ha miñwaha ya gidiñatahe, huno ri magumoni a tshikhathi tsha tshivhidzo tsha Laodikea, O fulufhedzisa, kha Luka 17:30, zwauri uyu Murwa-muthu onoyu muthihi (O zwi fulufhedzisa) u ño dzumbululwa mađuvhani a no nga e a vha e one ngei Sodoma, kha lifhasi. Naa O zwi ita? Naa zwi tea u khunyelela? A zwi konadzei... Zwino, elelwani, U ña nga madzina mararu: Murwa-muthu, muporofita; Murwa wa Mudzimu, Muya; Murwa wa Dafita, u itela Nwahagidi. Fhedzi vhukati, ili liñanganyi, zwino u ya nga Maipfi Awe, nga ñuvha la musi Murwa-muthu a tshi ño dzumbululwa, u Didzumbulula sa (mini? hu si Murwa wa Mudzimu) Murwa-muthu. U ño Didzumbulula nga ñdila yo fhambanaho. Zwino, naa izwo zwi ñitani? Maleaxi 4, yone kokotolo. Ni a vhona, Murwa-muthu u ño Didzumbulula, hu si kha dzidinomineisheni khulu tshohe na zwithu, vhunga ro vha nadzo kha zwikhathi, fhedzi U ño Divhonadza sa Murwa-muthu hafhu, u vhonadza Maleaxi 4. "Huno nga ñlo ñuvha, Ndi ño ni rumela muporofita Eliya, huno u ño rembulusa mbilu dza vhana uri dzi vhuyelele kha Lutendo lwa vhokhotsi vha vhuapostola, kule na uvhu vhudinomineisheni hothe, huno vha vhuyelela kha Ipfi la vhubvo hafhu," u kokodzela nnđa uyo Muselwa-Muri wa ñuvhani la u fhedzisela we A u fulufhedzisa. "Nga tshifhinga tsha nga madekwana hu ño vha Tshedza," hu si nga kha ñuvha la khuli, hu ño vha tshedza; li ño vha ñuvha line li nga si kone u vhidzwa ñuvha kana vhusiku. Ni a vhona, u khou ita Muvhili. Fhedzi Thoho yeneyo nthihi ye ya vha i fhano Vhubvaduvha, i fhano Vhubvaduvha hafhu, "Hu ño vha Tshedza tshifhingani tsha nga madekwana." Yawee, nnënne, ndi pfa ndi tshi nga ndi nga imba luimbo!

Hu ño vha Tshedza tshifhinga tsha nga  
madekwana tsho no vha tsini,  
Ñdila ya u ya vhuglani ngoho ni ño i wana;  
Ñdilani ya madi, hu na Tshedza ñamusi,  
No swiñwa Dzinani Lawe la vhuthogwa.  
Vhaswa na vha kale, shandukani kha zwivhi  
zwanu zweñohe,  
Zwenezwo Muya Mukhethwa nga ngoho u ño  
dzhena ngomu;  
Zwiedza zwa nga madekwana zwe ña,  
Zwo ñivhadzwa nahone zwa itwa mbuno uri  
Mudzimu na Kristo vha vhathihi.

<sup>222</sup> Huno Murwa-muthu u khou Didzumbulula nga maandä  
eneo mathihi e A vha e one, (hu si u tsa fhasi nga kha tshikhathi

tsha tshivhidzo, nga kha u itwa vho lugaho, khethefhadzo, izwi zwithu zweithe hafha) fhedzi Murwa-muthu. Naa Murwa-muthu ndi nnyi? Ipfi! Huno Ipfi li na vhuhali, li na maanda u fhira banga la mutsheahothé, huno li ḥalukanya mihumbulu i re mbiluni. Naa ndi mini tshe A do tea u ita? U tea u lingulula ilo Ipfi. Naa U do itani? Ri zwi dzhieila nzhele musi ri tshi vhona zwi tshi bvelela, ra I sedza nga tshivhumbeo tshi fanaho tshe A vha e tshone hafha ngei u rangani, Khavhu ya Mulilo. Nnenne! A tshi lingulula uri Ene ndi Vhaheberu 13:8, yo riho, “Yesu Kristo ha shanduki mulovha, namusi, na lini na lini.” Naa ho vha hu mini? Yesu Kristo, a sa shanduki mulovha, uyo o vha e Kristo we a vha e sogani na Mushe. Naa ndi vhangana vha no zwi ḫivha uri Bivhili yo zwi amba izwo? Mulovha! Uyo o vha e Kristo musi Paulo o vha a tshi khou amba hafha namusi (inwi ni a zwi tenda izwo?) kha Testamente Ntswa. Zwenezwo Murwa-muthu, Kristo a sa shanduki, nga ḫuvha la u fhedzisela. Ni a vhona? Zwo luga.

<sup>223</sup> Dzhielani nzhele na Yohane 14:12, O ri, “Mishumo ine Nda ita ni do ita.” Aya mañwe Mañwalo oqhe, naa U itani? U fhano zwino u khou lingulula (hu si tshikhathi tsha Luther, hu si tshikhathi tsha Wesley, hu si tshikhathi tsha Pentekoste, hu si tshikhathi tsha Baphuthisi, hu si tshikhathi tsha Puresbiterieni, ro tsela heneffo phasi nga khatsho huno ra tshi lingulula nga ḫivhazwakale Bivhilini; fhedzi mini?) tshikhathi tsha Murwa-muthu a tshi khou dzumbululwa, u disa izwi zwithu ngomu u khunyeledza Ipfi musi zweithe zwi tshi fanela u khunyelela. Ni a vhona? Ri a zwi vhona, huno ndi ngoho!

<sup>224</sup> Huno, elekanyani, nga ngona dzenedzo nthihi dze A ita lwa u thoma, a dzo ngo khwathiswa fhedzi vhukati hashu, fhedzi dzo khwathiswa nga saints. Vha tea u tenda uri Tsho luga. George J. Lacy, thoho ya FBI, wa mañwalwa a khandiso ya minwe, o ri, “Tshedza tsho kwama lensi. Ndo zwi vhidza saikholodzhi nne muñe, fhedzi,” a ri, “Vho-Branham, iyi khamera i nga si dzhie saikholodzhi. Tshi hone.”

<sup>225</sup> Naa ndi mini? Vhutanzi, izwo miñwaha milapfu yo fhiraho musi iyo Khavhu ya Mulilo yo vha yo ima heneffo kha itsho tshiṭaka vhunga tshidumbumukwe, i tshi khou amba, A ri, “U songo daha kana wa nwa na khathihi, hu na mushumo une iwe wa do ita musi u tshi vha muhulwane.”

<sup>226</sup> Vhatu vho ri, “Mutukana o bva ḥalukanyoni yawe.” Mma vha ḥoda u vhidza dokotela, ndo vha ndi na mazhuluzhulu.

<sup>227</sup> Fhedzi ho vha hu mini? O dzula heneffha phasi dasi ha mulambo heneffo, kha Mulambo wa Ohio, huno a ri, “Vhunga Yohane Mulovhedzi o ruñwa u ita vhatu uri vha lugele u vhonadzwa ha Ipfi, na Mulaedza wau u do ralo.”

<sup>228</sup> Ndila ye Dokotela Davis na vhañwe vha mmbidza uri “nga nn̄da ha” “ḥalukanyo” yanga, vha ḥoda u nkhaulia tshivhidzoni, ngauri ndi songo tendelana nǣnḡa ha vhareri

vha vhasadzi na izwo zwithu zwēthe zwe zwa vha zwi si zwa manwalo. O ri, “Huno ni ri ni khou yo rera nahone na vhanga mvuseledzo ya u kwama shango?”

Nda ri, “A si nne, fhedzi O amba nga u ralo.”

A ri, “Billy, no vha na muloro.”

Nda ri, “Ndi do nekedza garāta yanga zwa zwino, nne a thi tsha vha wa vhoiñwi.”

<sup>229</sup> O Li amba, ndi a Li tenda, nahone O Li lingulula. Itsho ndi tshipida tshavhudi, O Li lingulula, o lingulula Ipfi Lawe nga Ipfi, ngauri Ndi ene Ipfi. Ni a vhona? Nahone Ipfi li itani? Li ñivha tshipihiri tsha mbilu. Naa izwo ndi zwone? Zwē luga, li zwi lingulula kha Vhaheberu 13:8.

<sup>230</sup> Huno U do vha na Muselwa-Tshivhidzo o dilugisaho mađuvhani a u fhedzisela. “Naa U khou yo zwi ita hani, Mukomana Branham?” A thi ñivhi. Fhedzi O ri U do ralo. U do zwi lingulula. O Vhidzelwaho-nnda a tshi bva kha vhañwe vhōthe, izwo ndi zwone, tshiñoni tshi re na madondo tsho newaho madondo nga Malofha Awe. Ni a vhona? O Vhidzelwaho-nnda, vhañwe vhōthe vha sambi vha hanedzana Nae. U a nyadziwa nahone a landulwa.

<sup>231</sup> Fhedzi, tshiñoni tshi re na madondo, zwino, a thi londi uri muñwali o ñoda u sa tendelana na Ilo zwingafhani, o khakha. Elelwani, tshe tsha ita kha tshiponi, zwe tshiñoni tshi re na madondo tsha vha tshi zwone? Vho dzhia zwivhili zwazwo, tshiñwe tsho vhulawa, thama, ya shululelwa kha tshiñwe tshiñoni, huno tsho vha tshi tsha u ñanzwiwa ha mapele, huno madondo a malofha, huno tsha lila, “Mukhethwa, mukhethwa, mukhethwa, kha Murena.” Huno iyo yo vha i Thama yashu, Yesu Kristo, ye ya vhulawa, huno Malofha Awe a kha rine, a khou lila, “Mukhethwa, mukhethwa, mukhethwa, kha Murena.” Zwiñwe zwiñoni zwēthe... Ndo takala ngauri dzina langa li kha Bugu yawe; hu si hafha kha lifhasi, fhedzi ngei nthia; hu si kha mukumba wa mbudzi, fhedzi kha mukumba wa Ngwana. Izwo ndi zwone.

<sup>232</sup> Hu do vha na muwo ya vhafu. U do i khwañthisa. Izwo ndi zwone. U do i lingulula. Hu do vha na U Takulelwa Tađulu ha Tshivhidzo. “Naa zwi khou yo vha hani?” A thi ñivhi, fhedzi U do zwi lingulula. Ipfi Lawe ndi ngoho. Hu do vha na ñwahagidi. U do u lingulula, Ndi Ipfi Lawe. Hu do vha na mađadulu maswa na lifhasi liswa. U do zwi lingulula, ngauri Ipfi Lawe lo amba nga u ralo. Huno ndi vho lugaho fhedzi vha no do vha heneffo. U do zwi lingulula, na zwone-vho. Izwo ndi zwone. Ndi avho fhedzi vho itwaho tshipida tsha ili Ipfi (ni a vhona, hu do vha tshipida tshavho na vhuimo kha ili Ipfi la tshikhathi tshavho) vha no do vha heneffo fhedzi. Ngauri, izwo ndi zwine zwa vha zwone, Ndi ene Ipfi. Huno musadzi ndi mini? Tshifanyiso tsha munna. Huno Tshivhidzo ndi mini—ndi

mini? Tshifanyiso tsha Ipfi. Ni a vhona, izwo ndi kokotolo. Ni a vhona? Ngauralo tshi do vha henengei, zwo tou kokotolo. Ndi vhatendi vha ngoho fhedzi kha Ipfi Lawe vha no Li divha nahone vha kona u Li tenda. Huno Mudzimu u a vha thusa u zwi lingulula, izwo ndi zwone, izwo ndi ngoho.

<sup>233</sup> Naa zwino ni a Li tenda? Naa ni a Li tenda? Arali zwo ralo, swikelelani nga lutendo huno na kwama tshiambaro Tshawe, ngauri U khou fhira nga iyi ndila. U do lingulula uri Ha shanduki mulovha, namusi, na lini na lini, Vhaheberu 13:8. “Vhonani, Ndi na vhoiwi tshifhinga tshothe, u swika magumoni a shango,” Mateo. Huno Ndi ene Tshifhe Muhulu, u ya nga Vhaheberu, Bugu ya Vhaheberu, ndima ya vhu<sup>4</sup> na ndimana ya vhu<sup>15</sup>, “Ndi ene Tshifhe Muhulu ane a nga kona u kwamiwa nga vhudipfi ha u shaya nungo hashu.” Naa ni a zwi tenda izwo? Swikelelani huno ni kwame Murena. U hone misi yothe, “Vhonani, Ndi na vhoiwi tshifhinga tshothe.” Sedzani fhasi nga kha zwikhathi. “Lingululani zwithu zweothe. Faresani itsho tshi re tshivhuya.”

<sup>234</sup> Zwino, arali ni wa tshivhidzo tshire tshi sa tende zwauri Ha shanduki mulovha, namusi, na lini na lini, a sa shanduki nga ndila inwe na inwe, sendelani kule hatsho. Lingululani!

<sup>235</sup> Zwino, ri ri O vuswa vhafuni. A tho ngo zwi amba, Ipfi hafha lo zwi amba. Vho ri, “O vuwa vhafuni.” U ri Ha shanduki mulovha, na lini na lini. Inwi ni a zwi tenda izwo? O fulufhedzisa uri izwi zwithu zwi do bvelela nga duvha la u fhedzisela, zwauri Murwa-muthu u do vhonadzwa.

<sup>236</sup> Zwino, elelwani, uyo o vha e si Yesu a ambaho na Abrahamu heneffo, we a kona u tanganya mihumbulo thalukanyomi ya Sarah murahu hawe. Uyo o vha e si Yesu, O vha a sa athu bebwa. Fhedzi ho vha hu munna namani ya muthu, we Abrahamu a mu vhidza “Elohim, Ramaandothe muhulwane.” Zwi tshi sumbedza... Huno Yesu o ri, “Sa zwe zwa vha zwi zwone maduvhani a Sodoma,” zwino sedzani nga vhouronwane, “maduvhani a Sodoma, zwi do ralo kha u da ha Murwa-muthu, musi Murwa-muthu a tshi khou dzumbululwa.” A hu tsha vha sa tshivhidzo, ni a vhona, a hu tsha vha nga u ralo; Muselwa o vhidzwa, ni a vhona. “Nga ilo duvha Murwa-muthu u do dzumbululwa.” Mini? U tuma Tshivhidzo kha Thoho, u tanganya, mbingano ya Muselwa. Mbidzo ya Muhwe i do da nga kha izwi, musi Murwa-muthu a tshi do tsela fhasi huno a da e namani ya muthu u tanganya izwo zwivhili fhetu huthihi. Tshivhidzo tshi tea u vha Ipfi, Ene ndi Ipfi, huno vhabhili vha tangana fhetu huthihi, nahone, u ita izwo, zwi do dzhia u vhonadzwa ha u dzumbululwa ha Murwa-muthu. Hu si mufunzi. A—a thi divhi, ndi... Naa ni a vhona zwine nda khou amba? Ni a vhona, ndi Murwa-muthu, Yesu Kristo, u do tsela fhasi e namani ya muthu vhukati hashu, huno u do ita Ipfi Lawe uri li vhe la vhukuma nga maanda line la do tanganya Tshivhidzo

na Ene sa muthihi, Muselwa, huno zwenezwo u do ya Hayani kha Tshilalelo tsha Mutshato. Amene. O no di tanganywa, ni a vhona, ri khou ya kha Tshilalelo tsha Mutshato, hu si kha mbingano. “...dadzani ɔnama yanu...inwi mune, ya ɔnama yothe ya vhanna vha maanda, ngauri mbingano ya Ngwana yo da.” Fhedzi, u takulelwa ɔadulu, hu khou ya kha Tshilalelo tsha Mutshato. Musi, Ipfi hafha li tshi tangana na muthu, huno vhone vhuvhili havho vha vha muthihi. Huno zwenezwo zwi itani-ha? Zwi vhonadza Murwa-muthu hafhu, hu si vhoratheolodzhi vha tshivhidzo. Murwa-muthu! Ipfi Na Tshivhidzo zwi vha tshithihi. Tshiñwe na tshiñwe tshe Murwa-muthu a ita, O vha e Ipfi, Tshivhidzo tshi ita zwenezwo zwithihi.

<sup>237</sup> Naa O ɔilingulula hani nga kha zwikhathi? Nga kha vhaporofita, vhe vha vha tshi kona u amba Ipfi, vha ɔivha mihibulo yavho. Iyo ndi ndila ye A dihwa, iyo. Tsho fulufhedziswaho kha tshikhathi tsha tshivhidzo, tshi da tshi na “hu si vhusiku kana masiari,” fhedzi tshifhingani tsha nga madekwana musi Murwa-muthu a tshi do dzumbululwa. Tshi do da hafhu. “Hu do vha Tshedza nga tshifhinga tsha nga madekwana.” Ni a vhona? Naa U itani? U lingulula Ipfi Lawe.

<sup>238</sup> Zwino sedzani murahu, naa O da sa musidzana, naa O da vhunga vho amba, nga kha musidzana, kha ndi ralo? Naa O da zwo tou kokotolo nga ndila ye A amba? Sedzani ɔamusi, O ɔingulula Ipfi Lawe hu sa londwi uri hu na vha si na lutendo vhangana, vha sa tendi vhangana, u sa vha na dzangalelo, U kha di da heneffo, o lingulula Ipfi Lawe. Ri hafha, ri da nga kha itsi tshikhathi tsha zwivhidzo zweithe na zwithu, zwo ɔutshela kule vhunga zwo ita u bva kha Maleaxi u swika kha u da ha Kristo. Vhaporofita vhothe na zwithu zwo guma, huno vho no dzhena kha zwa vhahulisei na zwiñwe-vho, fhedzi, zwo tou kokotolo, sedzani uri O rumela lushaka-de lwa mvumbo. Yo tou kokotolo Eliya, muvhengi wa vhasadzi vha vhuada, huno vha ambara pennde nnzhi, mbanda na zwidolo na izwo zwithu zweithe heneffo. Huno vhafunzi, o vha vhulaha thungo dzothe. A tshi bva sogani, ho ngo ɔungedza na muthihi wawho, huno a ri, “Mesia u ndilan. Ndi do Mu ɔivha musi A tshi da, ndi do Mu ɔivhadza. Amene. Ni songo thoma u elekanya uri ni wa itsi kana itsho.” U tou fana na zwe Eliya a ita!

<sup>239</sup> “Huno mađuvhani a u fhedzisela, zwi do khunyelela, hu sa athu da ɔuvha lihulwane li ofhisaho la Murena, line Nda do ni rumela hu sa athu da ɔuvha lihulwane li ofhisaho la Murena, Ndi do ni rumela muporofita Eliya, huno u do vhuyedzedza Lutendo lwa vhana murahu kha vhokhotsi.” Huno sedzani, Lutendo lwa vhokhotsi kha vhana, Vhayuda. Ni a vhona? Pfulufhedziso yavho ya Luñwalo, Vhannða na he vha wa vha tshi bva hone. Sedzani izwo kavhili zwi tshi tou vha zwo fhelelaho, kokotolo. Huno hafha ri a zwi vhona, Mudzimu a tshi khou lingulula Ipfi Lawe.

<sup>240</sup> Kha ri kotamise zwifhatuwo zwashu lwa tshikhathinya. Mudzimu a Funwaho, O disaho hafhu Murena Yesu washu a tshi bva vhafuni, u lingulula Ipfi Lau, nahone U khou tshila namusi, zwi lingulula Ipfi Lau. “Vhonani, Ndi na vhoiwi tshifhinga tshothe, na u swika magumoni,” zwi lingulula Ipfi Lawe. “Yesu Kristo, a sa shanduki mulovha, namusi, na lini na lini.” (Arali ho vha hu si “lini na lini,” khamusi inwi ni nga di—di khukhuliswa nga maiwe ao.) A tho ngo ima uri ndi zwi talutshedze, Murena. Fhedzi, *lini na lini*, vha a divha, i tou vha “tshi—tshikhala tsha tshifhinga.” Huno zwino nga murahu ha itshi tshikhathi, hu nga si tsha vha na lini na lini, hu do vha Vhutshilo-tshothe. Ngauralo O vha e onoyo Mudzimu muthihi we a vha e kha Mushe na kha vhaporofita. Zwenezwo U a da nga murahu ha tshikhala tsha tshifhinga, huno a Qiita munna, a Divhonadza sa Mudzimu-muporofita. Huno zwenezwo ro vha na tshikhala tsha tshifhinga, huno U da hafhu. “Ha shanduki mulovha, namusi, na lini na lini.”

<sup>241</sup> Riñe ri elekanya nga ha izwi, Salomo, kha uyo nwahagidi muhulwane wa Vhayuda, wonoyo musi ho vha hu sa tei u vha na tshaka dzi no vha kwama, huno itsho tshifhiwa tshihulwane tsha Mudzimu tsho vha tshi kha muporofita u swika a tshi divhadza khosikadzi zwiphiri zwayo zwothe zwa mbilu yayo, a hu na tshe tsha dzumbiwa. Tshikhathi tshihulwane, tshi tshi khou sumbedza na u fanyisa uri ho vha hu tshi khou da Tshikhathi tshihulwane.

<sup>242</sup> Huno zwino, Khotsi, uyo o vha e Iwe, hu si Salomo. Uyo o vha e Iwe kha Yesu, ngauri O ri, “Mudzimu o vha e kha Kristo, a tshi khou pfumedzanya shango na Ene muñe. O vha e u ranga ha tsiko.” Muvhili Wawe wo vha u tsiko yo rengululwaho. Huno zwino nga kha zwikhathi tshivhidzo tsho xedza lufuno lwatsho lwa u thoma, huno zwino maduvhani a u fhedzisela Wo fulufhedzisa u vhidza vha si gathi vhaṭuku, Sambi liṭuku, kha maduvha a u fhedzisela.

<sup>243</sup> Khotsi, mbilu dzashu dzi khou fhufha, na mbilu yanga i khou divhitha, musi ndi tshi elekanya nga ha hezwo huno nda zwi divha uri Maipfi Au ndi ngoho, a hu na na lithihi Lao line li nga kundelwa. I ri avha vhatu namusi vha pfectese hezwo, nahone i ri muitazwivhi a U ḥode nga ino awara, khorødzi sa athu vala huno ha si tsha vha na tshifhinga tsho engedzeaho. I ri Muselwa, musi a tshi thoma u bva kha ligi kha *itshi* na *itsho*, ngavhe a tshi vhuya ngomu ha ligi vhunga bono lo sumbedza vhege dzi si gathi dzo fhiraho.

<sup>244</sup> Ndi a U rabela, Khotsi, u fhaṭutshedza zwino, na u fhodza vhalwadze. Ngezwi zwilabi hafha, sagaduku dzi bvaho...dzi bvaho kha zwipida zwo fhambanaho. Huno zwino, kha Luñwalo, Lo ri, “Ho dzhiwa zwilabi na dzifasikoṭi, dzisagaduku, dzi bvaho kha muvhili wa Paulo, huno vha ya kha vhalwadze, huno Mudzimu a vha fhodza.” Zwino, ri a zwi divha uri riñe a ri

Paulo Mukhethwa, fhedzi ri a zwi ḋivha uri ho vha hu si Paulo Mukhethwa, ho vha hu lutendo lwa vhathu khae e mulanda Wau. Murena, avha vhathu vho vha vha si nga reili idzi maela dza mađana arali vho vha vha songo tenda. Pfufha lutendo lwavho, Murena, musi ndi...hu si u ḋolisa sagaduku (Paulo na khathihi ho ngo zwi ḋolisa, o dzhia zwi bvaho kha muvhili wawe), musi ndo fara idzi sagaduku, Murena, hu si uri muvhili wanga (ngauri a si wavhudi), fhedzi ndi thundu yo rengululwaho Yau, ngauralo ndi a rabela, Mudzimu, zwauri U hulise lutendo lwavho. Ngavhe muñwe na muñwe wavho a tshi fhodzwa, u itela Muvhuso wa Mudzimu. Zwino, Murena, Mulaedza mulapfu, ndi sa khou amba uri u ḋo fhira miniti i si gathi, fhedzi wo no fhirela kha awara mbili kana dzo engedzeaho. Zwino i ri vhalwadze vha fhole, Murena, i ri vhathu vha vhone uri Iwe u fhano, uri a tho ngo tou amba izwi nga nne muñe. Ndi Iwe, Murena. Huno ndi a rabela Dzinani la Yesu. Amene.

<sup>245</sup> Zwino, hu na miniti i ḫodaho u swika ya fumi. A thi ḋivhi... (Naa—naa no ḫea muñwe hafha, ho vha hu mini?) Billy o amba uri o no di kovha dziñwe. Ndo mu humbela u zwi ita matsheloni ano. Huno ndi kha di bva u dzhena ngomu nga miniti i si gathi yo fhiraho ngei murahu, huno a tho ngo vha na tshikhala tsha u mu vhudzisa, ngauri ndo vha ndi tshi khou amba na Mukomana Ben na vhañwe u mona heneffho. A tho ngo wana tshikhala tsha u mu vhudza. O tou mmbudza uri o kovha garaṭa dza thabelo. Garaṭa ya thabelo B, ya dana... (Ya u thoma u swika kha ya dana?) B. Zwo luga, kha ri ralo, ndi a tenda, garaṭa ya thabelo ya nomboro ya u thoma, B. Ndi nnyi a re na B? Ni nga kona... Arali ni tshi nga kona u ima, imisani tshanda tshañu, arali ni tshi nga kona u tshimbila. Muñwe musadži ngei murahu. Zwo luga, B, nomboro ya u thoma, nomboro ya vhuvhili, ya vhuraru, ya vhuña, ya vhuñanu, idani nga *iyi* ndila. Huno ndi khou yo humbela avha vhana vhañuku arali vha tshi do tou da heneffha murahu ha pulatifomo huno vha dzula phasi hafha zwino. Zwo luga. Zwino, zwino ndi a ni vhudza, vha rumeni, vhoiñwi iyani nga kha phasedzhi heneffho, vhoiñwi vhathu u bva kha ya u thoma u swika kha ya vhuñanu, iyani nga kha iyo ndila huno ni tsele heneffho phasi. I ri ni avho vha re phasedzhini heneffho, arali vha tshi nga kona, vha de ngeno murahu u mona hafha u yela kha zwidzulo zwavho. Zwino, vhana vhañuku vho dzulaho hafha, idani heneffha murahu ha pulatifomo hafha. Huno ndi ḫoda vhone vha tshi tshimbila heneffha hafha, vhathu, uri ndi kónē u vha rabelela.

<sup>246</sup> Zwino, kha ri vhone zwino. Ndi a vhonu. Naa ndo vhidza, ya u thoma u swika kha ya vhuñanu, naa dzo vha dži si dzone? Nthihi, mbili, raru, ina, thanu. Nthihi... Muñwe na muñwe a re na garaṭa ya thabelo heneffho, ya u thoma u swika ya vhuñanu, imisani tshanda tshañu, vhonani arali vhothe vho ima nga milenzhe yavho. Hu na ya u thoma, ya vhuvhili, ya vhuraru,

ya vhuna. Ndi shaya nthihi. Nthihi, mbili, raru, ina, thanu, kha B. Naa vhoiwi nothe ni nthihi, mbili, raru, ina? Nthihi, mbili, raru, ina? Naa thanu i ngafhi, B? Thanu, humelani murahu nga iyo ndila, mufumakadzi. Zwo luga, muñe wanga, monani nga iyo ndila. Iyo ndi yone. Monani heneffo huno ni vhuye, thanu. Rathi, sumbe, malo, tahe, fumi. Zwo luga, B, garata ya thabelo ya vhurathi, ya vhusumbe, ya malo, ya tahe, ya fumi. Ni a vhona, ri ita izwi, zwenezwo inwi a ni vhi na u thithiswa huñwe-vho tshifhingani itscho. Rathi, sumbe, malo, tahe, fumi. Zwino ndi na... Ndi a elekanya. Naa ni na garata, muñe wanga, no imaho hafha n̄ha? Sumbe? Zwo luga, iyani hangei, inwi iyani heneffo navho. Ndi na mbili fhedzi, ndi a elekanya, heneffo. Zwo luga, rathi, sumbe, malo, tahe, fumi, garata ya thabelo ya vhurathi, ya sumbe, ya malo, ya tahe, ya fumi. Ndi na mbili fhedzi, hafha hu na... Inwi ni na nthihi, muñe wanga? Khezwo. Khedzo. Fumi, fuminthihi, fumimbili, fumiraru, fumiña, fumighanu. Zwino iyo i do vha nthihi, mbili, raru, ina, thanu. Zwo luga, fumirathi, fumisumbe, fumimalo, fumitahe, fumbili. Nthihi, mbili, raru, ina, iyo. Zwo luga, fumbili, fumbilinthihi, fumbilimbili, fumbiliraru, fumbiliña, fumbilithanu. Nthihi, mbili, raru, monani nga iyo ndila, muñe wanga, monani, ni vhe mudubani, fumbilithanu, fumbilithanu. Mu thuseni heneffo, i ri ni a bve nga kha inwe ndila ine a ḥoda. Ni hafha, mukomana, heneffha, vho ni vulela ndila hafha. Vhatu vho ni vulela ndila hafha. Muñwe muthu kha mu thuse heneffo, arali ni tshi kona. I ri ni a mone huno a dzhene mudubani heneffo. Ndi a ni vhudza, dzulani fhasi heneffo, huno musi nomboro yawe i tshi vhidzelelwa, mu vheeni heneffo n̄ha afho. Ni a vhona? Musi a tshi da nga nomboro, mu dzeniseni heneffo mudubani. Zwo luga, ndi elekanya uri avho vha tou vha vhanzhi vhane vha nga kona-kona u tuwa zwino.

<sup>247</sup> Zwino, naa ndi vhangana hafha vhane vha sa vhe na garata ya thabelo, huno ni na fulufhelo, ni na—ni na ngoho zwa vhukumakuma ya uri Mudzimu a nga kona u fhodza vhalwadze? Imisani tshanda tshanu. Naa ni a zwi tenda? Naa ndi vhangana vha vhoiwi fhano vha bvaho... vhane vha divha uri a thi divhi tshithu nga ha inwi, a thi divhi na vhuthihi ha malwadze anu? Hu na—hu na vhatu fhano zwino, kha Thaberenakele yanga, kha muñwe wa vhoiwi vhatsinda, a hu na na nnyi na nnyi ane nda kona u mu vhona, nndani ha avha vhashumeli. Heneffo fhasi fhedzi ndi vhona muthu ane nda mu limuwa. Nne a thiho fhano lwo edanaho, ni a vhona, huno vha tou vha vhatu vha no dzhena ngomu vha tshi bva huñwe na huñwe. Naa ndi vhangana ngomu hafha... I ri ni ndi ni lingululele zwone. Naa ndi vhangana fhano vha no divha uri a thi divhi tshithu nga ha inwi? Imiselani zwanda zwanu n̄ha hafha. Vhonani hafha. Ni a vhona? Ni a vhona? Itscho ndi tshanda tshanu phanda ha Mudzimu, inwi ni a vhona. A thi divhi tshithu nga havho.

Zwino, a thi zwi ḋivhi zwauri ndi nga ḋi wana muñwe muthu a no vhidzelelwa mudubani wa thabelo ngaurali, we nda mu divha, fhedzi ndi sa ḋo ḋivha uri o ḋelani fhano. Ni a vhona, a thi nga ḋo zwi ḋivha zwe vha ḋela zwone fhano.

<sup>248</sup> Zwino zwine nda khou lingedza u ita ndi u ni ita uri ni vhone izwi, zwino sedzani, "Mishumo ine Nda ita na inwi ni do ita." Naa izwo ni a zwi tenda? Naa ni a tenda uri U ḋo lingulula ilo Ipf? Zwo luga. Naa O amba uri U ḋo Didzumbulula vhunga Murwa-muthu magumoni a tshikhathi tsha tshivhidzo? Ndi vhangana? Nahone shango li ḋo vhonala, li nga tshivhumbeo tsha Sodoma na Gomora? Naa izwo ni a zwi tenda?

<sup>249</sup> Zwino, Billy, ndi ngani ni sa tou vha tendela u ḋa heneffa nga hafha? Iina, zwo luga. Zwo ralo, ho luga, zwo luga.

<sup>250</sup> Ngei—ngei magumoni a tshikhathi, U ḋo Didzumbulula. Zwino, sedzani, ni a zwi limuha izwo, zwenezwo, hafha hu na u sa konadzea tshothe-tshothe? Zwino, ngevha vhatu vho imaho mudubani uyu, vhane na khathihi a thi athu vha vhona vhutshiloni hanga. Hu na vhatu vho dzulaho ngei nnnda, vhane na khathihi a thi athu vha vhona. Fhedzi, elelwani, Vhaheberu 4:15, ndi tenda uri ndi yone, ye ya amba zwauri "Ndi ene Tshifhe Muhulu zwino ane a nga kona u kwamiwa nga vhuḍipfi ha u shaya nungo hashu." Naa izwo ndi ngoho? Zwino, arali Ene e Tshifhe Muhulu, zwenezwo ndi Ene Vhaheberu 13:8, zwenezwo, "A sa shanduki mulovha, namusi, na lini na lini." Naa izwo ndi zwone? Zwino, naa U ḋo Didzumbulula hani? Vhunga ndo ni vhudza, tshifhinga tshothe Ú amba nga kha vhaporofita Vhawe. Ene tshifhinga tshothe u rumela mu—mu—mu—mulaedza khathulo i sa athu swika. Zwithu zweṭhe, na khathihi Ha shandukisi ndila Yawe.

<sup>251</sup> O dzhia tsheo ngadeni ya Edeni, uri U ḋo tshidza hani muthu, nga kha malofha o shuluwaho a uyo a si na mulandu. Ene na khathihi ha athu i shandukisa. Riñe ri lingedza u i shandukisa, nga kha pfunzo, nga kha thawa dza Babele, nga kha midi mihulwane, na tshiñwe na tshiñwe tsha u ralo. Riñe ri lingedza u i shandukisa, fhedzi a zwi shumi. Ri lingedza u i shandukisa, nga u fundedza shango Khae. Ri lingedza u i shandukisa, nga dinomineisheni ya vhatu. Na khathihi a zwo ngo shuma. Ndi fhethu huthihi fhedzi hune muthu a nga ṭanganela u luvha, fhasi ha Malofha. Dinomineisheni dzañu dici do ni fhandekanya, fhedzi fhasi ha Malofha ni a fanaho. Ene ha shanduki na khathihi.

<sup>252</sup> Zwino, arali Ene e Tshifhe Muhulu a sa shandukihi, nahone a sa shanduki mulovha, namusi, na lini na lini, zwenezwo U tea u vhulunga ilo Ipf. Hu si ngauri ro amba uri O ita, ngauri O ri U ḋo ralo. Ni a vhona? Zwino, zwino, arali A tshi ḋo ita itsho... Zwino, itonu ima lwa muniti,

elekanyani. Zwino, naa ndi vhangana vha vhoiñwi kha uyu muduba wa thabelo vhane na zwi ñivha zwauri a thi ñivhi na tshithu na tshithihi nga hañu, vhulwadze hañu? Zwenezwo imisani tshanda tshañu, inwi ni a zwi ñivha zwine nda... Naa ndi vhangana kha uyo muduba wa thabelo vha no zwi ñivha zwauri a thi khou vhuya nda ni ñivha? Imisani zwanda zwañu.

<sup>253</sup> Sedzani kha vhathetshelesi, ni a vhona. Zwino, inwi a re ngeyo nda, a ni tei u vha fhano, inwi itonu kwama tshiambaro Tshawe. Inwi itonu amba, ni ri, "Murena Yesu, ndi a U tenda." Zwino ni ri, "Ndi a tenda Ilo. Huno ndi—ndi tenda uri—uri Iwe u nga kona u dzumbululela Mukomana Branham, ngauri..."

<sup>254</sup> Zwino, hu si ngauri ndi Mukomana Branham, u tou vha munna zwawe. Nahone hu na khonadzeo ya uri arali U Takulelwā Tađulu ha da matsheloni ano... Inwi ni elekanya nga ha U Takulelwā Tađulu? Arali U Takulelwā Tađulu ha da matsheloni ano, ndi amba izwi nga u ñitukufhadza, a hu na u timatima uri hafu ya itsi tshivhidzo, arali ro ya u ya nga—nga dzidigirii, u ya nga hune ra do vha hone, hafu ya vhoiñwi i do tuwa phanda hanga. Izwo ndi zwone. Nñe a thi... Sedzani vhuđifhindulelī vhune nda vha naho, na ndila—ndila ine nda vhu hwala ndi sa ñidini. Nñe ndi mulandā a si na mbuelo kha Kristo, u ñivha zwine nda zwi ñivha nga ha Ene huno zwenezwo nda tshila nga ndila ine nda ita; hu si u vha na vhuđa, hu si u sa kuna, a hu na tshithu tsha u ralo, Mudzimu u a ñivha uri izwo ndi ngoho. Ni a vhona? Ndi lingedza u tshila nga ndila yo lugaho, fhedzi ndi—ndi—ndi tou nga a thi koni u wana tshithu tsha u ya nga hangei. Khamusi ho vha ho tea ho vha muñwe muthu-vho, khamusi o funzeaho nga maanda kana tshiñwe tshithu, tshe vha vha who kona u tshi isa kha vhathe. Fhedzi zwenezwo vhañwe vha a elekanya, a si vhathe vhothe vha no khou yo zwi pfesesa, naho zwo ralo. Ni a vhona? Ni a vhona? Ni a vhona, U a ñivha zwine A khou yo ita. Ngauralo ndi tou ñikumedza Khae huno nda ri, "Murena, nñe ndi zwandani Zwañu, nnyite zwine wa vhona ndo tea." Zwino, arali Yesu Kristo e a sa shanduki mulovha na lini na lini...

<sup>255</sup> Zwino, ndi tenda uri ndi a ñivha uyu musadzi. A thi koni u humbula uri ndi ene nnyi, fhedzi ndi a mu ñivha. Ndi a mu ñivha, nga inwe ndila. Fhedzi ndo no vhona tshifhatuwo tshawe, fhedzi a—a thi ñivhi uri ndi ene nnyi nga tshino tshifhinga. Fhedzi ndi—ndi—ndi a mu ñivha, nga inwe ndila. Naa a ni nnndivhi? Uh-huh. Ndo—ndo elekanya, ndo sedza tshifhatuwo tshawe, ndo elekanya uri ndo mu ñivha, fhedzi ndi nga si kone u vhidzelela uri ndi nnyi. Fhedzi ndi a tenda uri u... Naa munna wañu... Naa a si inwi musadzi a no shuma ngei... Munna wawé u shuma ngei Seven—Seven—Seven... kana Seven-Eleven, kana tshiñwe tshithu tsha u ralo, fhasi ngei New Albany. Vho-Mme Agan, izwo ndi zwone. Zwino, vhone vho vha vhe fhano vha da tshivhidzoni. Roy, naa

itsho ndi tshone tshe ra ya khatsho liñwe ḫuvha nga... Naa itsho—naa itsho ndi tshone tshi re nñha thavhani? Naa ni ri mini? Khaladzi awe. Izwo zwe vha, nga ndila ine, nda vhona. Ndi elelwa nne na Roy ri tshi khou reila, huno a bula ijo dzina, huno Murena a nthuma henengei ntha huno a fhodza uyo musadzi zwa zwino. Ee, muñe wanga, huno ndo tou elelwa.

<sup>256</sup> Zwino, fhedzi u ḫivha uri ho khakheani kha inwi, a thi na muhumbulo. Inwi ni a zwi ḫivha izwo. Fhedzi arali Murena Yesu a tshi nga kona u mu ḫhudza tshiñwe tshithu tshe a ita. Kana arali khamusi a na—a na vhuñwe vhuleme ha tshelede. Khamusi ene na munna wawe vha na vhuñwe vhuleme, khamusi ene na vhana vhawé, khamusi muñwe wa vhana vhawé, arali e na vhana, a thi ḫivhi. Fhedzi arali e navho, khamusi vhañwe vha vhana vhawé vha khou—khou gidima nn̄da. Khamusi o ima hafha uri a ḫivhe tshiñwe tshithu nga ha hezwo. A thi ḫivhi. A thi na ndila ya u ḫivha. Ndi—ndi—ndi nga si ni vhudze. Fhedzi Ene u a ḫivha. Ni a vhona? Ngauralo, inwi ni a vhona. Ni a ralo?

<sup>257</sup> Thetshelesani, zwino pfectesani ili nga vhuronwane. Nne na khathihi a thi athu amba izwi kha vhatsetshelesi, fhedzi ndi pfa ndi tshi rangwa phanda u zwi amba zwino. Naa ipfi ndi mini? Ndi muhumbulo wo bulwaho. Zwino, naa ndi nga bula hani muhumbulo wawe, kana ndi nga mu bulela hani zwine muhumbulo wawe wo vha zwone? U do tea u vha muñwe muhumbulo wo newaho, huno a nga si kone u zwi ita. Ngauralo ndi tea u bula muhumbulo Wawe, huno arali wo luga... Arali i muhumbulo wa Mudzimu, u do vha wo luga; arali u si muhumbulo wa Mudzimu, zwenezwo a u nga vhi wo luga; u do u ḫivha, ni do u ḫivha, vhothe vha do u ḫivha. Ni a vhona, hu tou vha hu si na ndila khawo. Zwi tea u vha Mudzimu kana a si Mudzimu. Tshilidzi Tshawe tsho edana. Zwino ni tende, zwino, muñwe na muñwe.

<sup>258</sup> Huno ndi vhangana vha no khou yo tenda? Zwe luga, khamusi a ni athu vhona muñwe wa miñangano na khathihi, fhedzi ni khou yo tenda arali Mudzimu a ita izwo? Huno zwenezwo inwi a re ngeyo nn̄da zwino, inwi ane a sa do vha mudubani wa thabelo, inwi—inwi ni a rabela, na inwi—vho, ni a vhona. Kana naho ni tshi khou dzhena thabeloni, a thi londi uri ni nnyi, inwi itonu rabela.

<sup>259</sup> Murena Yesu, zwino ndo dzhia tshifhinga tshinzhi, fhedzi ndi tshumelo Yau, Murena. Huno ndo ita izwo zweñothe sa muthu a tshi nga ita, fhedzi Iwe u Mudzimu, zwino zwiñwe zweñothe zwi zwandani Zwau, Khotsi. I ri zwi ḫivhee uri Iwe u Mudzimu, nahone Ipfi Łau ndi ngoho. Lingulula Ipfi Łau, Murena, la ili ḫuvha la u fhedzisela musi Murwa-muthu a tshi do dzumbululwa. Naa O Džidivhadza hani? O vha e Ipfi. Naa Ipfi ndi mini? Muñalukanyi wa miñumbulo na zwine mbilu ya fhima zwone. O ḫivha miñumbulo yavho, a vhudza Petro,

Filipo, Nathaniele, musadzi ngei tshisimani, vhaṁwe vhothe heneffo, uri musi vha tshi ḍo da, vho zwi ḏivha uri musidzana mutuku o vha o ḋedela, a songo fa. Ndi a rabela, Mudzimu, uri U shumise thaberenakele dzo ṭukufhalaho dzashu namusi, dza uvhu vhudzulo ha lifhasini, uri U kone u ḋidivhadza. Nga Dzina ḥa Yesu Kristo. Amene.

<sup>260</sup> Zwino u fhodza, a thi koni, ni a zwi ḏivha hezwo. “Naa tshifhiwa ndi mini, Mukomana Branham, tshiñwe tshithu tshire na dzhia?” Hai. Ndi tshiñwe tshithu tshire na ḏivha ndila ya u dibvisa ndilani. Ni a vhona? Zwenezwo inwi ni heneffo, i nga si shume na khathihi. William Branham ndi swina lihulwanesa line nda vha naļo. Ni a vhona? Fhedzi musi ndi tshi mu bvisa ndilani, ni a vhona, zwenezwo Yesu Kristo a nga kona u shumisa muvhili. Ni a vhona? Ni a vhona, zwino, ndi a ḫa kha uyo musadzi. Zwino mini? Zwino i ri ni arali—arali o—arali o vha a tshi lwala.

<sup>261</sup> Ngoyu mufumakadzi hafha o vheaho murado wawe n̄ha kha—kha tshidulo. Zwino, arali nda... arali Yesu o vha e fhano, huno a tsela fhasi huno a vhea zwanda Zwawe kha uyo musadzi, uyo murado u ḫo wana mutakalo. A hu na u timatima nga ha hezwo. Fhedzi, inwi ni a vhona, riñe ri vhathu vha re na zwanda zwa tshika. Zwanda Zwawe ndi zwikhethwa, Mudzimu o Mu khwāthisedza. O vha e Ipfi. Inwi ni a zwi tenda izwo? Ngoho, O vha a si na u timatima. O vha a tshi do vhea zwanda Zwawe khae, a ri, “Nwananyana, ivha na mutakalo,” huno o vha a tshi ḫo vha na mutakalo. Fhedzi zwenezwo O ri nea ndaela ya u ita zwenezwo zwithihi. Ndi elekanya uri Ene o no zwi ḫalusa nga ndila i pfalaho.

<sup>262</sup> Zwino, mini-ha arali O vha a tshi do n̄ea bono, huno a vhudza uyu musadzi tshiñwe tshithu tshi teāho u itwa? Izwo, zwo ralo, ndi a tenda-ha uri arali ndo vhea zwanda zwanga khae, u ḫo vha na mutakalo. Naa ni a zwi tenda izwo? Fhedzi mini-ha arali A songo n̄ea bono? Naa bono lo vha li tshi ḫo itani? U n̄ea lutendo fhedzi. U fhirisa lutendo lwanga, maanda a sa vhonwi a Mudzimu. Ni a vhona? Zwino, arali inwi, muňwe na muňwe wa vhoiñwi a tshi fa nga uyu muniti, inwi na khathihi ni nga si vhone wañu u tshi ṭutshela muvhili wañu. Vhukoni ha muhumbulo hanu hothe, zwothe zwine na vha zwone zwi ḫo ṭuwa, fhedzi inwi na khathihi ni nga si zwi vhone zwi tshi ṭuwa. Ni a vhona? Hu do vha i sa vho-... Nungo dzi no nnyita uri ndi sudzuluse zwanda zwanga, idzo ndi nungo, naa a si dzone? Nungo dze dza kona u nnyita uri ndi elekanye, nungo dzine dza nnyita uri ndi rere, nungo dzine dza nnyita uri ndi tshile, ndi ite, idzo nungo dzenedzo dzi fanaho dzine dza kona u ṭuṭuwedza uyu muvhili dzi ḫo u ṭutshela huno a ni nga vhonwi nungo dzi tshi ṭuwa. Ndi nungo dzi sa vhonwi. Na lutendo lwo ralo! Zwi songo ni pfuka izwi. Lutendo! Huno Yesu o ri, “Vha ḫo vhea zwanda kha vhalwadze.” Zwino, ni a vhona, arali ndo

ya huno nda vha na bono huno nda vhea zwanda khae, ndi tenda uri u khou yo wana mutakalo, ngauri ndo vhona bono, fulufhelo langa li kha bono. Fhedzi mini-ha nga ha Ipfi? Vheani zwanda khae nga lutendo lwonolwo luthihi. Bono li tou newa fhedzi u tujuwedza lutendo lwanga na lutendo lwanu. Nga lutendo lwonolwo luthihi hu si na bono, zwi do shuma nga ndila i fanaho. Vhañwe vhatu vha newa lutendo luhulwane. Vhañwe a vha na ulwo lushaka lwa lutendo, vha newa mabono a u vha nea ulwo lutendo. Ni a vhona? Zwino, ni a vhona, zwi do di vha zwi zwanda zwenezwo zwithihi zwa tshika, muthu onoyo muthihi, fhedzi a tshi khou tou vhea zwanda khae.

<sup>263</sup> Zwino, Muya Mukhethwa kha u khwathise Vhuhone Hawe, u khwathise Ipfi Lawe le A fulufhedzisa. Zwino, ndo hangwa zwe dzina lanu la vha li zwone. Naa dzina lanu ndi lifhio, zwino? Agan. Zwo luga, O vha a tshi nga kona u mmbudza lone arali O vha o toda u ralo, ni a vhona, fhedzi ndi khou tou amba uri ndi—ndi a divha uri ndi a ni divha. Zwino, inwi itonu da hafha lwa muniti, tsini zwituku, hu na vhatu vho imaho henehfo vha no khou rabela, inwi ni a vhona. Izwo ndi... Zwino, Vho-Mme Agan, arali ndi—arali ndi mulanda wa Kristo, nahone ndo rera Ipfi line nda tenda uri ndi Ngoho, naa izwo ni a zwi tenda? [Vho-Mme Agan vha ri, “Ee.”—Mudz.] Inwi ni a zwi tenda. Zwino, arali ni na thodeya ya tshiñwe tshithu, a tho ngo kona u ni nea tshone, ngauri a thi natsho u nea; nndani ha musi khamusi hu tshi nga vha tshelede thukhu kana tshiñwe tshithu, kana ndi nga ya nda amba na munna wanu kana vhana kana vhafunwa kana tshiñwe tshithu, ndi nga kona. Fhedzi arali ni tshi toda phodzo, ndo kundelwa u ni nea yone, iyo yo no di rengiwa. Fhedzi nga kha tshifhiwa, ndi nga kona u ni ita uri ni limuwe, arali ni na lutendo, uri iyo yo no di rengiwa, ngauri Uyo We a i renga, ndi Ene fhedzi ane ni nga vha na lutendo khae, ndi Murwa wa Mudzimu. Murengi o ima hafha. Ni a vhona? Naa izwo ndi zwone? Murengi u fhano.

<sup>264</sup> Zwino, inwi ni nndivha sa khaladzi, mushumeli, huno nne ndi ni divha sa khaladzi. Rine ri Mu divha sa Mudzimu. Zwino, arali uyo Muthu a sa vhonwi, nga tshifhiwa tshire nda tea u dibvisa ndilani, a nga mmbudza, a ni vhudza nga kha nne, milomo yanga, ni a vhona. Zwino, musi ndi tshi khou rabela, Mudzimu ha mmboni, U tou pfa ipfi langa nga kha Malofha a Yesu. Ni a vhona, Ha mmboni, U pfa ipfi langa. Huno ayo Malofha henehfo ndi a u imela zwine nda humbelia. Ni a vhona? Zwenezwo U pfa ipfi langa, fhedzi U vhona fhedzi Malofha. Ni a vhona, Ha mmboni, ngauralo ndi nga si kone u vha wa tshika musi ndi fhasi ha Malofha. Malofha a a tanzwa. Ni a vhona, Ndi ene bamphara vhukati hanga na Mudzimu, nahone o fulufhedzisa, “Humbelani Khotsi tshiñwe na tshiñwe, Ndi do tshi ita.” Naa inwi ni a tenda uri izwo ndi ngoho?

<sup>265</sup> Zwino, arali muñwe na muñwe... a tshi vhonala sa... Naa ni a kona u vhona izwo zwi no khou bvelela? Sedzani, tshi no khou dzhena ngomu hafha, ni a vhona, ndi Tshedza, muvhala wa mutoli, tshi tshi tshimbila u mona hothe.

<sup>266</sup> Zwino o kundelwa u tshi dzumba arali o vha o tea u ralo. Hai, hai. Inwi ni fhano zwi tshi bva kha mvelelo dza tshinwe tshithu tshe tsha bvelela kha inwi. No vha ni na nyumonia, nahone no vha ni sibadela. No vha ni fhasti ha dennde ya gesedungi. Huno ni khou tambula nga mvelelo dzayo. Ni khou yo vha na mutakalo. Yesu Kristo u khou yo ni nea mutakalo, ni a vhona, nahone na vha na mutakalo. Iyani phanda, ni tshi zwi tenda. Iyani phanda, ni tshi zwi tenda, Khaladzi Agan. Ndi khou yo vhea zwanda zwanga kha inwi, Dzinani la Yesu. Mudzimu a ni fhaütshedze, khaladzi. Tuwani, takalani zwino, ni songo timatima zwe A zwi amba.

<sup>267</sup> Naa ni vuwa hani, khaladzi? A—a thi tendi uri ndi a ni divha. Ri vhatsinda. Zwino, ngoyu musadzi ane nda sa mu divhe. A thi ni divhi. A thi na ndila ya u ni divha. Fhedzi ni a tenda uri Mudzimu a nga kona u nndzumbululela, nga Ipfi Lawe, ni a vhona, ngauri O zwi fulufhedzisa? Naa ni a tenda uri A nga kona u mmbudza tshinwe tshithu nga ha inwi? Huno izwo zwi do ni ita uri ni zwi tanganedze, izwo zwi zwone, ndi tshi divha uri hu do vha hu si nne, khaladzi anu, hu do vha hu Ene, Mutshidzi wañu. Naa izwo ni a zwi tenda? No lindela muaro. No vhudzwa uri ni tea u itwa muaro. Naa ni a tenda uri A nga kona u mmbudza uri muaro ndi wa mini? U thumbuni, na kha mala. Izwo ndi zwone kokotolo. Ni khou toda u u ponya. Naa ni a tenda zwino, hu na uyu Muya fhano, Muya wa Kristo u mona hothe kha riñe nahone wo ima kha nne...? Ni a zwi divha uri tshinwe tshithu tsho do tea u ni vhudza, ngauri a thi ni divhi. Naa ni a tenda, nga u vhea zwanda, izwo zwi do fhirisa lutendo lune nda tenda khalwo, na inwi na lutendo lwanu, na phanda ha Mudzimu, Khotsi ashu, ni do fholo? Zwenezwo, Murena Yesu, ndi thetshesela ndayo Dzau, musi Wo ri, “Izwi zwiga zwi do teyhela avho vhane vha tenda. Arali vha tshi vhea zwanda kha vhalwadze, vha do fholo,” i ri khaladzi ashu a vhe na mutakalo u itela vhugala ha Mudzimu; Dzinani la Yesu, amene. Iyani hayani, itonu hangwa nga hayo, ni a vhona, iyani ni tshi zwi tenda nga mbilu yanu yothe.

<sup>268</sup> Naa ni vuwa hani? Ndi amba izwo u kwama myua wanu fhedzi, mufumakadzi. U tou fana na Yesu o ita ngei tshisimani, a ri, “Nndisele tshinwiwa.” Zwino, ndi a tenda... A thi tendi uri ndo no vhuya nda ni vhona, ndi tenda uri ni mutsinda kha nne. Naa izwo ndi zwone? Arali izwo zwi zwone, imisani tshanda tshanu uri vhathetsheseli vha kone u vhona. A thi divhi uyo mufumakadzi.

<sup>269</sup> Iyi ndi phodzo ya vhukumakuma, ndi lutendo lwa vhukumakuma, Luñwalo lwa vhukumakuma, Ipfi la Mudzimu

li songo vangwaho li tshi vhonadzwa na u lingululwa uri Ho ngo fa. U a tshila u ya lini na lini. "Huno ane a tenda kha Nne, mishumo ine Nda ita na ene u do ralo, huno uyu mutendi u do vhea zwanda kha vhalwadze huno vha do fhola." Oo, naa ni nga zwi timatima hani? Ni a vhona? Zwino, O divha uyo a no do ralo na uyo ane a sa do ralo, nne a thi ralo. Izwo zwi kha Ene.

<sup>270</sup> Fhedzi zwino arali uyu mufumakadzi e mutsinda... A thi mu divhi, na khathihi a thi athu mu vhona vhutshiloni hanga. Ndi musadzi muswa, muswa nga maanda u fhira—u fhira nne. Fhedzi a—a thi athu mu vhona na khathihi. Huno u fhano u itela iñwe ndivho. Naa ni a tenda uri izwi zwithu zwe nda zwi funza Bivhilini, mufumakadzi, uri ndi Ngoho? Inwi ni a tenda uri zwone ndi Ngoho. Huno ni a I tanganedza, hu si ngauri nne ndo I amba, ngauri Mudzimu o I amba?

<sup>271</sup> Naa ni a tenda uri ri khou tshila mađuvhani a u fhedzisela musi Murwa-muthu a tshi tea u vhonadzwa? Izwo zwi do vha Ipfi lothe lo kuvhanganywaho nga kha Luther, Wesley, Baphuthisi, na izwo zwethe, na tsha Pentekoste, zwethe zwe kuvhanganywa u swika kha nzumbululo ya zwethe zwe zwa vha hone. Muruniwa wa vhusumbe o vha e wa u pfuñulula tshiphiri tsha mapfundo a rathi. Tshothe tshi do kuvhanganyelwa kha Murwa-muthu, tshifhinga Tshawe nga vhudalo tsho da kha Ipfi Lawe nga vhudalo, u vhonadza Muvhili Wawe nga vhudalo. Illo ndi lone Ipfi, zwenezwo, illo ndi Ipfi lo ambiwaho li tshi vhonadzwa nga Ipfi, ja dzumbulula Ipfi.

<sup>272</sup> Zwino, arali Mudzimu a tshi nga mmbudza uri vhuleme hanu ndi mini, vhu re hone, kha ndi ralo... O ni ita, U divha zwethe nga ha inwi. Huno arali A tshi nga zwi dzumbulula... Inwi ni vhonala sa muthu o takalaho. Fhedzi arali A tshi nga nndzumbululela hone, ni do divha uri kana ndi ngoho kana hai. Naa ni do zwi tanganedza? Zwino sedzani ngeno kha nne. A hu na zwiñwe, no ambara dzingilasi, inwi no do tea—tea u dzi ambara. Izwo zwa vhukuma a si zwe na ñela zwone fhano. Ndi kona u vhona uri Tsho sudzulutshela henengei murahu, ni a vhona. Zwino, inwi ni fhano nga nthani ha u khañha ha malofha. Ni a vhona? Ni a vhona? Naa ni—naa ni a tenda uri A nga mmbudza vhu ngafhi? Milenzhe yanu. Naa ni a tenda uri izwo ndi Mudzimu a no khou zwi ita? Naa ni a tenda uri Mudzimu a nga mmbudza zwe engedzeaho nga ha inwi? Huh? Ndi zwone zwauri inwi ni mutsinda, huno ndi tou... u amba na inwi lwa muniti. Naa ni a tenda uri A nga kona, naa ni a tenda uri A nga mmbudza hune na bva hone? Ni bva Gary, Indiana. Naa ni a tenda uri A nga mmbudza uri ni nnyi? Vho-Mme Ogden. Izwo ndi ngoho. Zwino inwi humelani murahu hayani huno ni wane mutakalo, nga Dzina ja Yesu Kristo.

<sup>273</sup> Naa ni vuwa hani? Rine ri vhatsinda, na rine-vho. A thi ni divhi, ni a vhona. Fhedzi inwi ni a tenda uri Murena Yesu a

nga nndzumbululela vhuleme haṇu? [Khaladzi u ri, “Ndi a zwi divha.”—Mudz.] Ni a zwi divha. Ndi a ni livhuwa, khaladzi. Izwo ndi zwavhuḍi nga maanḍa. Zwo luga, ngauri inwi ni a zwi divha izwo, zwenezwo, iyo heniya i ḍo luga. Nahone ni na—nahone ni na tshi—tshibvo lurumbuni lwaṇu. Izwo ndi zwone, a si zwone? Ni ḫoda ndi tshi ni vhudza uri tshi kha lurumbu lufhio? Tshi kha lurumbu lwaṇu lwa tsha u ja. Izwo ndi zwone kokotolo. Zwino isani phanda na nđila yaṇu huno ni zwi tende, huno ni ḍo vha na mutakalo.

<sup>274</sup> Ni a tenda? Zwa vhukumakuma, ndi Ngoho. Naa ni a tenda uri Murwa wa Mudzimu, Murwa-muthu, o tsela fhasi nga kha zwikhathi vhunga O fulufhedzisa? Fhedzi, hone, ni a tenda uri shango li kha nyimele ya Sodoma, lo lugela u tshinyadziwa nga mulilo, vhunga zwe Sodoma wa itwa? Vhasodomni vho vha vhe Vhannda, elelwani. Fhedzi fhasi ngomu heneffo, ngomu Sodoma, ho vha hu na vhaṇwe vhathu vho lugaho, Mudzimu o ruma muḍinda wa u vha vhidzela nnda; vhaṇwe vhavho vho da, vhaṇwe a vho ngo ralo, vhunzhi havho vho dzula ngomu. Fhedzi ho vha hu na tshigwada tsho dzulaho ntha thavhani, Abrahamu, huno ho vha na Mudinda o daho khae u mu sumbedza zwe zwa vha zwi tshi khou yo bvelela. O vha a sa khou yo vha ngomu hawo, naho zwo ralo. Fhedzi zwenezwo shango li kha iyo nyimele i fanaho namusi, huno Yesu Kristo ndi Murwa wa Mudzimu, Murwa-muthu, Murwa wa Dafita, huno U da u Divhonadza.

<sup>275</sup> Ndi kha ḫi bva u dzhieila nzhele tshiṇwe tshithu tshi no khou bvelela kha musadzi. U fhano u itela buḍo lihulwane. Haho fhano u itela vhulwadze. Ni a divha zwine a ḫoda u nkhubela zwone? “U vhea zwanda kha” ene, u ḍo “tanganedza ndovhedzo ya Muya Mukhethwa.” Ni a vhona? Ni a vhona? Naa izwo a si zwone? Imisani tshanda tshaṇu arali izwo zwi zwone. Ni a vhona? Ni a vhona, u na tshithu tshihulwane. Khotsi wa Taḍulu a Funwaho, nea uyu ḫwana Wau lutamo lwa mbilu yawe, ngavhe a tshi ṭanganedza ndovhedzo ya Muya Mukhethwa. Ngauralo u ḫo I ṭanganedza. Amene. Ni ḫo I ṭanganedza, khaladzi. Mudzimu a ni fhaṭutshedze. Mu ḫeeni thendo na vhugala.

<sup>276</sup> Naa ni a tenda? Mini-ha nga ha inwi ngeyo nnda, ni a tenda, na inwi-vho? Arali ni tshi nga tenda, zwithu zwoṭhe zwi a konadzea. Ni vhonala ni tshi fulufhedzea malugana na hezwo, ni a tenda uri uho u khaṭha ha malofha hu nga ḫuwa, na hone-vho? No dzula heneffo no ambara hemmbe i vhonalaho i dala. Imisani tshanda tshaṇu arali ni tshi tenda uri hu ḫo ḫuwa, hu ḫo ralo. Na khathihi a thi athu vhona uyo munna vhutshiloni hanga, mutsinda tshoṭhe-tshoṭhe, vhukumakuma kha nne. Na khathihi a thi athu mu vhona.

<sup>277</sup> Naa ni a zwi tenda, vhaṇwe noṭhe, vhathetshesi? Zwino, a ni vhoni, uri hu tea u vha Ene?

<sup>278</sup> Pfuko a si tshithu tsho vhifhaho kha Mudzimu u tshi fhodza. U a kona u tshi fhodza, Ha koni? Naa ni a tenda uri U do ralo? Zwo luga, zwenezwo tuwani, ni i ḥanganedze, nga Dzina la Yesu Kristo. Itonu tenda nga mbilu yanu yothe.

<sup>279</sup> Hu ri ni, mufunwa. Ni a ḫivha, Yesu o shulula Malofha Awe, uri—uri malofha anu a kone u luga. Naa ni a zwi tenda izwo? Mudzimu a Funwaho, ndi fhaṭutshedza uyu ḥwana, huno ngavhe a tshi vha na u fhiriselwa ha malofha a bvaho Khalivari. Tusa tshugela yothe, Murena, huno u ite uri a vhe na mutakalo, Dzinani la Yesu. Mudzimu a ni fhaṭutshedze.

<sup>280</sup> Naa ni vuwa hani? Naa ni a tenda uri A nga fhodza uyo muṭodo huno a u nea mutakalo? [Mukomana u ri, “Ndi a ḫivha uri A nga ralo.”—Mudz.] Zwo luga, tuwani, zwi tendeni, ivhani na lutendo. Kha ri tou vhea zwanda kha inwi ngauri ni khou zwi humbelia. Mudzimu a ni fhaṭutshedze, mukomana.

<sup>281</sup> Naa ni a tenda? O ita zwiliwa uri zwi ḥiwe, A ita thumbu uri i zwi suke. Huno musi tshiṇwe tshithu tshi tshi khakhea thumbuni iyo, Ndi ene Mufhodzi wayo. Naa ni a zwi tenda izwo? Zwo luga, ndi zwenezwo fhedzi zwine na tea u zwi ḫivha, tendani nga mbilu yanu yothe.

<sup>282</sup> Ngauri no vha na zwenezwo zwithihi, itonu bvela phanda huno ni tende nga mbilu yanu yothe, na inwi-vho.

<sup>283</sup> Ho luga, ḫisani mufumakadzi phanda. Naa ni vuwa hani? Musidzana muṭuku wa lunako, ndi muṭuku lu shushaho u vha na vhuleme ha tshisadzini. Naa ni a tenda uri Yesu u do ni fhodza uvho? Mudzimu a Funwaho, uyu musidzana muṭuku, ndi sema ili swina musi ri Vhuhoneni ha Yesu Kristo, ngavhe vhu tshi mu ṭutshela, ngavhe a tshi vha na mutakalo. Dzinani la Yesu. Amene. A ni fhaṭutshedze.

<sup>284</sup> Naa ni a tenda? Zwino murunzi wo swifhalaho u sudzulutshela nt̄ha, lufu. Pfuko a si...Mudzimu u a kona u fhodza pfuko huno a i nea mutakalo. Naa izwo ni a zwi tenda nga mbilu yanu yothe? Naa ni a tenda uri U khou yo ni nea mutakalo khayo? Nga Dzina la Yesu Kristo, ndi sema itshi tshithu tsho seṇwaho phasi ha idzo khovhe dzo khorosiwaho, ngavhe Tshifhambano tsha Kristo tshi tshi i tusa. Ngavhe i tshi tuwa, Dzinani la Yesu. Ni songo timatima, tuwani, tendani nga mbilu yanu yothe. Arali ni tshi nga tenda, zwithu zweṭhe zwi a konadzea.

<sup>285</sup> Naa ni vuwa hani? A hu na zwiṇwe, aṭhiraithisi yanu i do ṭuwa, huno ni do vha na mutakalo arali ni tshi tenda. Naa ni a tenda uri ni do vha nga u ralo uri ni kone u tshimbila u mona hoṭhe hafhu huno na luga tshoṭhe? Murena kha a fhaṭutshedze uyu khaladzi a funwaho, huno a mu nee mutakalo, Dzinani la Yesu Kristo. Tuwani, ni tshi tenda nga mbilu yanu yothe.

<sup>286</sup> Naa ni a tenda uri zwenezwo zwithihi zwi nga bvelela kha inwi? Zwo luga, ndi a tenda uri two ralo. Ni khou yo... Arali ni tshi tenda uri no fhola zwa zwino. Ndi tenda uri yo tuwa kha inwi, nne mune. Nga Dzina la Yesu Kristo, i ri mukomana washu a tuwe huno a vhe nomala na u vha na mutakalo, u itela vhugala ha Mudzimu. Amene.

<sup>287</sup> Mafhedzisloni zwe bvelela. Inwi o dzulaho henehfo, a no khou lila, ni a tenda uri tsinga dici bvaho malofha dici khou yo ni tutshela? O dzula henehfa u swika hafu ya awara ya u fhedza, hu vhonala nga u ralo, henehfa phanda hanga, O ima henehfa thungo ya uyu munna. Inwi no vha ni tshi khou tenda, a no ngo ralo? Inwi ni tshi tenda nga mbilu yanu yothe, huno ni nga humela murahu phasi ngei Texas huno na vha na mutakalo. Na khathihi a thi athu vhon a uyo munna vhutshiloni hanga.

<sup>288</sup> Naa ni a tenda uri uyo muñodo muñuku u khou yo vha na mutakalo na uri ni khou yo dilugisela u fhodzwa? Murena Yesu, kwama itshe tshithu tshifuku huno u tshi fhodze, Dzinani la Yesu Kristo. Amene. Zwi tendeni nga mbilu yanu yothe.

<sup>289</sup> Zwino uyo Muya u khou sendela, U tshifhañoni hothe. Zwi a kond a amba he ayo a nga vha o bva hone, mazhuluzhulu. I ri ni ndi ni sumbedze tshinwe tshithu. Naa ndi vhangana vha re na mazhuluzhulu, ngeyo nn̄da, imisan tshanda tshañu. Ni a vhon a, zwi a kond a amba uri mini ndi mini. Fhedzi Mudzimu u divha zwe the nga hazwo, lutamo lwanu lwothe. Inwi no lingeda zwe the, zwi a kond a, u zwi kunda. Zwithu zwinzhi vhutshiloni inwi ni lingeda u zwi litsha, huno ni toda u shumela Mudzimu nga tshinwe na tshinwe tshi re kha inwi. Hu vhonala hu tshi nga tshifhinga tshothe ho vha na tshinwe tshithu tshe tsha vha tshi tshi ni humisela murahu. Naa ni a tenda uri zwi khou yo bvelela zwa zwino, matsheloni ano, ni khou yo vhofhololwa kha izwi zwithu? Naa ni do zwi tenda?

<sup>290</sup> Khotsi ashu wa Tađulu, uri avha vhañwe vha vhone uri Iwe u Kristo, Murwa wa Mudzimu, fhodza uyu musadzi a funwaho o imaho hafha, Khotsi, mu hanyise. Rine rothe ri a zwi divha uri u a tambula, Murena, huno ri rabela uri Iwe u mu nee mutakalo. Musi ndi tshi vhea zwanda zwanga khae nga lutendo lwothe, nne, na nne-vho, ndi na mudio zwa zwino, ndo neta, Sathane, ndo shumesa, vhutaledzi vhu khou dina. Mu tutshele, Sathane. Ndi vhea zwanda zwanga khae nga lutendo lwothe lune nda vha nalwo, mu tutshele, Dzinani la Yesu. Inwi tuwani, ni tshi tenda Khae. Izwo ndi zwe na toda nne ndi tshi zwi ita.

<sup>291</sup> A thi ni divhi, ni mutsinda kha nne. Iyo heniya, arali ni tshi do tenda, i do vha na mutakalo. Huno tshinwe tshithu, ni na athiraithisi. Arali ni tshi tenda, ni do vha na mutakalo. Vhuleme ha muñodo hanu ho ni tutshela. Tuwani, ni tshi tenda.

<sup>292</sup> Naa ni a tenda nga mbilu yaṇu yoṭhe? Hafha, uyo... ndi vhangana... Naa vhoṭhe vha mudubani? Hu kha di vha na vhanzhi kha muḍuba wo salaho? Vhoinwi noṭhe ni fhira henefha nga hafha uri ndi kone u vhea zwanda kha vhalwadze. Kha ri kotamise zwifhaṭuwo zwashu lwa muniti fhedzi, ndi nga murahu ha awara ya u thoma n̄tha ha tshithoma. Mudzimu a Funwaho, ndi vhea zwanda kha khaladzi anga, musi ndodzo ya Muya Mukhethwa i fhano. Mu n̄ee mutakalo, Dzinani ja Yesu. Khotsi wa Taḍulu a Funwaho, ndi vhea zwanda kha mukomana wanga... [Tshikhala kha theiphi. Mukomana Branham u bvela phaṇda na u rabelela vhalwadze—Mudz.]... tendani.

<sup>293</sup> Oo, inwi a no ngo rabelelwa, mukomana? [Tshikhala kha theiphi—Mudz.]... mukomana, ni a ḥivha zwe a ita? Ndi muzwimi wa kale wa nyala. O ri o vha e na tshigidi tshe tshifhinga tshoṭhe a zwima nyala ngatsho, a ri o vha o no vha wa kalesa zwino u ya u zwima. O vha a tshi ṭoda u ḥisa tshigidi huno a n̄ne tshone. Amene. Kha ri ri, “Rendani Murena.” [Tshividzo tshi ri, “Rendani Murena.”]

Ndi a Mu funa,

Ni songo hangwa mbudziso ḥukhu yaṇu, ni i vhee n̄tha. Arali na sa i wana ḥamus, i ḥiseni nga ḥavhuraru kana nga Swondaha.

Ngauri O funa n̄ne u thoma  
Huno o renga...

Naa noṭhe no vha ni kha muduba wa thabelo, muduba wa thabelo?

...tshidzo  
Murini wa Khaṭivari.

<sup>294</sup> Elekanyani ndila ine A vha wavhudī kha riṇe, zwino. Itonu elekanya, Ü lingulula Ipfi ḥawe! Ni a vhona? Zwino vhonani, arali ndi tshi nga fhodza, zwo vha zwi tshi do vha zwo fhambanaho, ni a vhona, fhedzi Ndi Ene o no di zwi itaho. Ni a vhona? Ngauralo U tou lingulula Vhuhone Hawe hafha, “Ndi n̄ne Uyo we a vha o fa, huno ndi a tshila u swika lini na lini.” Ho vha hu si na muthu we a vha a tshi nga Ene. O vha e Munna we zweṭhe zwa vha zwi zwa Ene muṇe. O vha e Mudzimu. Ni a vhona? Na khathihi a ho ngo vha na munna we a tshila vhunga Ene o tshila. Na khathihi a ho ngo vha na munna we a bebwa vhunga Ene a tshi bebwa. Na khathihi a ho ngo vha na munna we a vha a tshi nga ita zwe... vhunga O ita. Na khathihi a ho ngo vha na munna we a fa vhunga Ene a tshi fa. Na khathihi a ho ngo vha na munna we a vuwa vhafuni vhunga Ene. “Oo,” inwi ni ri, “imani lwa muniti, Mukomana Branham, vhaṇwe vho vuswa vhafuni.” Iina, fhedzi vho fa hafhu. Fhedzi Ene u a tshila u swika lini na lini. Ni a vhona? Na khathihi a ho ngo vha na munna o vuwaho vhunga Ene. O vuwa vhafuni, u swika lini na lini.

<sup>295</sup> [Mukomana Branham u a niñuna “Ndi a Mu Funa”—Mudz.] Kha ri tou Mu imbelia lwone zwino.

Oo, ndi a Mu funa, ndi a Mu funa  
 Ngauri O funa nñe u thoma  
 Huno o renga tshidzo yanga  
 Kha Khalivari.

<sup>296</sup> Kha ri tou kotamisa zwifhačuwo zwashu. Murena Yesu, ndi funa avha vhathe. Huno ndi tou vha fara Murena, ho vha hu si u diimisela hanga u ita izwi. Fhedzi hafha, vhanzhi vhavho vhe na vhana vho lindelaho, vho farwa nga ndala, a vha pfeses. Fhedzi vha tou dzula henehfa, ngauri vha a zwi divha uri muthu a nga si tshile, nga nnđa ha Ipfi la Mudzimu. Huno zwenezwo musi Ipfi li tshi khou ambiwa, huno zwenezwo la divhadzwa, la vhonadzwa, la lingululwa, zwenezwo vha a zwi divha uri hu nga vha fhedzi Iwe. Ndi rabelela muñwe na muñwe. Vha fhačutshedze, Khotsi. Ngavhe vha tshi takala nahone vha khwatha u itela lwendo lu re phanda hashu. Vha fhačutshedze kha vhege yothe. Huno arali ha vha lufuno Lwau, Murena, lwa uri ri nga ḥangana hafha hafhu Swondaha i tevhelaho, Sabatha i tevhelaho, u da ngeno ra luvha, ndi a rabela, Mudzimu, uri U vha khwathise. Vharñe vhavho vha nga di si kone u ralo, vharñe vha do tea u ya mahayani avho kha zwipida two fhambanaho zwa shango, khamusi seli ha lwanzhe, kana nnđa ha States. Ri rabela uri U vhe navho nahone u vha thuse. Ngavhe ri tshi ḥangana milenzheni ya Yesu, liñwe duvha. Zwi tendele, Khotsi. Ri thuse zwino, vhunga ri tshi funana, na u tenda kha Iwe, huno ri tshi fhlufhela uri liñwe duvha tshivhofhekanyi tshi no vhofhekanya mbilu dzashu fhethu huthihi zwino tshi do vha thambo ya U Ya Nga Hu Sa Pheli, kha ri dzule kha uyo Muđi une wa vha tshikweainā, lwa Vhutshilo-tshohe hothe. Dzinani la Yesu. Amene. Zwo luga.

Dzhiani Dzina la Yesu na inwi,  
 Nwana wa . . . (Zwino khađanani)  
 . . . khombo;  
 Li do dakalo . . .

Rembuluwani huno ni khađane na muñwe, ni ri, “Ndo takala u vha na inwi fhano, matsheloni ano.”

Li dzhieni huñwe na huñwe hune na ya.  
 Dzina lavhudī, Oo li difha hani! (Mudzimu a ni fhačutshedze, Ben.)  
 Fhlufhelo la lifhasi na dakalo la Tađulu;  
 Dzina lavhudī, Oo li difha hani!  
 Fhlufhelo la lifhasi na dakalo la Tađulu.

Zwino, thetšelesani izwi zwino, zwino imbanī nga iyi ndila:

Dzhiani Dzina la Yesu na inwi,  
 Sa tshitangu kha tshikwekwe tshinwe na tshinwe;

Zwino thetšelesani nga vhuronwane.

Musi milingo i tshi ni kuvhanganelo.  
 (Naa ni itani?) Femani i<sup>lo</sup> Dzina likhethwa  
 nga thabelo.

Dzina lavhud<sup>i</sup> (Dzina lavhud<sup>i</sup>), Oo li difha  
 hani!

Fhulufhelo la lifhasi na dakalo la Ta<sup>d</sup>ulu;  
 Dzina lavhud<sup>i</sup>!



*U LINGULULA IPFI LAW* TSV64-0816  
 (Proving His Word)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Thangule 16, 1964, Thabereneake<sup>leni</sup> ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi thalutshedzo ya Tshiven<sup>da</sup> yo gandiswa huno ya pha<sup>da</sup>ladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
 58 DISA ROAD, ADMIRAL'S PARK, GORDON'S BAY 7140 WESTERN CAPE  
 REPUBLIC OF SOUTH AFRICA

VOICE OF GOD RECORDINGS  
 P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)